



光緒順天府志

人物志  
先賢  
六五

ル 5  
1481  
46





門 儿 3 6  
補 卷

門 儿 5  
1481  
47

人物志五

光緒順天府志九十五

先賢五

黃岡洪良品纂江陰繆荃孫覆輯

遼

韓延徽 子德樞  
子紹勳

德樞  
紹芳

康默記 孫延壽

劉珂

室昉

馬得臣

張儉

牛温舒

楊佶

楊績

楊哲

劉伸

王鼎

張衍

金

韓昉

程窠

任熊祥

劉彥宗 孫仲誨

左泌 姪光慶

趙元

韓企先 子鐸

翟永固

高昌福





韓錫曾孫玉子不疑

劉中子賁

賈少冲子益

劉徽柔

王中安子賁

王脩

張亨

丁暉仁

馬惠迪

王啟子師揚

馬琪

宋辰

劉仲洙

馬百祿

閻公貞

巨構

梁瑄

崔遵

梁斗南

龐鑄

趙伯成

范中

杜時昇

趙質

呂貞幹姪子羽

高斯誠

高永

完顏仲元

完顏阿林

劉德基

王毅

馬肩龍

蕭漢傑

董文甫

王彪

王鬱

張潛

李伯淵

張天綱

李天翼

崔禮

遼

韓延徽字藏明幽州安次人父夢殷累官薊儒順三州刺史延徽少英敏燕帥劉仁恭奇之召為幽都府文學平州錄事參軍同馮道祇候院授幽州觀察度支使遼史列傳守光與六鎮構怨自稱燕帝延徽諫之不從守光置斧質於庭曰敢諫者斬孫鶴力諫守光殺之延徽以幕府之舊且素重之得全契丹國志十六守光末年衰困遣延徽求援於契丹太祖怒其不拜留之使牧馬於野延徽有智畧頗知屬文舒嚕原作述律后言曰延徽能守節不屈此今之賢者奈何辱以牧圉宜禮而用之太祖召延徽與語悅之遂以為謀主舉動訪焉延徽始教契丹建牙開府築城郭立市里以處漢人使各有配



偶懇藝荒田由是漢人各安生業逃亡者亦少契丹威服諸國延

徽有助焉

通鑑二百六十九

居久之慨然復懷故鄉里賦詩見志遂亡歸

唐宏簡錄二百十

晉王欲置之幕府掌書記王緘疾之延徽不自安

及難返幽州省親匿故人王德明舍

宏簡錄

德明問所之案王德明即張文禮

也延徽曰今河北皆為晉有吾將復詣契丹耳德明日叛而復往

得無取死乎

契丹國志

延徽笑曰彼失我如失右手其見我必喜

列傳安肯害我既省母遂復入契丹太祖聞其至大喜

通鑑

拊其背曰嚮者何往延徽曰思母欲告歸恐不聽故私歸耳

賜名曰實喇

原作匣列

遼言復來也即命為守政事令崇文館大學士

中外事悉令參決天贊四年從征渤海大譴譏乞降既而復叛與

諸將破其城以功拜左僕射又與康默記攻長嶺府拔之

王遣使至契丹延徽寓書於晉王叙所以北去之意且曰非不戀

遼史

英主非不思故鄉所以不留正懼王緘之讒耳因以老母為託且

曰延徽在此契丹必不敢南收故終同光之世契丹不深入者延

徽之力也

契丹國志

師還遇太祖崩哀動左右太宗封魯國公仍為政

事令使晉還攻南京三司使

設張理具稱盡力吏天祿三年六月河東使請行冊禮帝召延徽

宏簡錄

定其制延徽奏一遵太宗冊晉帝禮從之應歷中致仕初延徽南

奔太祖夢白鶴自帳中出比還復入帳中詰旦謂侍臣曰延徽至

矣已而果然

遼史列傳

卒年七十八上聞震悼贈尚書令葬幽州之魯

郭仍世為崇文令公子德樞

德樞年甫十五太宗見之謂延徽曰是兒卿家之福朕國之寶未

冠守左羽林大將軍遷特進太尉

東平

宏簡錄

丁歲菑饑饉疾厲德樞請往撫字之授遼興軍節度使

時漢人降與轉徙者多寓

德樞年甫十五太宗見之謂延徽曰是兒卿家之福朕國之寶未

冠守左羽林大將軍遷特進太尉

東平

宏簡錄

丁歲菑饑饉疾厲德樞請往撫字之授遼興軍節度使



下車整紛剔蠹恩煦信孚勸農桑興教化期月民獲蘇息入為南院宣徽使遙授天平軍節度使平灤營三州管內觀察處置等使門下平章事已而加開府儀同三司行侍中封趙國公保甯元年卒子紹勳紹芳遼史列傳

紹勳仕至東京戶部使會大延琳叛被執不屈以鋸解之憤罵至死遼史韓延徽傳

紹芳太平三年為樞密直學士重熙間參知政事加兼侍中十二年議征李元昊力諫不聽出為廣德軍節度使聞敗嘔血卒宏簡錄

康默記本名煦少為薊州衙校案康默記史不詳其何處人薊州舊志列鄉賢內當是薊州人今從之太祖侵薊得之愛其材隸麾下得與佐命功臣遇一切蕃漢事

相干涉屬默記折衷之時諸部新附文法未備令推析律意論次重輕悉合上意不差毫釐宏簡錄二百十罹禁網者人人自以為不寃頃

之拜左尚書神冊三年遼史列傳城皇都以默記充版築使遼太祖紀董役

人咸勸趨百日而訖事五年為皇都夷勒希巴原作夷會出師居庸關命默記將漢軍進逼長蘆水寨俘馘甚眾天贊四年十二月

詔曰渤海世讐未雪豈宜安駐乃舉兵親征遼太祖紀默記與韓知古從後大誣譏叛命諸將攻之默記分薄東門率驍勇先登既拔與

韓延徽下長嶺府軍還已下城邑多叛默記與阿古齊原作阿古只之既破輝發原作同跋城歸遼史列傳太祖崩復董山陵功畢而卒孫延壽

延壽字胤昌少倜儻謂其所親大丈夫為將當效節邊陲馬革裹屍景宗特授于牛衛大將軍宋人攻南京諸將既成列延壽獨奮

擊陣前敵遂大潰以功遙授保大軍節度使乾甯三年卒遼史列傳

劉珂晞次子尚世宗妹燕國公主少善射以材能稱賦性謹重未



嘗有過為太宗所知忿石晉負恩連年南牧戰定州時深入帝馬陷泥瀟中珂下馬奉帝出身被數十瘡流血滿體太宗壯之遷林牙行宮都部署西北路兵馬招討使從入大梁授同知府事尋校漢人樞密使封吳王契丹國志十六室昉字夢奇南京人按宛平志作析津人幼謹厚篤學不出外戶者二十年雖里人莫識其精如此會同初登進士第為盧龍巡捕官遼史列傳太宗入汴受冊禮詔昉知制誥總禮儀事為南京留守判官宏簡錄二百十應歷間累遷翰林學士出入禁闥十餘年數延問古今治得失奏對稱旨上多昉有理劇才改南京副留守決訟平允人皆便之遷工部尚書尋改樞密副使參知政事頃之拜樞密使兼北府宰相加同政事門下平章事統和元年告老不許進尚書無逸篇以諫太后聞而嘉獎二年秋詔修諸嶺路昉發民夫二十萬一日畢功

是時昉與韓德讓耶律色珍

原作斜軫

相友善同心輔政

遼史列傳

整革蠹

弊知無不言務在息民薄賦

畿輔唐志七十一

四年南征還奏山西四州

自宋兵至後人民轉徙盜賊充斥乞下有司禁止命新州節度使

薄打里選人分道巡檢從之

宏簡錄

八年復請致政詔入朝免拜賜

几杖太后遣閤門使李從訓特詔勞問令常居南京封鄭國公初

晉國公主建佛寺于南京上許賜額昉奏曰詔書悉罪無名寺院

今以主請賜額不惟違前詔恐此風愈熾上從之表進所撰實錄

二十卷手詔褒之加政事令賜帛六百匹九年薦韓德讓自代不

從遼史列傳賜貂皮衾褥許乘輦入朝病劇遣翰林學士張幹就第授

中京留守加尚父卒年七十五上嗟悼輟朝二日贈尚書令遺言

戒厚葬恐人譽過情自志其墓

宏簡錄

馬得臣南京人好學博古善屬文尤長於詩保甯間累遷政事舍



人翰林學士常預朝議以正直稱遼史列傳統和二年政宣政殿仍兼侍讀學士聖宗閱唐高祖太宗元宗三紀命錄其行事可法者以進宏簡錄二百十時上擊鞠無度上書諫曰臣竊觀房元齡杜如晦隋季書生向不遇太宗安能爲一代名相臣雖不才陛下在東宮幸列侍從今又得侍聖讀未有裨補聖明陛下嘗問臣以貞觀開元之事臣請畧陳之昔唐太宗侍太上皇宴罷則挽輦至內殿元宗與兄弟歡飲盡家人禮陛下嗣祖考之祚躬侍太后可謂至孝臣更望定省之餘敦睦六親加以愛敬則陛下親親之道比隆二帝矣臣又聞二帝耽玩經史數引公卿講學至于日昃故二帝當時天下翕然嚮風以隆文治今陛下游心典籍分解章句臣願研究經理深造而篤行之二帝之治不難致矣臣又聞太宗射豕唐儉切諫元宗臂鷹韓休懇言二帝莫不樂從今陛下以毬馬爲樂愚臣思

之有不宜者三君臣同戲不免分爭君得臣愧此負彼喜一不宜躍馬揮杖縱橫馳騫不顧上下之分爭先取勝失人臣禮二不宜輕萬乘之尊圖一時之樂萬有銜勒之失其如社稷太后何三不宜儻陛下不以臣言爲迂少賜省覽天下之福羣臣之願也書奏帝嘉歎良久遼史列傳統和七年卒贈太子太保賜錢十萬粟百石有司給葬宏簡錄

張儉宛平人端慤清儉不事外飾宛平志統和十四年進士第一調雲州幕官聖宗獵雲中故事車駕經行長吏當有所獻節度使進曰臣境無他產惟幕僚張儉一代之寶願以爲獻宏簡錄二百十先是聖宗夢四人侍側賜食人二口至聞儉名始悟因召見容止樸野訪及世務占奏三十餘事由此顧遇特異踐歷清華號稱明幹遼史列傳開泰二年拜政事舍人宏簡錄累遷同知樞密院事太平五年出爲



武定軍節度使移鎮大同六年入爲南院樞密使帝方眷倚參知政事吳叔達與儉不相能帝怒出達爲康州刺史拜儉左丞相封韓王帝不豫受遺詔輔立太子是爲興宗遼史賜號貞亮宏靖保義守節耆德功臣進太師中書令加尙父徙王陳宏簡重熙五年帝幸禮部貢院及親試進士進見不名賜詩褒美遼史儉爲人質素衣唯紬帛食不重味月俸有餘賙給親舊方冬奏事便殿帝見衣袍敝密令近侍記之屢見不易宏簡帝問其故儉對曰臣服此袍已三十年時尙奢靡故以此微諷喻之上憐其清貧令恣取內府物儉奉詔持三端而出益獎重儉弟五人帝欲遽賜進士固辭有司獲八盜已戮乃獲正賊家人訴冤儉三乞申理上怒曰欲朕償命耶儉謂八家老稚無告少加存恤使得收葬足慰存歿矣乃從之凡在相位二十餘年裨益爲多致政歸第會宋書辭不如禮

上將親征幸其第尙食先往具饌卻之進葵羹乾飯帝食之美徐問以策儉極陳利害且曰第遣一使問之何必遠勞車駕上悅而止復卽其第賜宴器玩悉與之十二年薨年九十一勅葬宛平縣

遼史  
列傳

牛溫舒涿州范陽人爲人剛正尙節義有遠器宏簡咸雍中擢

進士第滯小官大安初累遷戶部使轉給事中知三司使事國民

兼足遼史聖宗以爲能加戶部侍郎改三司使壽隆中拜參知政

事兼同知樞密院事攝中京留守部民詣闕請真拜從之召爲三

司使宏簡乾統初復參知政事知南院樞密使事五年夏爲宋所

攻來請和解遼史六年遣知北院樞密使蕭塔喇台原作得與溫

舒使宋遼史請元符以後所侵西界地契丹國方大燕優人爲道

士裝索土泥藥爐遼史一優應曰土少不能和溫舒遽起以手藉



土懷之宏簡錄宋主問其故温舒對曰臣奉天子威命來和若不從

則當卷土收去遼史列傳徽宗曰先帝已畫封疆今不復議若自崇甯

以來侵地可與之契丹國志按此事列傳以為五年本紀載於

年也今從紀遂許夏和還加中書令卒遼史列傳

楊佖字正叔析津人宛平志幼穎悟異常讀書自能成句讀識者奇

之弱冠聲名籍甚統和二十四年舉進士第一歷校書郎大理正

開泰六年轉儀曹郎典掌書命加諫議大夫出知易州治尚清簡

徵發期會必信入為大理少卿累遷翰林學士文章號得體遼史列傳

七年為刑部侍郎八年燕地饑疫民多流殍擢為南京留守同知

發倉廩賑乏絕貧民鬻子者計備出之宏簡錄宋遣梅詢賀千齡

節詔佖迎送唱酬詢每見稱賞復為翰林學士重熙元年升翰林

學士承旨遼史列傳母憂起復拜工部尚書宏簡錄歷忠順軍節度使朔

武等州觀察處置使天德軍節度使加特進檢校太師同中書門

下平章事復拜參知政事兼知南院樞密使十五年出為武定軍

節度使境內亢旱苗稼將槁視事之夕雨澤霑足百姓歌曰何以

蘇我上天降雨誰其撫我楊公為主遼史列傳灤陽水失故道歲為民

害以已俸創長橋人不病涉被召之日郡民攀轅泣送上御清涼

殿宴勞即日拜吏部尚書兼門下侍郎同中書門下平章事宏簡錄

上曰卿今日何減呂望之遇文王佖對曰呂望比臣遭際有十年

之晚上悅其居相位遼史列傳以進賢為己任事總大綱人人樂用宛平

志三請致政除判順度軍月給錢粟僕隸四時遣使存問佖卒有

登瀛集行於世宏簡錄

楊績良鄉人太平十一年進士及第累遷南院樞密副使與杜防

韓知白等擅給進士堂帖降長甯軍節度使徙知涿州清甯初拜



參知政事兼同知樞密院事為南府宰相九年間重元亂與姚景  
行勤王上嘉之十年知興中府咸雍中入知樞密院事二年乞致

仕不許拜南院樞密使遼史列傳興宗以舊臣特召燕見論古今治亂

人臣邪正方今契丹忠直無如耶律玠漢人則劉伸而已然熟察

之伸又不如玠之剛介績拜賀日宏簡錄二百十何代無賢遇亂世則獨

善其身遇明主則兼濟天下陛下銖分邪正升黜分明天下幸甚

畿輔唐志七十一八年六月甲戌封績為趙王宏簡錄太康中以例改王遼

西致仕加守太保薨遼史列傳

楊皙字昌時安次人幼通五經大義聖宗聞其穎悟試詩授校書

郎太平十一年擢進士乙科改著作佐郎重熙十二年累遷樞密

都承旨權度支使登對稱旨進樞密副使歷長甯軍節度使山西

路轉運使知興中府宏簡錄二百十清甯初入知南院樞密使與姚景行

同總朝政請行柴冊禮封趙國公以足疾復知興中府咸雍初徙

封齊召賜同德功臣尚書左僕射兼中書令拜樞密使改封晉給

宰相樞密使兩廳廉從封趙王屢請歸政益賜保節功臣致仕太

康五年例改遼西郡王遼史列傳

劉伸字濟時宛平人少穎悟長以辭翰聞重熙五年登進士第歷

彰武軍節度使掌書記大理正因奏獄上適與近臣語不願遼史列傳

伸進曰自古帝王重民命願陛下省臣奏上驚異宛平志擢樞密都

承旨權中京副留守詔徙富民以實春泰二州伸奏罷以為不可

遷大理寺少卿正卿人以不寃稱轉西京副留守父憂終制為三

司副使加諫議大夫提點大理寺明法律多寬恕屢案寃獄全活

者眾徙南京副留守俄改崇義軍節度使宏簡錄二百十政務簡靜民用

不擾致烏鵲同巢之異優詔褒之改戶部使歲入羨餘錢三十萬



縉拜南院樞密副使道宗嘗謂大臣曰遼史方今羣臣忠直耶律

玦劉伸而已遼史楊績傳宰相楊績賀其得人拜參知政事上諭之曰

卿勿憚宰相時北院樞密使伊遜原作乙辛勢焰方熾伸奏曰臣於伊

遜尚不畏何宰相之畏伊遜銜之相與誹詆出為保靜軍節度使

上終欲大用加守太子太保遷上京留守伊遜以事徙鎮雄武復

以崇義軍節度使致仕遼史適燕薊民饑伸與致仕趙徽韓造日

濟以糜粥所活不勝算大安二年伸卒上震悼賻贈加等宏簡錄

王鼎字虛中涿州人一統志幼好學居太甯山數年博通經史遼史

長於詩賦遇上已間出水濱被禊時馬唐俊有名燕薊間見其樸

野宏簡錄置下座欲以詩困之先出所作索賦鼎援筆立成唐俊

驚其敏妙因與定交清甯五年擢進士第調易州觀察判官改涑

水縣令累遷翰林學士當代典章多出其手遼史上書言治道十

事帝以為達政體事多咨訪宏簡錄壽隆初遷觀書殿學士坐誹語

奪官流鎮州涿州志居數歲有赦鼎獨不免會守臣召鼎為賀表因

以詩貽使者有誰知天雨露獨不到孤寒之句上聞而憐之即召

還復其職遼史鼎正直不阿人有過必面詆之涿州志以是多見疏

忌宏簡錄乾統六年卒鼎宰縣時憇於庭俄有暴風舉卧榻空中鼎

無懼色但覺枕榻俱高乃曰吾中朝端士邪不干正可徐置之須

臬榻復故處風遂止遼史列傳

張衍香河人祖守均父壽皆晦跡不仕衍遷壽昌元年登進士第

授校書郎管內都商稅處脂膏之所廉潔不染課績畢遷祕書郎

知龍門縣事秩滿士民請留不許補中京留守推官決疑獄釋重

囚五人時服其明允遷都員外郎授比部侍中子經監察御史儒

州商翹鐵院使檢校國子監祭酒雲騎左班祇候香河劉志引

張衍墓志



金

韓昉字公美燕京人仕遼累世通顯昉五歲喪父哭泣能盡哀

列傳天慶二年進士第一累遷右拾遺史館修撰少府少監乾文閣

待制加衛尉卿知制誥宏簡錄二百四十九契丹為金人攻擊窮蹙無計蕭

后遣昉來童貫蔡攸于軍中願除歲幣復結和親且言女真本遠

小部落貪婪無厭蠶食種類五六十國今若大遼不存則必為南

朝憂唇亡齒寒不可不慮貫與攸叱出之昉大言于庭曰遼宋結

好百年誓書具存汝能欺國獨能欺天耶昉去貫亦不以聞於朝

遼亡昉降於金熙宗自為童時聰悟令昉教之後能賦詩染翰

國志天會四年充高麗國信使高麗雖舊通好奉表稱藩而不肯

進誓表累使要約皆不得要領金史昉至移督再三其國徵讀書

知古今者商榷辭旨凡涉旬乃始置對曰小國事遼宋二十年無

誓表未嘗失藩臣禮今事上國當與同禮必不敢用誓表昉曰事

各隨時古今異宜如必欲用古禮堯舜三代天子巡狩羣后四朝

今上方狩貴國當從朝會宏簡錄高麗人無以對乃曰徐議之昉曰

誓表朝會一言決耳於是高麗乃進誓表如約昉乃還宗幹大說

曰非卿誰能辨此明年加昭文館直學士兼堂後官再加諫議大

夫遷翰林侍講學士金史十二年拜禮部尚書天眷初遷翰林學

士兼太常卿修國史在職凡七年議禮制度因革咸出其手拜濟

南尹皇統元年召為參知政事屢乞致仕除汴京留守封鄆國公

俄以儀同三司致仕天德初加開府卒年六十八宏簡錄昉性仁厚

待物甚寬有家奴誣告昉以馬資送叛人出境考之無狀有司以

奴還昉昉待之如初曰奴誣主人以罪求為良耳何足怪哉人稱

其長者金史胡礪少嗜學為軍士所掠行至燕昉見而異之使賦

列傳



詩以見志礪操筆立成昉喜甚因館置門下使與其子處同教育

金史胡昉傳

昉雖貴讀書未嘗去手善屬文最長於詔冊

金史列傳嘗作

武元聖德神功碑為作者所稱子汝嘉字公度皇統二年進士累

遷真定路轉運使坐公事遷清州防禦使召為翰林侍讀學士

州中

程案字公弼析津人

一統志

祖冀仕遼廣德軍節度使冀凡六男父

子皆擢科第士族號其家為程一舉

金史列傳

父四穆遼崇義軍節度

使案自幼如成人及冠篤學登進士甲科累遷殿中丞

宏簡錄二百三十七

天輔七年太祖入燕授尚書都官員外郎錦州安昌令

金史列傳

入為

起居郎史館修撰以從軍有勞加少府少監熙宗時歷翰林侍制

兼右諫議大夫屢上疏言事

去簡錄

其略曰殿前檢點司古殿巖環

衛之任所以肅禁禦尊天子備不虞也臣幸得近清光從天子觀

時畋之政比見陛下校獵凡羽衛從臣無貴賤皆得執弓矢馳逐

而聖駕崎嶇沙漠之地加之林木叢鬱易以迷失是日自卯及申

百官始出沙漠獨不知車駕何在瞻望久之始有騎來報皇帝從

數騎已至行在竊謂古天子出入警蹕清道而行至於楚畋雲夢

漢獵長楊皆盛陳兵衛以備非常陛下膺祖宗付託之重奈何獨

與數騎出入林麓沙漠之地前無斥候後無羽衛甚非肅禁禦之

意也臣願陛下熟計之後若復獵當預戒有司圖上獵地具其可

否然後下令清道而行擇衝要稍平之地為駐驛之所簡忠義爪

牙之士統以親信腹心之臣警衛左右俟其麋鹿既來然後馳射

仍先遣搜閱林藪明立標幟為出入之馳道不然後恐貽宗廟社

稷之憂

金史列傳

又曰鑾輅省方憲古行事誠恐郡國新民奢侈詐偽

習染舊汙多有不明之獄僭濫之刑名役無時四民失業臣願天



心洞照委之長貳釐正風俗或置軌匣以伸冤枉或遣使郡國問民疾苦皆古巡狩之事如此則和氣流通天下丕平可坐而待也又曰臣聞善醫者不視在人之肥瘠察其脈之病否善治者不視天下之安危察其紀綱之理否天下者人也安危者肥瘠也紀綱者脈也脈不病雖瘠不害脈病而肥者危矣是故四肢雖無故不足恃也脈而已矣天下雖無事不足矜也綱紀而已矣尚書省天下喉舌之官綱紀在焉誠使升黜有科任得其人百官各揚其職以立綱紀未有或致危亡者也又曰臣伏見本朝富有四海禮樂制度莫不一新獨宮禁之制尚未嚴密胥吏健卒之輩皆得出入莫有呵止所立闌入之法久尚未行甚非嚴禁衛明法令之意上咸嘉納宏簡錄皇統八年十二月由翰林侍講學士為橫海軍節度使移彰德軍節度使卒官年六十二案剛正耿介不諂奉權貴以

希苟進有古君子之風云金史列傳

任熊祥字子仁八代祖園為後唐宰相園孫睿隨石晉北遷遂為

燕人熊祥登遼天慶八年進士第為樞密院令史金史列傳隨燕地歸

宋授武當丞宋法新附官不釐務宏簡錄熊祥言於郡守楊哲曰既

不與事請止給半俸以養親哲雖不許而喜其廉金史列傳會復取均

房州仍歸朝依舊任令史攝院事西京留守高慶裔嚴厲無敢忤

其意者獨未嘗阿意事之宏簡錄其後杜充劉筈同知燕京行省法

制未一日有異論熊祥為折衷之歷深磁二州刺史開府少尹行

臺工部郎中汴京留守同知天德初為山東東路轉運使改鎮西

節度使是時詔徐文張宏信討東海縣宏信逗遛稱疾不進決杖

二百熊祥被詔為會試主文以事不避難臣之職為賦題及御試

熊祥復以賞罰之令信如四時為賦題海陵大喜以為翰林侍學



士未幾致仕大定初起為太子少師時幹罕竊號用兵不息宏簡錄

上以為憂詔公卿百官議所以招伐之宜眾皆議異熊祥徐進曰

陛下以勞民為憂用兵為重莫若以恩信招懷之上問孰可使者

對曰臣雖老憑國威靈尚堪一行上曰卿老矣無煩為此金史列傳七

年復致仕遂卒於家熊祥事母以孝聞母歿時年已七十不食三

日人皆稱之宏簡錄

劉彥宗字魯開宛平人唐藩鎮怱裔孫由石晉時歸遼六世相繼

為遼相父胥至中京留守彥宗登進士乙科宏簡錄二百二十八天祚走天

德秦晉國王耶律聶呼自立於燕擢彥宗留守判官蕭妃攝政遷

簽書樞密院事金史列傳太祖入燕彥宗與左企弓等奉表降金史列傳太

祖一見器遇俾復舊職遷左僕射佩以金牌使宣慰平州張覺太

祖既以燕京與宋人乃遷軍至鴛鴦灤不豫將歸京師以宗翰為

都統金史宗翰傳留彥宗佐之金史列傳又佐宗望軍宏簡錄建樞密院於燕

山以彥宗主院事大金國志三宗望奏方圖攻取凡州縣之事委彥宗

裁決之金史列傳天會二年上以中京等兩路先多拒命特遣往諭撫

慰百姓務勤稼穡官民罪犯在降附前者勿論宏簡錄未幾大舉伐

宋彥宗畫十策詔彥宗兼領漢軍都統蔡靖以燕山降詔彥宗凡

燕京一品以下官皆承制注授金史列傳伐宋師還宗望分將士屯安

肅雄霸廣信之境宏簡錄留彥宗於燕京節制諸軍金史列傳乃治官政

庀民務勸農積穀內供京師外給轉餉宏簡錄明年再伐宋已圍汴

京謂宗翰宗望曰蕭何入關秋毫無犯惟收圖籍遼太宗入汴載

路車法服石經以歸皆令則也二帥嘉納之天會二年薨年五十

三追封鄆王正隆二年例降封開府儀同三司大定十五年追封

充國公諡英敏子萼善自有傳孫仲誨金史列傳



仲誨字子忠善子皇統初仲誨以宰相子授忠勇校尉九年賜進士第除應奉翰林文字海陵嚴暴臣下應對多失次嘗以時政訪問在朝官仲誨從容敷奏無懼色海陵稱賞之金史貞元初丁父憂起復翰林修撰大定二年遷侍制尋兼修起居注左補闕三年詔與左司員外郎富察富色克廉問所過州縣遷奏進玉田縣令李方一階順州知法權密雲縣事王宗永擢密雲縣尉免順州司候張璘密雲縣舒穆魯烏哲原作石抹烏哲簡錄二百八十八宏丁母憂起復太子右諭德遷翰林直學士改棣州防禦使宋史列傳境內多盜厭次縣送所獲強盜數十疑其有冤乃擇老穉者先釋之未幾果獲真盜入為禮部侍郎兼左諭德遷太子詹事宏簡錄上曰東宮官屬猶當選用正人如行檢不修及不稱位者具以名聞又曰東宮講書或論議間當以孝儉德行正身之事告之頃之東宮請增牧人及張

設什用上謂仲誨曰太子生於富貴每教之恭儉朕服御未嘗妄有增益卿以此意諭之改御史中丞十四年為賀宋國歲元使宋主欲變親起接書之儀遣館伴王抃來議曲辨強說要以必從仲誨曰使臣奉命遠來修好固欲成禮而信約所載非使臣輒敢變更公等宋國腹心毋僥倖一時失大國歡往復再三竟用舊儀親起接書成禮而還復為太子詹事遷吏部尚書轉太子少師坐失糾舉大長公主事與侍御史李瑜各削一階大定十九年卒金史列傳生平立朝峻整容色莊重前後為東宮官十五年多進規戒宏簡錄世宗嘗曰朕見劉仲誨嘗若將切諫者其以剛嚴見知如此一統志左泌字長源企弓長子也仕遼官至棣州刺史太祖平燕泌從企弓歸朝既而東遷至平州企弓為張覺所害泌復還燕是時以燕與宋宣撫司遣至汴泌以平州仇人在是乃間道奔還朝廷嘉之



擢西上閣門使

金史列傳

從宗望南伐破真定有功擢知祁澤隰三州

貞元初遷濬州防禦陝西路轉運使封戴國公泌性夷澹好讀莊

老

宏簡錄二百二十八

年六十一卽請致仕親友或以爲早泌歎曰子年三

十秉旄鉞侵尋仕路又三十年名遂身退可矣時人高之卒年七

十四

金史列傳

弟淵自有傳淵子光慶

光慶字君錫幼穎悟沈厚少言淵嘗謂所親曰世吾家者此子也

以蔭補閣門祗候遷西上閣門副使丁父憂起復東上閣門副使

再轉西上東上閣門使兼太廟署令光慶好古讀書識大義喜爲

詩善篆隸尤工大字世宗行郊禮受尊號及受命寶皆光慶篆凡

宗廟榜署經光慶書者人稱其有法典領原廟坤厚陵壽安宮工

役不爲苛峻使勞逸相均身兼數職勤慎周密未嘗自伐世宗獨

察之初御史大夫璋請製大金受命寶有司以秦璽文進上命以

大金受命萬世之寶爲文徑四寸八分厚一寸四分蟠龍紐高厚

各四寸六分有半禮部尙書張景仁少府監張謹言典領工事詔

光慶篆之遷同知宣徽院事改少府監丁母憂起復右宣徽使世

宗幸上京光慶往治儀仗制度時人以爲得宜二十五年卒年五

十一上遣使致祭賻銀三百兩重綵十端絹百疋平時喜爲善言

蓄善藥號善善道人晚信浮屠法自作真贊語皆任達云

金史列傳

趙元字善長涿州范陽人遼天慶八年進士第仕至尙書金部員

外郎遼亡郭藥師爲宋守燕以元掌機宜文字王師取燕藥師降

樞密使劉彥宗辟元爲本院令史天會間同知薊州事有賊殺人

橫道官吏圍視莫知所爲路人耕夫聚觀甚衆元指田中釋耒而

來者曰此賊也叱左右縛之遂伏僚吏問其故元曰偶得眉睫間

耳

金史列傳

會立磨勘格以元嘗仕於宋宣和除名

宏簡錄二百三十九

齊國廢



置行臺省於汴選名士備官屬元在選中授行兵部郎中及宗弼再取河南金史列傳以元攝戶部事賦調兵食悉皆倚辦天眷三年轉

行臺右司員外郎囚有殺人當死者行臺欲宥之元不從反覆數四錄乃仰天歎曰如殺人者可宥死者復何辜何欲徼已福而

亂天下法乎行臺竟不能奪改左司員外郎攝吏部事在行臺凡十年吏事明敏行臺或有事上相府宗弼必問曾經趙元未也其

見重如此久之同簽汴京留守事改同知大名尹用廉遷河北西路轉運使歷彰德武勝等軍節度使以老致仕卒於家金史列傳

韓企先燕京人九世祖知古仕遼為中書令徙柳城歷世貴顯至企先博通古今經史乾統間登進士回朔不振都統宗杲定中京

擢樞密副都承旨遷轉運使宏簡錄二百二十八宗翰經略山西表署西京留守天會六年劉彥宗薨以企先代之同中書門下平章事知樞

密院事七年遷尚書左僕射兼侍中封楚國公金史列傳初太祖定燕

始用漢官宰相置中書省樞密院於廣甯府本朝自用女真官號太宗初年無所更改及張敦固伏誅移置中書樞密院於平州又

移置燕京凡漢制選授調發租稅皆承制行之宏簡錄舍音宗幹當國勸太宗改女真舊制用漢官制度金史列傳立尚書省以下諸司府

寺始以企先為右丞相宏簡錄召至上京入見太宗甚驚異曰朕疇昔嘗夢此人今果見之於是方議禮制度損益舊章企先知前代

故事因革咸取折衷一統志企先為相拔擢一時賢能皆置機要金史列傳宗翰宗幹雅敬重之金史列傳皇統元年封濮王六年二月丙寅

薨案通鑑作夏五月年六十五宏簡錄正隆二年例降封齊國公大定八年配享太宗廟庭十年司空李應固孫引慶求襲其祖明安世宗曰

德固無功其明安且闕之漢人宰相惟韓企先最賢他不及也金史



列傳 企先入相兩朝幾二十年成功著業故世宗稱其賢焉金史傳贊十

一年將圖功臣像於衍慶宮上曰丞相企先本朝典章制度多出

斯人之手至於關決大政與大臣謀議不使外人知之由是無人

能知其功前後漢人宰相無能及者置功臣畫像中亦足以示勸

後人金史列傳乃命圖其形十五年謚簡懿宏簡錄子鐸

鐸字振安企先次子也皇統末以大臣子授武義將軍熙宗聞其

有儒學賜進士第除宣徽判官再遷刑部員外郎海陵遣中使諭

之曰郎官高選也以汝勲賢之子行已蒞官能世其家故以命汝

苟能夙夜在公當不次擢用雖公相可到金史列傳鐸感激思奮獄或

有疑據經議讞咸得其當宏簡錄二海陵伐宋改兵部員外郎金史

列傳 大定初遷本部郎中累官河州防禦使求養親解去召為諫議

大夫遷中都路都轉運使頃之上謂宰臣曰韓鐸年高不任繁劇

且其母老矣可與之便郡於是改順天軍節度使卒金史列傳

遺其黨韓鐸以太后命召從恪通鑑輯覽注韓鐸燕人考金史鐸

於世宗時已卒崔立所遣之韓鐸在哀宗天興時當別是一人

翟永固字仲堅中都良鄉人太祖與宋約攻遼以燕歸宋宋人以

經義兼策取士永固中第一授開德府儀曹參軍金破宋永固北

歸金史列傳又中天會六年詞賦科授懷安丞遷望雲令補樞密院令

史宗翰愛其能辟為府掾宏簡錄二永固家貧求外補宗翰不許

以錢三千貫周之薦於朝攝左司郎中除武定軍節度副使歷同

知清州防禦使入為工部員外郎以母憂去官起復禮部郎中遷

翰林直學士金史列傳海陵篡立命副完顏思恭為宋報諭使就伺

察動靜使還改禮部侍郎宏簡錄久之分護燕京宮室役事永固請

寫無逸圖於殿壁不納俄遷太常卿考試貞元元年進士出尊祖

配天賦題海陵以為猜度已意召永固問曰賦題不稱朕意我祖



在位時祭天拜乎對曰拜海陵曰豈有生則致拜死而同體配食者乎對曰古有之載在典禮海陵曰若桀紂會行亦欲我行之乎

金史列傳遂與張景仁皆杖二十俄遷永固禮部尚書賜笏頭毬文金

帶改永定軍節度使宏簡錄正隆二年例降二品以上官爵永固階

光祿大夫不降以寵異之遷翰林學士承旨與直學士韓汝嘉俱

召至內殿問以將親伐宋事永固對曰宋人本朝無覺隙伐之無

名縱使可伐亦無煩親征遣將帥可也金史列傳由是大忤旨永固即

請致仕歸卧於家大定二年起尚書左丞請依舊制廉察官吏革

正隆守令之汙從之宏簡錄明年表乞致仕不許罷為真定尹賜通

犀帶尚書省奏永固自執政為真定尹其繖蓋當用何制度上曰

用執政制度遂著為令五年懇乞致仕許之六年薨金史列傳

高昌福中都宛平人父履遼御史中丞致仕太宗聞其名召之未

及入見而卒特詔昌福釋服應舉中天會十年進士第補樞密院

令使明年辟元帥府令使皇統初宗弼復河南金史列傳詔諸州郡軍

旅之事決於帥府金史宗弼傳人有疑似被獲皆指為宋謀殺之昌福

讞得實釋者甚衆畿輔唐志七十一州都統韓常嚴酷好殺遣吏送囚於

汴囚道亡自度不免欲盡殺以滅口亦為窮竟其狀免死者十七

八宏簡錄二而諸吏遂怨昌福欲搆害之是時方用兵梁楚間夜

多陰雨元帥府選人偵宋兵動靜諸吏遣昌福昌福不辭即行盡

得敵軍虛實報元帥府師還除振武軍節度使轉行臺禮部員外

郎天德間行臺罷改絳陽軍節度副使入為兵部員外郎金史列傳轉

河間少尹世宗即位上書陳便宜事上披閱再三因謂侍臣曰自

此可以識內外官之優劣不然朕何由知之三除東京留守同知

治稱最遷山東西路轉運使工部尚書彰德軍節度使宏簡錄二



上書言賦稅太重上問翰林學士張景仁曰稅法比近代為輕而以為重何也景仁曰今之稅殊輕若復輕之國用且不足事遂寢累遷河中尹致仕卒

金史列傳

韓錫字難老其先自析津徙薊之漁陽祖貽愿遼宣徽北院使父秉休歸朝領忠正軍節度使錫以廕補閣門祇候天會中南伐錫從軍掌禮儀俄以母老迺就監差久之授神銳軍都指揮使入為

宮苑使天德元年擢尚書工部員外郎領燕都營繕特賜胡礪榜進士及第四遷尚書戶部侍郎

金史列傳

二年命錫以工部侍郎同知宣徽院事錫不謝杖二百奪所授官

金史海陵紀案錫傳不載此事亦不言為工部侍郎疑

戶字即工字之誤也俄因母喪起復舊職付金牌一銀牌十籍山東水手部

船三百會蘇保衡於廣陵率舟師泛海徑趨臨安宋兵來襲敗於海中

金史蘇保衡傳

急責之眾稍亡錫召諸豪諭之曰今連保法嚴逃將安往縱一身

偶脫其如妻子何眾悟亡者稍止大定改元於遼東錫奔赴行在

詔復前職明年授同知河間府事

金史列傳

時皇族居彼者縱甚上引見香閣令悉繩之以法錫下車宣布詔言後無敢有撓政害民者

宏簡錄二遷孟州防禦使累拜絳陽軍節度使改知濟南府事告

百二十九老許之明昌五年卒年八十三

金史列傳曾孫玉

玉字溫甫明昌五年經義詞賦兩科進士入翰林為應奉應制一

日百篇文不加點又作元勳傳稱旨章宗歎曰勳臣何幸得此家

作傳耶泰和中建言開通州潞水漕渠船運至都陞兩階授同知

陝西東路轉運使事

金史列傳

大安三年都城受圍夏人連陷邠涇陝西帥司檄玉為都統府募軍旬日得萬人藉秦州場買馬官香及

鳳翔冒買馬七百寶雞埋沒官鐵他州郡弓弩數千以給軍出屯



華亭與夏人戰敗之獲牛馬千餘時夏五萬兵圍平涼又戰于北原夏人疑大軍至是夜解去大金國志二十八當路者忌其功駁奏玉與

寇有謀朝廷疑之使使者授玉河平節度使且覘其軍先是華州李公直以都城隔絕亦謀舉兵入援以書約玉宏簡錄二百四十五玉恃其

軍可用大金國志毅然有勤王之志因移檄關中言詞忠壯聞者感動其檄有云人誰無死有臣子之當然事至于今忍君親而弗顧勿

謂百年身後虛名一聽史臣只如今日目前何顏再居人世王侯將相甯有種乎富貴功名當自致耳歸潛志五公直一軍行且有日有

不從者輒以軍法從事京兆統軍使見其言峻厲謂公直據華州反遣都統楊珪襲取之遂寘極刑玉初不知有所約書安撫使得

之轉語使者誣玉亦預謀宏簡錄玉道出華州被囚死于郡學臨終書二詩壁間士論寃之金史列傳子不疑

不疑字居之以父死非罪誓不祿仕藏其父臨終時手書云此去冥路吾心浩然剛直之氣必不下沈兒可無慮世亂時艱努力自

護幽明雖異甯不見爾讀者惻然金史列傳劉中字正夫漁陽人為人短小精悍滑稽玩世中明昌五年詞賦

經義第詩清便可喜賦甚得楚辭句法尤長于古文典雅雄放有韓柳氣象教授弟子王若虛高法颺張履張雲卿皆擢高第學古

文者翕然宗之曰劉先生以省掾從軍南下攻授應奉翰林文字為主帥所重常預密謀書檄露布皆出其手軍還授左司都事將

大用矣會卒有文集藏於家中州集四賈少冲字若虛通州人勤學日誦數百千言家貧甚嘗在道中獲

遺金訪其主歸之金史列傳天會中調民兵伐宋代其叔行雖行伍間未嘗釋卷劉善欲妻以妹辭不就曰富貴當自致之登天眷二年



進士調營州軍事判官守正不阿遷定安令屬吏咸畏察廉進官

一階再遷吏部主事定武軍節度使副使河中府判官宏簡錄三百三十七

海陵寢以失道少冲謂所親曰天下且亂不可仕也金史列傳秩滿不

復出大定初年累遷刑部郎中一統志往北京決獄奏誅首惡誣誤

牽連者皆釋不問全活凡千人以本職攝右司員外郎嘗執奏刑

名甚堅既退上謂侍臣曰少冲居下位有守如此除同知河間尹

數月入為秘書少監兼起居注左補闕少冲外柔內剛每從容進

諫世宗稱美之十四年為宋主生日副使宋國方有所請上以意

諭少冲少冲對曰臣有死無辱宋人別致珍異少冲笑曰行人受

賜自有常數甯敢以賂辱君命乎卻不受遷右諫議大夫十七年

請老除衛州防禦使遷河東南路轉運使召為太常卿兼秘書少

監復請致仕不許改順天軍節度使卒少冲性夷簡而不喜言利

嘗教諸子曰廕所以庇身筦庫不可為也聞者尚之子益金史列傳

益字損之少穎悟如成人大定十四年父少冲充宋主生日副使

益侍行是時宋人常爭起立接受國書之禮少冲問益曰即宋人

欲變禮持議不決奈何益曰守死無辱可謂使矣少冲大奇之大

定十九年進士調河津主簿丁父憂去官察廉起復礬山令補尚

書省令使金史列傳丁母憂服闋除定海軍節度副使歷監察御史知

登聞鼓院兼少府少監禮部左司郎中拜吏部侍郎兼蔡王傅以

病免宏簡錄除鄭州防禦使陝西東路轉運使順天軍節度使大安

初召為吏部尚書有疾改安國軍節度使益調民夫修完城郭為

戰守備按察司止之不聽曰治城守臣事也按察何預既而兵至

以有備解去改橫海定國軍節度使道阻不赴金史列傳會宣宗為吏

部尚書益為侍郎相得歡甚貞祐二年至汴京訪益所在召為太



常卿上防秋十三事論遷河北軍民非便不報宏簡錄貞祐三年致

仕元光九年卒金史列傳

劉徽柔字君美安次人志一統天眷三年擢進士第初為真定樂城

主簿轉開遠軍節度掌書記遷洪洞令性明敏善聽斷縣人楊遠

者投牒於縣以為夜雨屋壞壓其姪死號訴哀切徽柔熟視而笑

曰汝利姪財而殺之乃誣雨耶叱付獄其人立伏曰公神明也不

敢延死遂寘於法金史列傳秩滿縣人遮留不得為立祠刻石以頌功

德東安李志正隆二年入為大理評事遷司直大定二年同知河東南

路轉運同知以廉第一改知平定軍入為大理少卿七年知磁州

改同知南京留守事十月遷中都路轉運使卒官金史列傳

王中安其先自臨潢移貫宛平金史王貴傳家世好義宏簡錄二百三十五祖士

方正直敢言遼道宗信樞密使耶律伊遜之讒殺其太子世無敢

白其冤者土方擊義鐘以訴遼主感悟卒殺伊遜厚賞土方授承

奉官中安擢進士第坐田穀黨事廢金史王貴傳世宗在熙宗時知田

穀黨事皆蔡松年等構成之而浩等案浩即孟浩三十二人遇天德赦

令還鄉里多物故惟浩與中安在大定二年召見復官爵中安知

火山軍事金史孟浩傳後終沂州防禦使中安及二子賁質俱登進士

錄宏簡

賁字文儒性孝友勤敏學由復州軍事判官補尚書省令史擢右

三部檢法司正侍御史賈鉉舉賁安靜有守不尚奔競政府亦言

其廉素善議論擢河北東西大名府路提刑判官選授尚書省都

事用薦者多起復刑部員外郎為侍御史累遷南京按察使卒賁

敦厚尚義篤於親朋不營產業比歿家甚窶贈朝列大夫仍厚卹

其家金史列傳



質字敬叔累官吏部主事以才幹舉遷昭義軍節度副使至禮部  
尚書致仕卒宏簡錄二百三十五章宗問質臨事若何張公萬對曰勝其兄

賁章宗曰及其兄亦可矣金史列傳

王脩字脩然涿州人登皇統二年進士由尚書省令史除同知霸

州事金史列傳甫入仕卽以才幹稱大定中皇子曹王尹大興脩爲少

尹王移鎮北門復以同尹從之前後多所規益朝廷稱焉中州集八嘗

同知咸平府攝府事歸潛志八吏民憚其威雖豪右不敢畏犯金史列傳遷

遼東路轉運使時遼東路多世襲猛安謀克居焉其人皆女真功

臣驚亢奢縱不法脩思有以治之會郡民負一世襲猛安者錢貧

不能償猛安者大怒率家僮輩強入其室牽其牛以去民因訟于

官脩得其情令一吏呼猛安者其猛安者盛陳騎從以來脩朝服

召至廳事前詰其事趣左右械繫之乃以強盜論杖殺于市一路

棟然歸潛志八歲餘改顯德軍節度使復坐拽辱倉使王祺致死追兩

階降授鄭州防禦使宏簡錄二百三十六案中州集云爲怨家

與此章宗卽位擢同知大興府事審錄官奏脩前任顯德廉潔剛

直軍吏歛迹訟獄無滯遷禮部尚書大理卿金史列傳明昌元年充賀

宋生日使金史章宗紀使宋還會改葬章宗母孝懿后父圖克坦貞原作

貞徒單欲用唐葬李靖故事班劔鼓吹羽葆等儀衛宰臣以貞與弒

熙宗意頗難之有詔下禮官議脩言晉葬丞相王導給前後羽葆

鼓吹武賁班劔百人唐以來大駕鹵簿有班劔其王公以下鹵簿

並無班劔並羽葆非臣下所宜用國朝葬大臣亦無之上怒曰典

故所無固可從宜用之宏簡錄二年改知大興府事金史列傳素察僧多

游貴戚家作過乃下令午後僧不得出寺街中不得見一僧有一

長老犯禁脩械之長老者素爲貴戚所重皇姑長公主使人請焉



脩日奉主命卽令出之立召僧杖一百死自是京輦肅清歸潛志八爲

尹兩月發姦擊強剖繁理劇百年以來無有出其右者尋爲護前

者所排繫獄累月上知其非罪出之中州集八明年起授定海軍節度

使諭旨曰卿賦性太剛率意行事自蹈刑辟朕念入仕久頗有執

持復遇歲歉民饑爲盜須舊人鎮撫庶得安治勉盡乃心以圖後

效未幾表乞致仕太和七年卒年七十五宏簡錄二其爲吏之名

人云過宋包拯遠甚歸潛志八至今言名臣者必及焉中州集八其子漸爲

吏亦有能稱爲中都警巡使歸潛志八

張亨字彥通大興滹陰人登皇統六年進士第調樊山丞以廉幹

聞授宏州軍事判官歷鉅鹿宜川令金史列傳大定二年補尙書省令

史除大理司直累遷左司郎中戶吏二部侍郎擢中都路都轉運

使坐失舉草場使鄧汝霖盜草事解職起授戶部尙書宏簡錄二百三十九

世宗謂宰臣曰御史中丞馬惠迪與張亨人才孰優平章政事張

汝霖曰惠迪爲人雖正於事不敏亨吏才極高金史列傳時車駕東巡

費用百出自遼以東距都四千里泉貨甚少計司患其不給欲輦

運以支調度率三而致一亨奏不獨枉費國用兼且重勞民力乃

創會便法使行旅便於囊橐國家省於轉輸詔從之俄因奏事脫

略出爲絳陽軍節度使世宗復語宰臣曰漢人三品以上官常少

得人如張亨頗爲衆議所歸近令補外可惜也宏簡錄章宗卽位初

置九路提刑司時方重其選上以亨爲河東南北路提刑使兼勸

農採訪事訪利病條爲十三事以聞上嘉納之亨在職每事存大

體略苛細御史以寬緩不事事劾之降授蔡州防禦使明年遷南

京路轉運使轉知歸德府事致仕太和二年卒年七十八金史列傳亨

才識強敏明達吏事終始有可稱云一統志



丁曄仁字藏用宛平人曾祖奭祖惟壽父筠以吏補州縣所至有聲後致仕杜門不出鄉里有鬪訟者不之官就筠質焉曄仁冲澹寡欲讀書外無一他好遼季避難閒關道途未嘗釋卷宏簡錄二百三十九皇統中舉進士畿輔唐志七十一調武清縣丞縣經兵革後無學校曄仁召邑中俊秀子弟教之學百姓欣然從之調磁州軍事判官以廉攝守事遷和川令前令罷奕不事事羣小越法干禁無所憚曄仁申明法禁皆屏息或走入他縣以避之有董祐者最稱强悍畏服曄仁以刀斷指誓終身不復犯法凡租賦皆與百姓前為期率比他邑先辦歷北京推官再遷大理司直以憂去官尋起復大定三年除武定軍節度副使金史列傳關官攝政獄無留訟改大理丞吏部員外郎宏簡錄於是賈少冲為刑部郎中上謂左丞相赫舍哩良弼曰少冲為人柔緩不稱刑部之職其議易之乃以曄仁為刑部郎

金史列傳復轉戶部坐尚廩局官私用官芻違格解職左授祁州刺史祁本定武支郡宏簡錄士民間曄仁之官金史列傳相率歡迎於道改

同知西京留守畿輔唐志首興學校以明養士法遷陝西西路轉運使大定二十一年卒官金史列傳

馬惠迪字吉甫灤陰人天德三年擢第再調昌邑令察廉第一補尚書省令史大定中出為西京留守判官以治最擢同知崇義軍節度使累遷左司郎中先是鄧儼居是職世宗愛其明敏惠迪一日奏事退上謂宰臣曰人之聰明多失於浮術惠迪聰明而樸實五品以下朝官鮮有如者未幾起授御史中丞不久拜參知政事時烏達葛葛原作烏底改叛亡世宗已遣人討之又欲益以甲士毀其船楫惠迪奏曰得其人不可用有其地不可居恐不足勞聖慮上曰朕固知之所以毀其船楫正欲不使再窺邊境耳無何討者不



克敵而還各杖罷之惠迪尋以憂去起為昭義軍節度使明昌元  
年為南京留守致仕卒

宏簡錄二  
百三十六

王啟字希畢大興人正隆二年進士累遷戶部員外郎通州刺史  
用宰相萬公薦權右司郎中章宗即位不一歲遷工部侍郎即以  
河南北路提刑使拜吏部尚書使宋使還出為絳陽軍節度使致  
仕還鄉里與左丞董參政馬宣徽盧尚書郭為九老會年七十九  
卒子師揚

中州  
集八

師揚字仲雄南渡後隱居崧山時年已六十餘經傳子史皆手自  
鈔之如健舉子結夏課然雷希顏說師揚在大學同舍號為閉戶

王先生其謹厚蓋家法云

中州  
集八

馬琪字德玉寶坻人一統志正隆五年擢進士第調清源主簿三遷  
永清令永清畿縣煩劇號為難治前令要介有能聲琪繼任不減

譽問

宏簡錄二  
百三十六

補尚書省令史以永清治最授同知武定軍節度

使事興中府治中召為戶部員外郎

金史  
列傳

世宗悅其正直兼明法

律改為侍御史因奏高德溫獄於富戶寄錢事皆略不奏上以為  
寬縱語宰相曰稱職之才何其難也

宏簡  
錄

尋轉左司員外郎扈從

東巡遷右司郎中移左司時擇使宋國者世宗欲命琪宰相言其  
資淺詔特遣之還授吏部侍郎

金史  
列傳

嘗薦楊伯通廉幹尚書復察

如其所舉尋改戶部章宗即位除中都路都轉運使

宏簡  
錄

時戶部

闕官上命宰臣選可任者或舉同知大興府事烏克遜仲和上曰  
仲和雖有智力恐不能主錢穀理財安得如劉晏者官用足而民  
不困唐代以來一人而已或舉琪上然之曰琪不肯欺官亦不肯  
害民是可用也遂擢為戶部尚書

金史  
列傳

久之疾病在告上遣近侍  
傳旨不具服而出有司當以違慢追官解任大理少卿閻公貞謂



荒遽失措出於無心復令任職宏簡錄明昌四年拜參知政事詔諭

之曰戶部遽難得人顧無以代卿者用卿晚耳金史列傳既在省上問

比來凡事何故少於往時也對曰昔宰職多有異同今情見不同

甚少故覺稀耳上曰往多情見為是耶今無者為是耶琪曰事狀

明者不假情見便用情見亦要歸之是而已五年河決武陽灌封

邸而東宏簡錄九月甲子都水監官王汝嘉等坐河決各削官兩階

戊辰命琪往視河決仍許便宜從事閏月庚辰自行省回具奏河

決利害承安三年三月不雨夏四月命琪祈雨於太廟金史章宗紀連

歲旱曠表祈致仕不許明年出鎮安武軍致仕卒子師周閣門祇

候當給假以聞上悼之以不奏聞責諭有司二品官卒皆具以聞

自琪始琪性明敏習吏事其治錢穀尤長金史列傳然性吝好利雖位

參政私鬻首醜頗為當時所少宏簡錄二百三十六

宋辰宛平人正隆五年進士歷辰州甯化州軍事判官曹王府記

室參軍陝西西路轉運都勾判官補尚書省令史除武定軍節度

副使中都右警巡使時固安縣丞劉昭與部民裴原爭買鄰田辰

用昭屬抑原使毋爭御史臺劾奏奪一官解職降廣甯府推官改

遼東路鹽使丁父憂起復吏部員外郎歷薊曹景州刺史同知中

都路轉運使事金史列傳官至沁南軍節度使畿輔唐志貞祐二年正月乙

未大元兵徇懷州金史宣宗紀城破死焉金史列傳

劉仲洙字師魯宛平人大定三年登進士第歷龍門主簿香河酒

稅使再調深澤令金史列傳縣近滹沱河秋成時水忽暴溢極力護塞

竟以無害有盜夜發居民震驚率縣卒生執其一餘衆遂潰旦日

掩捕皆獲宏簡錄二百三十九尋以廉能進官一階陞河北西路轉運司度

支判官入為刑部主事六遷右司員外郎俄轉吏部世宗謂宰臣



曰人有言敏辯而庸常不正者有言拙訥而才智通達存心向正者如劉仲洙頗以才行見稱而口語甚訥右丞張汝霖曰人之若是者多矣願陛下深察之二十九年出爲邢州刺史以六善爲教民化之章宗卽位除中都西京等路提刑副使先是田穀等以黨罪廢錮者三十餘家仲洙知其冤上書力辯帝從之迺復穀官爵而黨禁遂解明昌二年授并王傅兼同知大同府事尋改平陽移德州防禦使轉運郭邦傑節度李晏皆舉仲洙以自代陞爲定海軍節度使金史歲饑表請開倉未報先爲賑貸劾論以贖宏簡錄時仲洙兄仲淵以罪責石州仲洙上書請以萊易石朝廷義而不許金史久之以年老乞休累表方聽泰和八年卒年七十五宏簡錄仲洙性剛直果於從政尤長於治民所在皆有功績蓋一時之能吏云金史列傳

馬百祿字天錫通州三河人父柔德天會初第進士累遷翰林修撰坐田穀黨免官迨黨禁解復召用百祿幼志學事繼母以孝聞登大定三年詞賦進士第調武清主簿由龍山令召補尙書省令史不就改權貨副使平陽府判官入爲國子博士朝廷以宰縣日清白多治績特遷同知北京路轉運事委錄南北路刑獄所至無冤召爲同知戶部員外郎與同知河北東路轉運事季京爲中都等路推排使明昌初遷耀州刺史吏民畏愛提刑司以狀聞授韓王傅同知安武軍節度使俄改兼同知興平軍以提刑司復舉廉升孟州防禦使再遷南京路提刑使御史臺言其剛直能幹轉知河中府承安四年致仕卒諡曰貞忠金史列傳

閻公貞字正之宛平人登大定七年進士調朝邑縣簿由普潤令補尙書省令史察廉升同知亳州防禦改中都左警巡使以政績



聞遷同知武定軍節度明昌初召為大理正累進大理卿金史列傳

部尚書馬琪病告近侍傳旨不具服曳履而出有司議當徒二年

減外猶追官解任公貞以為琪本荒遽失措與非病告有違不同

宜減徒二年三等論之上從公貞議金史馬琪傳公貞居法寺幾十年

詳慎周密未嘗有過舉被命校定律令多所是正金人以為法家

之祖云金史列傳承安元年命與登聞檢院賈益同看陳言文字遷翰

林侍讀學士未幾卒宏簡錄二百三十六

巨構字子成平谷人幼篤學金史列傳大定時第進士平谷朱志由信都丞

察廉為石城令補尚書省令史授振武軍節度副使改同提舉解

鹽司事以課增入為少府監丞再遷知登聞檢院兼都水少監金史

列傳大定二十三年六月壬子有司奏右司郎中段珪卒上曰是人

甚明正可用者也如知登聞檢院巨構每事委順而已燕人自古

忠直者鮮遼人至則從遼宋人至則從宋本朝至則從本朝其俗

詭隨有自來矣金史世宗紀二十五年除構南京副留守章宗為皇太

孫上語之曰佐貳之任貴能與長官辨正恐此人不能爾若任以

長官必有可稱章宗即位擢橫海軍節度使所治以鎮靜稱宏簡錄二百二十九

構寬厚寡言性尤謙退故人既貴不復往來先遺以書裁答

寒溫而已大定中詔與近臣同經營香山行宮及佛舍其近臣私

謂構曰公今之德人我欲舉奏公行將大用矣構辭之以廉慎守

法在考功籍始終無過云金史列傳

梁瑄字國寶別字瑩中范陽人大定十六年進士歷州縣稍遷警

巡使治尚嚴肅權貴斂迹朝廷知其才累試繁劇由中都路轉運

使拜戶部尚書俄參知政事天資方正敢言大事北兵動立和議

人有笑其懦者卒如其言未幾薨於位虎賊曰梁瑄在族矣其為



人可知中州集九

崔遵字懷祖北燕人父建昌字曼卿大定二十五年進士仕至同

知武安軍節度使事遵事繼母孝與人交有終始遲重少語未嘗

及人短長中州集七少有詞賦聲所交皆名士累舉不第南渡後輟科

舉不為歸潛志三居崧山二十年中州集以讀書作詩為事歸潛志課童僕

治生生理亦粗給前輩如趙吏部子文張左丞信甫馮亳州叔獻

皆與之詩酒相往來遵喜賓客有醞藉從容文雅使人久與之處

而不厭也中州集正大末北兵入河南為兵所得脅令往招洛陽見

殺歸潛志嘗有宿少林詩云青山已有十年舊小雪又為三日留其

他往往稱是中州集元裕之稱之歸潛志

梁斗南字拱宸良鄉楊志良鄉人性穎悟工詩畿輔唐志七十九讀書闔山與

同舍生論及鬼神斗南以為不足畏同舍生曰闔山廣甯廟汝能

夜獨往乎斗南曰諾當聖其壁為驗往則遙見殿上鐙燭照耀聞

曰丞相來鐙燭盡滅斗南以筆聖殿壁間由門至東北隅暗中觸

一物捫之則人也攜以歸乃一女子有殊色問其故曰妾蘇州人

因清明觀擊毬忽怪風晝晦昏暗中不省至此而為公所救人皆

驚異事聞詔以女配斗南生二子人謂天賜夫人云斗南登進士

第一累官至河南都運有幹局長於吏事能剖繁治劇時輩服其

通敏二子敬恭敬左司郎恭仕元世祖官至金紫光祿大夫中書

平章事良鄉楊志

龐鑄字才卿大興人中州集五案金史作遼東人中州集為自

號默翁家世貴顯明昌五年進士中州集五博學能文工詩造語奇健

不凡世多傳之金史列傳風流文采為時輩所推字畫亦有蘊藉中州集五

南渡後為翰林院侍制遷戶部侍郎金史列傳仕有能名坐游貴戚家



出倅東平

歸潛志四

改京兆路轉運使卒

宏簡錄二百三十五

趙伯成字子文宛平人明昌五年經義詞賦兩科進士博通書傳

有真積之力性沈厚言必中理在太學日人以趙骨鯁目之累遷

侍御史拜中丞陝西西路轉運使靜難軍節度使哀宗即位召為

吏部尚書坐為飛語所中罷官卒於崧山中

中州集八

范中字極之大興人承安中進士累官京西路司農少卿滑州刺

史好賢樂善有前輩風流貞祐中高琪當國專以威刑肅物士大

夫被摶摶者笞辱與徒隸等醫家以酒下地龍散投以蠟丸則受

杖者失痛覺此方大行於時中戲為詩云嚼蠟誰知味最長一杯

卯酒地龍香年來紙價長安貴不重新詩重藥方時人傳以為笑

中嗜讀書一以資于詩詩亦往往可傳壬辰卒于京師年五十七

中州集八

杜時昇字進之霸州信安人博學知天文不肯仕進承安太和間

宰相數薦時昇可大用

一統志

時昇謂所親曰吾觀正北赤氣如血

東西亘天天下當大亂亂而南北當合為一消息盈虛循環無端

察往考來孰無違之

金史列傳

語多奇中隱崧洛山間

萬厯沈志五

方金人

重舉業時昇首以伊洛之學教後進

金史辛愿傳

從學者甚眾宏簡錄二百四

正大間元兵攻潼關拒守甚堅眾皆相賀時昇曰大兵皆在秦

鞏間若假道於宋出襄漢入宛葉鐵騎長驅勢如風雨中原四達

無高山大川為之險阻土崩之勢也頃之元眾自饒風關入襄陽

出南陽金人敗績于三峯山汴京不守皆如時昇所料云

金史元列傳

初屢聘不就著述甚富

萬厯沈志

正大未卒

永清縣志

贈魏郡公諡文獻萬厯

沈子瑛

永清周志

趙質字景道遼相思温之裔舉不第隱居燕城南教授為業明昌



間章宗游春水過其地聞絃誦聲駕臨齋舍見壁間題詩諷詠久之賞其志趣不凡詔至行殿授官宏簡錄二百四十六固辭曰臣僻性野逸

志在長林豐草金鑣玉絡非所願也况聖明在上可不容巢由為外臣乎益奇之賜田千畝復之終身泰和二年卒年八十五金史列傳

呂貞幹字周卿大興人呂氏自國朝以來父子昆弟凡中第者六人以六桂名其堂貞幹尤自刻苦酷嗜文書著碣石志數十萬言

皆近代以來事迹幽隱謔怪詼嘲評無所不有在史館論正統獨異眾人謂國家止當承遼大忤章廟旨謫西京運幕量移北京

致仕自號虎骨道人晚感末疾又號呂跛子自作傳以見志弟子安字晉卿子雲字祥卿子鑑字德昭皆名士子羽其從子云中州集八

子羽字唐卿大定末進士中州集八南渡為左司郎中坐事免官後同知開封府遷陳州防禦使時軍旅數興戶口逃竄子羽因以實聞

于朝而小人李渙以為不憂國失軍儲下吏當死于羽恥之自縊

于太康驛歸潛志四朝廷有辨其寃者詔復官雷希顏為制辭云毀譽之來在仁賢而不免是非之論至久遠而乃公人謂子羽於此語

為無愧云中州集八子羽入仕以能稱讀書為文有士大夫風致死非其罪天下傷之歸潛志

高斯誠字法颺大興人歸潛志四劉中教授弟子中州集四至甯九年經義魁也讀書有學問頗喜浮屠自號唯菴一作南菴與王從之李之純游

為文詩恬澹自得初調鳳翔府錄事為行部檄監支納陳州倉因忤郡魁吏搆之下獄幾死已而赦免病終歸潛志五

高永字信卿漁陽人歸潛志八父元字善長教永作舉子業略通即棄之去為人顧細謹有幽并豪俠之風賓客入門則盡家所有者

為具不為明日計人以此愛之中州集八讀書喜談兵文辭豪放長於



論事

歸潛志八

自貞祐初避兵太原與李長源汾居於廣平寺有盜穴

牆而入汾性懼怯聞騷宰聲禁不敢語盜盡挈承所有而去汾徐

曰綠林之子至矣於是永生理大狼狽南渡居嵩州出入李純甫

之門其學遂進初名夔字舜卿又名揆純甫改焉真定王之奇士

衡攻雜學純甫目為怪魁王從之若虛內翰為賦善哭詩奉聖馬

餌升公敢為大言著書十萬言號北新子大略以談兵為主且曰

古人兵法非不盡但未有北新子五十里火雨耳永皆與之游故

其詩豪宕譎怪不為法度所窘

中州集

在南京被圍嘗上書言事不

報病歿於京師年四十六自號應庵

歸潛志八

完顏仲元本姓郭氏中都人大安中李雄募兵仲元與完顏阿林

俱應募

金史列傳

人呼仲元為郭大相公以別阿林數戰有功貞祐三

年賜姓完顏

宏簡錄二百三十三

近制賜本朝姓者凡以千人敗敵三千者

賜及總麻以上敗二千人以上者賜及大功以上千人以上者賜

止其家阿林既賜姓以兄守楫及從父兄弟為請宣宗特詔許之

至是仲元上奏曰臣頃在軍旅纔立微功遠蒙天恩賜之國姓非

臣殺身所能仰報族兄徐州譏察副使僧喜前汾州酒同監三喜

前解州鹽管勾天章守與平縣監酒添福猶姓郭氏念臣與僧喜

等昔同一家今為兩族完顏阿林與臣同功皇恩所加併及本族

僧喜等四人乞依此例不許

金史完顏阿林傳

所將兵號花帽軍最强勇

頃之兼本路宣撫使遙知河間府事數月改知濟南權山東東路

宣撫副使

宏簡錄

貞祐四年山東乏糧仲元軍三萬欲於黃河之側

或陝右分屯上書乞補京官且言恢復河朔之策未幾改河北宣

撫副使

金史列傳

紅襖賊千餘人據漣水縣遣提控羅索率兵擊破之

宏簡錄

是歲十月徙軍盧氏改商



州經略使權元帥右都監詔曰商虢潼關實相連屬卿思為萬全之計未幾潼關失守仲元軍趨商虢復至嵩汝皆弗及仲元上書曰去年六月臣嘗請於朝廷乞選名將督諸軍臣得摧鋒身先士卒糧儲不給竟不果行今將坐甲待敵則師老財殫日就困敝其大概欲伐西夏以張兵勢又曰陝西一路最為重地潼關禁坑及商州諸隘俱當預備向者中都居庸最為要害乃由小嶺紫荆遮出我軍腹背受兵卒不能守近日由禁坑出遂失潼關可選精兵戍之其後乃置秦藍守禦及用兵西夏矣金史列傳興定元年為單州經畧使敗宋人二千於龜山復敗步騎千餘於盱眙敗紅襖賊於白里港獲老幼萬餘皆縱遣之宋人圍海州仲元軍高橋令阿林領騎遠出其後夾擊之宋兵解去賜金帶優詔獎諭紅襖賊陷曹馬城剽剽徐單之間提控高琬等分兵擊之俘生口二千三年又

奏單城已固積糧二十萬石集鄉義軍萬餘竝閑訓練足以守禦乞以所部渡河詔屯宿州與赫舍哩德原作統石烈德同行帥府事仲元有足疾滿百日詔曰卿處置機務撫存將士可使李辛出兵四年遙領保靜軍節度使兼勸農使五年遷鎮南節度使元光元年改知鳳翔府得士庶心宏簡錄鳳翔被圍左監軍實嘉喀齊喀來濟軍仲元讓喀齊喀總兵事喀齊喀曰公素得衆心不必見讓仲元請身先士卒諭諸將士曰凡有奇功者即承制超擢及危急乃輒注四品以下延札哈瑪爾力戰功最輒授通遠軍節度使金史列傳北兵力攻數月不下而退卒保其城以聞歸潛志六圍解奏請擅除拜之罪宣宗嘉其功皆許之金史列傳遷光祿大夫元帥右監丞授河北東路洮委必喇猛安賜金幣并通犀帶正大間為兵部尚書皇太后衛尉卒仲元為將沈毅有謀南渡後最稱名將云金史列傳



完顏阿林原作阿隣本姓郭氏以功勞賜姓完顏大安中李雄募兵阿

林與完顏仲元等俱應募金史列傳南渡之初將帥之中最著名者曰

郭仲元俗號郭大相公其軍號花帽子原註花帽子一作蒼鶻子曰郭阿林俗

號郭三相公其軍號黃鶴袖二人本非親兄弟以其壯勇年齒先

後為配阿林最驍勇人莫能敵屢與北兵戰有功為士庶屬目潛歸

志宣宗即位初除通州防禦使遷河間府同知兼清州防禦使將

所部兵駐清滄控扼山東轉橫海軍節度使與山東路宣撫副延

札原作顏蓋天澤不相能詔二臣當共濟國事無執偏見妄分彼此尋

改鎮秦定軍山東西路宣撫使與仲元俱加從宜招撫使詔書獎

諭宏簡錄二且令計約涿州刺史蘇爾坦等軍恢復中都於是仲

元阿林兵猥多詔以三等差第之上等備征伐中下戍守懦弱者

罷去量給地以贍其家金史列傳阿林所部黃鶴袖軍駐魚臺者桀驁

不法掠平民劫商旅道路不通有司乞徙於勝州詔阿林就處置

頃之破紅襖賊於泗水縣柘溝村生擒郝定送京斬之金史列傳尋改

輝州經略使阿林有眾萬五千詔分五千隸東平行省其眾訴泣

云我曹以國家多難奮義相從捐田宅離親戚轉戰至此誓同立

功皆還鄉里今將分配他軍心實艱苦乞以全軍分駐懷衛輝州

之間捍蔽大河宏簡錄二阿林因以為請宰臣奏若遂聽之非唯

東平失備他將倣效皆不可使矣宣宗以為然加遙授知河南府

事應援陝西金史列傳阿林將兵八千西至潼關聞京兆已被圍遊騎

至華州陝西行院欲令駐軍商號拒東向之路阿林奏臣本援陝

西遇難而止豈人臣之節竊惟古用兵步騎相參方可得志今乃

各有所屬臨難不救互分彼此今臣所統皆步卒願賜馬軍千人

則京兆之圍不足解矣宣宗善之令皇太子諭意阿林赴難不回



而軍勢單弱併付以號州五千使乘隙而進宏簡錄二百三十三興定元年

遷元帥右都監出秦州伐宋宋統制吳筠守皂角角又作郊堡城三重

據山之巔阿林分兵絕其汲路克其外城再克其次城宋兵縱火

而出阿林以騎兵邀之遣步卒襲其後宋兵敗生獲吳筠及將校

二百人馬數百匹糧萬石及兵甲衣襖復敗宋兵於裴家莊六谷

中斬五百級墜澗死者甚眾又敗之於寒山嶺龍門關大石渡得

粟二千餘石復敗之於稍子嶺斬首二千餘級生擒百人是時三

月宿麥方溢阿林留兵守之已而宋兵大至金兵敗阿林戰歿潛志云馬

劉德基大興人貞祐元年特賜同進士出身守官邊邑金史列傳夏兵

攻城積薪廳事之傍語家人曰城破即焚我未幾果破家人不肯

縱火遂被執脅使跪降德基不屈同僚給曰此人素有狂疾故敢

如此德基曰為臣死忠理當如此爾吾豈病狂者耶宏簡錄二百四十二夏

人壯其義乃繫諸獄冀其改圖已而召問德基大罵終不能從曰

吾豈苟生者哉遂害之贈朝列大夫同知通遠軍節度使事金史列傳

王毅大興人經義進士累官東明令貞祐二年東明圍急毅領民

兵數百人拒守城破毅猶拒戰力窮被執與縣人願戰者王八等

四人同驅郊外先殺二人王八即前跪將降毅以足踏之厲聲曰

忠臣不佐二主汝乃降乎驅毅者以刃斫其脛毅不屈而死贈曹

州刺史金史列傳

馬肩龍字舜卿宛平人一統志先世遼大族有知興中府者時人號

興中馬氏祖大中金初登科節度全錦兩州金史列傳父成誼明昌五

年進士為京兆府路統軍司判官肩龍幼入太學善詞賦有聲宏簡錄

錄二百四十二過襄垣題詩酒家壁辭氣縱橫時輩少有及者中州集八宣宗

宣宗

宣宗

宣宗

宣宗

宣宗

宣宗

宣宗

宣宗

宣宗



初有誣宗室蘇爾坦殺人將置之死人不欲言其冤肩龍獨上書言其有將材人罕過之臣一介書生無用於世願代其死留為天子將兵宏簡錄書奏勅問汝與蘇爾坦交分厚歟肩龍對曰臣知有蘇爾坦蘇爾坦未嘗識臣蘇爾坦冤人不敢言臣以死保之宣宗感悟赦蘇爾坦授肩龍東平錄事委行省試驗宰臣侯摯與語不契留數日罷歸金史列傳將渡河與排岸官紛競搜篋中得馬軍糧料名數及利害數事疑為姦細繫歸德獄根勘宏簡錄適蘇爾坦至立救出之正大三年客鳳翔元帥愛新深器重之正大四年春元軍西來擬以德順為坐夏之所德順無軍人甚危之愛新識肩龍可與謀事乃遺書招之肩龍得書欲行鳳翔總管哈薩喇國鑑以大兵方進吾城可恃德順決不可守勸勿往肩龍曰愛新生平未嘗識我一見許為知己我知德順不可守往則必死然以知己故不

得不為之死耳乃舉行橐付族父明之為死別冒險而去既至不

數日受圍愛新假肩龍鳳翔總管府判官金史列傳委以守禦凡受攻

二十晝夜力盡城陷畿輔唐志七十六肩龍以劍自剄時年五十三軍中

募生致肩龍而不知其終臺諫有言當贈德順死事者官以勵中

外愛新列傳詔配食褒忠廟畿輔唐志

蕭漢傑大興人金國嘗賜姓奧里氏故時人又謂之奧里漢傑父

仲寬飛龍榜登科同知青州軍州事致仕有子六人皆使宦學獨

漢傑不樂遂作舉子為人慷慨有志膽好讀書通古兵法及陰陽

孤虛祿命之術從軍二十年積官從三品領虢州倅關陝總帥府

提控佩金符蓋自燕城圍解之後間關南渡出入行陣間瀕於死

者屢矣鐵嶺之潰復入陝州陝州亂羣不逞輩繫漢傑獄中漢傑

乘昏暮械而出懼為追者及駕浮壺亂黃流筋疲力涸僅達北岸



為失侯故將者又二十年流離頓踣人所不能堪而意氣都不少  
衰問其日事則曰止以唐生季主之業游時貴間耳元遺山集十

董文甫字國華潞人續夷堅志一第進士南渡嘗為大理司直後為河

南府治中中州集云歷金昌府判官禮部員外郎昌武軍節度副使與歸潛志不同然歸潛志乃劉祁所著並言與定初

余先子居喪淮陽公乘傳過焉談道竟日余時為童子竊聽窗下云云其所述似較真今從之自號無事老人為

人醅謹篤實其學參取佛老二家不喜高遠奇異循常道其於六

經論孟諸書凡一章一句皆深思而有得必以力行為實事不徒

誦說而已歸潛志五人知尊之而不知其何所得也續夷堅志一子安仁傳

其學亦謹厚歸潛志五父子嘗閒居寶豐閉戶不出以習靜為業朝夕

不給晏如也片州集九正大中以公事至杞縣自知死期作書與家人

及同官又與杞縣令佐詩多至三十餘首書畢續夷堅志一擲筆於地

以扇障面而逝中州集九

王彪字武叔大興人貞祐五年經義魁也為文頗馳騁波瀾性疎

放嗜酒不拘細事初對廷策宣宗喜其文以為似古人特授太子

副司經國史院編修官進司經末帝在東宮頗見知後入翰林為

應奉遷修撰出為平涼府治中入為待制出刺州未赴南京被圍

執之服絕粒藥俄飲酒被藥死歸潛志

王鬱字飛伯金史列傳初名青雄宋元學案一百四十五曾祖衍金

紫光祿大夫定海軍節度使祖彥信邠州宜祿尉父欽山東路轉

運司鹽鐵判官鬱始生之月父夢神人自天而下開所負紫絲囊

賜一大鵬且云吾後必來取其鵬在地振羽一鳴驚而寤訪諸日

者繇曰凜凜霜鵬賜自上穹既文於外又剛於中法生貴子其應

在公他日必作青雲之雄既生因采其語為名字歸潛志三狀貌魁奇

目光如鵠步武翩然相者云病鶴狀貌也年十八父歿家素富貴



累千金遭亂蕩散無幾鬱殊不以爲意歸潛志少居釣臺閉門讀書

不接人事爲文法柳宗元閱肆奇古動輒數千言歌詩俊逸效李

白宏簡錄作樂府人多傳之中州集是時學者惟事科舉時文鬱爲文

一掃積弊專法古人最早爲麻九疇所賞其後潛心述作未嘗輕

求人知李欽叔過釣臺得其所著傷魯麟導懷等賦并楊孝童碑

王夢祥哀辭大驚徧薦於諸公歸潛志用是頗自貴重嘗以布爲囊

采當世名卿詩投其中中州集作王子小傳以自叙金史列傳又移隱陘

山覃思古學歸潛志正大五年游京師以兩科舉進士不中西游洛

陽放懷詩酒盡山水之歡宋元學案平日好議論尙氣自以爲儒中俠

其論學孔氏能兼佛老佛老爲世害然有從事孔氏之心學者徒

能言而不能行縱欲行之又皆執于一隅不能周徧故嘗欲著書

推明孔子之心學又別言之行之不同以去學者之弊其論經學

以爲宋儒見解最高雖皆笑東漢之傳注今人唯知蹈襲前人不

敢誰何使天然之智識不具而經世實用不宏視東漢傳注尤爲

甚亦欲著書專與宋儒商訂其論爲文以爲近代文章爲習俗所

蠹不能遽洗其陋非有絕世之人奮然以古作者自任不能唱起

斯文故嘗欲爲文取韓柳之辭程張之理合而爲一方盡天下之

妙其論詩以爲世人皆知作詩而未嘗有知學詩者故其詩皆不

足觀詩學當自三百篇始其次離騷漢魏六朝唐人過此皆置之

不論蓋以尖慢浮雜無復古體故其詩必求盡古人之所長削去

後人之所短其論出處以爲仕宦本求得志行其所知以濟斯民

其或進而不能行不若居高養蒙行樂自適不爲世網所羈歸潛志

辛愿嘗謂鬱曰王侯將相世所共嗜者聖人有以得之亦不避得

之不以道與夫居之不能行己之志是欲澡其身而伏於廁也是



難與他人道子宜保之金史辛愿傳天興初元兵圍汴京上書言事不

報宏簡錄四月圍稍解挺身突出為兵士所得其將遇之甚厚鬱徑

行無機防為其下所忌見殺臨終懷中出書曰是吾生平著述可

傳付中州士大夫曰王鬱死矣金史年甫三十歸潛志

張潛字仲升武清人幼有志節慕荆軻聶政之為人年三十始折

節讀書時人高其行誼目為張古人後客嵩山從仲振受易年五

十始娶魯山孫氏亦有賢行夫婦相敬如賓負薪拾穗行歌自得

不知其貧也金史列傳鄰里有為潛種瓜者及熟讓潛潛弗取嘗行道

中拾一斧訪其主還之里有兄弟爭財者其弟曰我家如此獨不

畏張先生知耶遂如初金史列傳其為人敬服如此宏簡錄二天興間

潛挈家避兵少室山乃不食七日死孫氏亦投絕澗死焉金史列傳

李伯淵寶坻人畿輔唐志七十六本安平都尉司千戶美姿容深沈有謀

金史崔立傳為金都帥與崔立守邊畿輔唐志天興二年春正月崔立作亂

以城降蒙古通鑑輯覽九十一又括在城金銀搜索薰灌訊掠慘酷貴族

富人不堪其毒宋史紀事本末九十一伯淵結燕人李齊諾畿輔唐志每憤立不道

欲仗義殺之金史崔立傳三年六月甲午傳近境有宋兵宏簡錄二與

立謀備禦之策翼日晚伯淵等燒外封叩門以警動立金史崔立傳比

明設伏門外約立視火立從苑秀折希顏數騎而往傳諭京城民

十五以上七十以下男子皆詣太廟街點集還至中途倉猝中伯

淵就馬上抱立橫刺之因墜馬死宏簡錄伏兵起元帥洪果薩哈殺

苑秀折希顏後立軍士追斬之伯淵號於眾曰立殺害劫奪烝淫

暴虐大逆不道古今無有當殺之不萬口齊應曰寸斬之未稱也

乃臬立首望承天門祭哀宗遂籍其家金史崔立傳

張天綱字正卿霸州人至甯元年詞賦進士性寬厚端直議論醇



正造次不少變累官咸甯臨潼令入補尚書省令史拜監察御史  
以鯁直聞陞戶部郎中金史列傳哀宗東幸改左右司郎中扈從至歸  
德擢吏部侍郎屢言元帥官努有反狀上初易之後果反擢權參  
知政事宏簡錄二百四十四及從上還蔡金史列傳時久雨朝士扈從者徒行泥  
水中掇青棗爲糧數日足脛盡腫天綱亦然金史烏庫哩鎬傳轉御史中  
丞扶溝縣招撫司知事劉昌舉上封事請大舉伐宋上命天綱面  
詰其蘊召與語無可取者然重違上命且恐塞言路奏以爲尚書  
省委差官護衛鈕祜祿温綽近侍直長鈕祜祿色埒默奉御陳謙  
權近侍局直長內族泰和四人以食不給出怨言乞往陳州就食  
天綱奏令監之出門任所往才出及汝南岸遇北兵皆見殺時人  
快之金史列傳烏庫哩先生者本貴人家奴爲全真師佯爲狂態裸顛  
露足綴麻爲衣人亦謂之麻跛先生自言能使軍士服氣不費糧

石右丞仲德知其妄乃奏欲如田單假神師退敵之意授一真人  
之號北兵信巫必駭異之或可以成有功金史烏庫哩鎬傳天綱力辨以  
爲不可遂止軍吏舒穆魯和爾原作石抹虎兒求見仲德自謂有奇計退  
敵問之北兵所恃者馬今欲制其人先制其馬因出馬面具猶惡  
如獅子狀別制青麻布爲足尾仍繫大鈴于頸壯士乘之以突彼  
騎騎必皆驚逸我軍鼓譟繼其後此田單所以破燕也宏簡錄天綱  
曰不可彼衆我寡此不足恃縱使驚去安保其不復來乎恐徒費  
工物祇取敵人笑耳乃罷蔡城破爲宋將孟珙得之宏史列傳珙問金  
主所在天綱曰城危時自經矣通鑑輯覽九十二械至臨安俘見廟社宏簡錄  
既而命臨安知府薛瓊問曰有何面目到此天綱曰國之興亡  
何代無之我金之亡比汝二帝何如瓊叱之明日奏其語帝召天  
綱問曰汝真不畏死耶天綱對曰大丈夫患死之不中節爾何畏



之有因祈死不已帝不聽初有司令天綱供狀必欲書主為虜主  
天綱曰殺即殺焉用狀為有司不能屈聽其所供天綱但書故主  
而已聞者憐之後莫知其所終史列傳

李天翼字輔之固安人貞祐二年進士歷榮陽長社開封三縣令  
所在有治聲遷右警巡使汴梁既下僑寓聊城落魄失次無以為  
資辟濟南漕司從事方鑿圓柄不與世通眾口媒孽竟罹非命天  
翼材具甚美且有志於學與人交款曲周密久而愈厚死之日天  
下識與不識皆為流涕中州集八

崔禮潮人仕金為四鄉教諭金亡隱居潮東南小安村構園植花  
卉閉戶自娛元丞相兀都台及帙古迭兒嘉其高節數過訪復以  
金鐘駟馬聘之終不出祀鄉賢通州高志

華陽吳祖椿校

人物志六

光緒順天府志九十六

先賢六

黃岡洪良品纂江陰繆荃孫覆輯

元

耶律楚材

子鑄孫希亮

史秉直

子天倪

權

天安

天澤

天倪

子格

秉直弟進道從弟天祥

薛塔喇海

楊格濟格

賈實喇

子酬尼賞

郭汝梅

李秉彝

朱國寶

石天麟

張榮實

子玉

杜瑛

張子良

子懋

張巴圖

李德輝

張思忠

子程

梁會

王利用

張九思

盧孳

尙文

郝元良

王伯勝

張伯用

王倚

郭貫



鮮于樞	梁德珪	郝彬
曹鑑	吳鼎	劉德温
趙師魯	宋本 <small>弟發</small>	賈璧 <small>子用</small>
李廷	張誠	劉器之
梁有	宗杞	阿都齊
曾德	劉秉直	何失

元 耶律楚材字晉卿遼東丹王托雲原作突欲子婁國為燕京留守遂居於燕八傳生楚材幾輔唐志七十一案耶律楚材為遼宗室繼輔唐志言其八世居燕祖父皆委贄仕金元太祖定燕京求遼宗室即得之其為遼時居燕遼楚材以明昌元年亡仍世居燕地可知唐志入僑寓今改入先賢楚材以明昌元年六月二十日生父履通數學私謂所親曰吾年六十而得此子他日必成偉器且當為異國用因取左氏楚材晉用以名字宋子真耶律文

正公神道碑 生三歲而孤母楊氏教之學比長博極羣書旁通天文地理律歷衍數之說為文若宿構者元史類編十一金中都破蒙古主嘗訪遼宗室通鑑輯覽五十聞其名召見之楚材身長八尺美髯宏聲帝偉之元史謂曰遼金世讎朕為汝雪之對曰臣父祖嘗委質事金既為臣子敢讎君父耶元史類編十一帝重其言處之左右以備諮訪神道碑己卯夏六月帝西討回國禡旗之日雨雪三尺帝疑之楚材曰元冥之氣見於盛夏克敵之徵也庚辰冬大雷復問之對曰回國主當死於野後皆驗元史列傳夏人禪巴泌原作常八斤善造弓每日國家方用武耶律儒者何用楚材曰治弓用弓匠為天下豈可不用治天下匠耶太祖聞之喜日見親用古品節錄六國初未有歷學神道碑西域人奏五月望夜月當蝕楚材曰否卒不蝕明年十月楚材言月當蝕西域人曰不蝕至期果蝕八分元史列傳上大異之曰汝於天



上事無不知况人間事乎神道碑壬午八月長星見西方楚材曰女

真將易主矣未幾金宣宗果殂帝每征討必命楚材卜帝亦自灼

羊胛以相符應然後行指楚材謂太宗曰此人天賜我也後軍國

庶政當悉委之甲申帝至東印度駐鐵門關元史列傳忽有大獸輟耕錄

鹿形馬尾色綠而獨角神道碑如犀牛能作人語云此非帝世界宜

速還左右皆震懾獨楚材進曰此名角端乃旄星之精聖人在上

則斯獸奉書而至能日行一萬八千里輟耕錄解四夷語是惡殺之

象今大軍西征已四年蓋上天惡殺遣之告陛下願承天心宥此

數國人命通鑑輯覽九十一帝即回馭輟耕錄丙戌冬從下靈武諸將爭取

金帛楚材獨收遺書及大黃藥材既而軍中病疫得大黃輒愈全

活者萬人已丑秋太宗將即位擇期八月二十二日元史類編十一楚材

以遺詔召諸王畢至時拖雷監國諸王意猶未決楚材言於監國

曰此社稷大計若不早定恐生他變宋史紀事本末九十九遂翼太宗登寶

位告親王察罕台曰王雖兄位則臣也禮當拜王拜則莫敢不拜

王深然之率皇族及臣僚拜帳下國初尊屬行拜禮自此始元史類編

一中原新定未有號令長吏皆得自專生殺稍有忤意刀鋸隨之

至有全家被禍者楚材以為言命禁絕之宋史紀事本末九十九且條便宜

一十八事頒天下帝悉從之元史列傳太祖初之征西域也倉庫無尺

帛斗粟之儲元史類編十一於是羣臣咸言雖得漢人亦無所用不若盡

殺之使草木暢茂以為收地耶律楚材曰夫以天下之廣四海之

富何求而不得弗為耳誠均定中原地稅商稅酒醋鹽鐵山澤之

利周歲可得銀五十萬兩帛八萬匹粟四十餘萬石何為無用哉

帝曰誠如卿言則國用有餘矣卿試為之至是楚材奏立十路課

稅所設使副二員悉用士人如陳時可趙昉劉中等皆在選中楚



材因間進說周孔之教且謂天下雖得之馬上不可以馬上治宋史

紀事本末帝深然之由是文臣漸進用歷代名臣言行錄二十二辛卯秋帝至雲

中元史諸路所貢課額銀幣及倉廩物料文簿具陳於前悉符楚

材元奏之數通鑑輯覽九十一帝笑謂曰卿在朕左右而能使錢穀流入

如此即日拜中書令事無大小一以委之歷代名臣言行錄二十二楚材奏諸

路州縣長史專理民事萬戶府專總軍政課稅所專掌錢穀不相

統攝著為令通鑑輯覽九十一又舉札哈紐赫均原作鎮海粘合與之同事權貴

不得志宋史紀事本末軒達布原作咸得卜以舊怨嫉之譖於宗王歷代名臣言行錄十二

使奏楚材用南朝舊人恐有異志不宜重用因誣搆百端必

欲寘於死地札哈紐赫均等懼讓楚材曰何為強更張必有今日

事楚材曰立朝廷以來每事皆我自為諸公何與焉若果獲罪我自當之宋史紀事本末一百

帝察其誣責使者罷遣之元史已而軒達布為

人所訴宋史紀事本末一百帝命楚材按治奏曰此人倨傲故易招謗方今

有事南方他日治之未晚帝私謂侍臣曰楚材不較私讎真寬厚

長者汝曹當效之元史類編十一蒙古之制凡攻城不降矢石一發即屠

之汴京既陷大將蘇特布原作速不台請屠其城楚材馳入奏曰將士

暴露數十年所欲者土地人民耳得地無民將焉用之帝猶豫未

決楚材曰奇巧之工厚藏之家皆在於此若盡殺之將無所獲乃

詔除完顏氏一族外餘皆原免時避兵在汴者尙百四十萬戶皆

保全遂為定制歷代名臣言行錄二十二楚材又請求孔子後收太常禮樂生

及聘召名儒乃以孔子五十一代孫元措襲封衍聖公付以林廟

地召名儒梁陟王萬慶趙著等使釋九經進講東宮又率大臣子

弟執經解義俾知聖人之道置編修所於燕京經籍所於平陽由

是文治興焉甲午議籍中原民元史時羣臣共欲以丁為戶耶律



楚材以爲不可衆皆曰我朝及西域諸國莫不以丁爲戶豈可捨  
大國之法而從亡國之政耶楚材曰自古有中原者未嘗以丁爲  
戶若果行之可輸一年之賦隨卽逃散矣蒙古主從楚材之議及  
呼圖克原作忽都虎以所括民戶一百四十萬上帝議割裂諸州郡分  
賜諸王貴族楚材奏曰尾大不掉易以生隙不如多與金帛足以  
爲恩帝曰業已許之矣楚材曰若置官吏必自朝命除恆賦外不  
令擅自徵斂差可久也帝從之楚材又定賦稅每二戶出絲一斤  
以供官用五戶出絲一斤以與受賜貴戚功臣之家地稅中田每  
畝二升又半上田每畝三升半中田三升下田二升半水田每畝  
五升商稅三十分之一鹽銀一兩四十觔已上以爲永額朝臣以  
爲大輕楚材曰將來有利進者則已爲重矣宋史紀事本末一百一丁酉楚  
材奏曰制器者必用良工守臣者必用儒臣儒臣之事業非積數

十年殆未易成也帝曰果爾可官其人楚材請校試之乃命課稅  
使劉中楊奐隨郡考試以經義詞賦論分爲三科儒人被俘爲奴  
者亦令就試其主匿弗遣者死得士凡四千三十人免爲奴者四  
之二楚材又請一衡量立鈔法定均輸庶政略備民稍蘇息續通鑑九  
十帝嗜酒晚年尤甚楚材屢諫不聽乃持酒槽鐵口以獻曰此鐵  
爲酒所蝕尙如此况人五臟邪帝乃少減是歲二月疾篤脈絕六  
皇后不知所爲召楚材問之楚材對曰今任使非人賣官鬻獄囚  
繫非辜者多宜赦天下后亟欲行之楚材曰非君命不可頃之帝  
少蘇后以爲言乃首肯之赦發而脈復生十一月疾愈楚材推太  
乙數謂不宜田獵左右皆曰不騎射何以爲樂出田五日還至烏  
特古呼蘭諤多拉哈瑪爾原作奧都刺合蠻進酒歡飲極夜乃罷翌日殂  
初蒙古主有旨以孫錫哩瑪勒爲嗣至是后召楚材問之楚材曰



此非外姓臣所敢知自布先帝遺詔幸遵之后不從遂稱制于和

林通鑑卷九十二諤多拉哈瑪爾專政權傾中外后至以御寶空紙使自

書填楚材曰天下者先帝之天下朝廷自有憲章今欲紊之臣不

敢奉詔又有旨凡諤多拉哈瑪爾所建白令史不為書者斷其手

楚材曰國之典故先帝悉委老臣令史何與焉事若合理自當奉

行如不可行死且不避况截手乎后不悅楚材憤悒成疾而卒或

譖之曰楚材為相二十年天下貢賦半入其家后命近臣覆視之

惟琴阮十餘及古今書畫金石遺文數千卷而已通鑑九十二楚材天

資英邁歷代名臣言行錄二十二才智淵深尊經崇聖隨事規箴古品節錄六每陳

國家利病生民休戚辭色懇切太宗嘗曰汝又欲為百姓哭耶楚

材每言興一利不若除一害生一事不若減一事人以為名言宋史

紀事本末九十九文宗至順元年追封廣甯王謚文正子鉉鑄元史列傳

鑄字成仲幼聰敏善屬文尤工騎射楚材薨領中書省事時年二

十三鑄上言宜疎禁網遂采歷代德政合於時宜者八十一章以

進從憲宗征蜀領侍衛驍果軍屢出奇計攻下城邑乙未憲宗崩

額呼布格原作阿里不阿叛鑄棄妻子挺身自朔方來歸世祖嘉其忠即

日召見賞賜優厚中統二年拜中書左丞相元史列傳監修遼金史尋

將兵備禦北邊引兵扈從敗額呼布格原作阿里不阿於上都至元初奏

定法令三十七章俄命行省山東遷調所部官屬尋召還元史類編十一

初清廟雅樂止有登歌詔鑄製宮懸八佾之舞四年春三月樂舞

成表上之仍請賜名大成制曰可十年加平章軍國重事朝廷有

大事必諮訪焉十四年冬以雨雪愆期帝使問便民事鑄曰足食

之道唯節浮費靡穀之多無踰麴蘖况自周漢以來常有明禁祈

神賽社費亦不貴宜一切罷止十九年復拜左丞相奏言有司以



采室女乘機害民請令大郡歲取三人小郡二人擇其可者厚賜其父母否則遣還庶不致大擾並從之

元史類編十一

二十年冬十月坐

不納職印妄奏東平人聚謀為逆間謀幕僚及黨罪囚阿里沙罷免仍沒其家貲之半徙居山後二十二年卒年六十五子十一人希徵希勃希亮希寬希素希固希周希光希逸淮東宣德慰使餘失其名至順元年追贈懿甯王謚文忠

元史列傳

希亮字明甫初六皇后命以齊達濟氏歸鑄生希亮於和琳南之

涼樓曰托果斯

原作禿忽斯

六皇后遂以其地名之故亦曰托果斯憲

宗嘗遣鑄覈錢糧于燕鑄曰臣先世皆讀儒書儒生俱在中土願攜諸子往就學許之比至燕令希亮師事北平趙衍時方九歲未浹旬已能賦詩憲宗征蜀鑄扈從南伐希亮亦在行憲宗崩希亮將輜重北歸陝右瑛塔噶叛鑄子身歸朝瑛塔噶怒使人監視希

亮母子脅之行至西涼甘州會叛將阿勒達爾自和林至見希亮

問而父安在對曰不知與吾父共事者宜知之瑛塔噶詬曰我焉

得知而父今亡命東見皇帝矣希亮曰若然則何謂不知使吾知

之亦從而去安能獨留

元史類編十一

阿勒達爾以為實免其監涖既而

阿勒達爾瑛塔噶為大兵所殺眾推哈喇布哈

原作哈不花

為帥

帥故與鑄有婚姻鑄又嘗周恤其病至是謂希亮曰我受而父恩

今於汝報遂釋希亮縛北走希亮兄弟相扶攜徒步萬里不火食

者常累日是歲中統元年也三年從定宗幼子大名王與宗王阿

勒呼木師至布拉城與哈喇布哈兵戰

元史類編十一

敗之盡殲其眾二

王乃函其頭遣使報捷四年至喀什噶爾

原作可失

城世祖遣布哈

綽克至二王所因以璽書召希亮馳驛赴闕八月入覲世祖於上

都之大安閣備陳邊事及羈旅困苦之狀

元史列傳

上憐之賜鈔幣授



為符寶郎元史類編十一世祖常命希亮問宋諸降將日本可伐否眾皆

曰可希亮獨曰宋與遼金攻戰且三百年干戈甫定人得息肩俟

數年後興師未晚世祖然其言元史類編十一太府監令盧贄言于監官

各路所貢布長三丈惟平陽加一丈諸集賽台以故爭取平陽布

苟截其長者與他郡等則無所爭而以其所截者為髹漆宮殿器

皿之用甚便監官從之適左右以其事聞帝以詰監官監官倉皇

莫知所以對歸罪于贄帝命斬之希亮遇諸塗贄以冤告希亮命

少緩具以實入奏有旨令董文忠獻之竟釋贄而召御史大夫塔

齊爾讓之曰此事言官當言而不言向微托果斯不誤誅此人耶

元史累遷吏部尚書帝駐蹕察納兒台之地希亮至奏對畢文用

問大都近事希亮曰囹圄多囚耳世祖方歆枕臥忽寤問其故奏

曰近有旨漢人盜鈔六文者斬以是日多帝驚曰孰傳此言侍臣

托爾齊曰陛下在南坡曾以語蒙古兒童帝曰前言戲耳曷嘗著

為令希亮曰令既出矣必明其誤以安民心帝即令希亮至大都

宣諭并釋囚者希亮以跋涉西土久足疾痿孳乃謝事居灤陽二

十餘年武宗立特除翰林學士承旨兼修國史希亮因類次世祖

嘉言善行以進英宗取其書置禁中泰定四年卒于京年八十一

追封漆水郡公諡忠嘉元史類編十一希亮性至孝困厄遐方家貲散亡

已盡僅藏祖考畫像四時就穹廬陳列致奠盡誠盡敬朔漢之人

咸相聚來觀歎曰此中土之禮也雖疾病不廢書史或中夜起坐

取燭以書所著詩文及從軍紀行錄三十卷目之曰憐軒集元史

史秉直大都路永清人祖倫少好俠因築室發土得金始饒於財

元史金末中原塗炭元史列傳歎曰財者人之命也何可獨享遂徧周

貧乏元史錄臣鑑建家塾招徠學者所藏活豪士甚眾士族陷為奴虜者



輒出金贖之元史列傳章宗泰和甲子歲大祲永清周志按元史於

號混稱甲子非發粟八萬石賑饑者父成珪倜儻有父風遭亂盜

賊四起悉散家財唯存廩粟備非常秉直讀書尚氣義元史列傳至元

癸酉太師國王穆呼哩原作木統兵南伐所向殘破秉直聚族謀

曰方今國家喪亂吾家百口何以自保既而知降者皆無恙即率

鄉里數千人詣涿州軍門降穆呼哩欲用秉直秉直辭而薦其子

乃以天倪為萬戶而命秉直領降人家屬屯霸州秉直拊循有方

遠近來附者十餘萬家尋遷之漠北降人道饑秉直所得牛羊悉

出以食全活尤眾元史史太祖九年甲戌永清周志從下北京詔以烏

頁爾原作吾為北京路都元師秉直行尚書六部事元史史烏頁

爾雖為大帥其軍府事一委秉直劉祁史公秉直主餽餉軍中未

嘗之絕元史史庚寅老疾謝歸鄉里永清周志遣放用兵俘獲為奴隸

者二百餘還為齊民時時幅巾羸馬逍遙園亭里巷間人不知其

為貴人又種竹蒔花以閑自適神道碑卒年七十一子天倪次天安

次天澤元史史初天倪之赴真定也秉直戒之曰觀武仙辭氣終

不為我用宜早備之天倪曰我以赤心待人人或相負天必不容

願無慮尋果及禍元史類編十七至是人服其先識元史史

天倪字和甫一統志始生之夕白氣貫庭成童姿貌魁傑有道士見

而異曰封侯相也及長好學日誦千言大安末舉進士不第乃歎

曰大丈夫立身獨以文乎哉使吾遇荒雞夜鳴擁百萬之眾功名

可唾手取也穆呼哩見而奇之元史史奏為萬戶元史穆呼哩傳統諸降卒

從穆呼哩略地三關已南至於東海所過城邑皆下因進言於穆

呼哩曰元史列傳金棄幽燕遷都於汴已為失策遼水東西諸郡金腹

心也若得大甯以扼其喉襟則金雖有遼陽終不能保矣穆呼哩



善之初天倪曾祖卒時河朔諸郡感其德結清樂社四十餘每社

近千人歲時像祀至是天倪選勇壯者萬人為義兵號清樂軍以

從兄天祥為先鋒所向無敵分兵略三河薊州諸塞望風歛服元史

類編十七甲戌朝太祖於燕之幄殿所陳皆奇謀至計大稱旨賜金符

授馬步軍都統管領二十四萬戶從穆呼哩攻高州又從攻北京

皆不戰而克元史秋七月授元帥賜金虎符命南征八月天倪取

平州金經略使奇珠原作降進兵真定所屬部邑無不欽

附而真定帥武仙固守不下遂移軍圍大名眾謂城堅不可擊天

倪循視良久使兵攻西南隅勁卒屢上屢卻天倪一躍而登守者

辟易遂破其城周志丙子會穆呼哩兵於燕南青州監軍王守約

平州推官哈達俱以叛連謀越海歸金天倪追襲至樂安哈達以

益都行省孟古原作兵來拒敗之殺守約擒孟古斬首萬級丁丑

徇山東諸郡部卒有殺民豕者立斬以徇軍中肅然遠近響應元史

列傳中山趙邢威磁洛諸州郡皆下又從穆呼哩徇河東至絳州元史

類編十七絳人贛石為圍樓禦敵居高臨下牢不可破天倪穴地為塹

地虛樓傾遂克絳周志穆呼哩喜賞以繡衣金鞍名馬庚辰還軍

真定武仙降穆呼哩承制以天倪為金紫光祿大夫河北西路兵

馬都元帥行府事仙副之元史天倪說穆呼哩曰今中原已麤定

而大兵所過猶縱鈔掠非王者弔民伐罪之意且王為天下除暴

豈可效他軍所為乎穆呼哩善之即下令禁剽掠遣所俘老幼通鑑

輯覽九十辛巳降懷潞澤三州壬午破濟南水砦癸未徇山西遂克三

關不浹旬兵至河衛喜曰河衛者夷門之限也河衛既破夷門豈

可守乎時東平嚴實以兵來赴請自攻河衛天倪曰金將哈達布

哈亦勁敵也實曰易與耳保為公破之明日實與布哈兵遇於南



門哈達兵自北奄至實兵敗竟為所執天倪曰哈達以實歸汴度必在今夕選壯士伏延津柳渡果夜縛實過遇伏戰敗實得脫歸未幾帝命天倪回軍真定元史類編十七甲申夏大名總管彭義斌以宋

兵犯河朔天倪逆戰於恩州義兵敗入保大名乙酉師還聞武仙之黨據西山腰水鐵壁二砦以叛天倪直擣其巢穴盡掩殺之仙

怒謀作亂乃設宴邀天倪有知其謀者止天倪毋往天倪不從遂為仙所殺元史列傳年僅三十九死之前一日擊鞠夜歸有大星隕馬首聲頗震心惡之尋果及禍元史類編十七妻程氏聞亂恐汚於賊乃自

殺子五人其三人尚幼俱死於難惟楫權在元史列傳

天安字全甫元太祖八年癸酉從秉直降太師穆呼哩以其兄天倪為萬戶而質天安軍中丁丑與天祥從討錦州叛人張致平之

己卯從略地關右生擒鄜州張資祿資祿號鐵槍驍將也元史周志

酉武仙殺天倪於真定元史史樞傳天澤進軍野頭天安亦提兵來赴

元史史樞傳併力攻仙敗走之以功授行北京元帥府事撫治真定庚寅宋聚兵邢之西山聲言為仙援遣其徒趙和行間城中誣倖副

李甲劉清嘗輸款為內應守將械兩人送府大帥趣命戮之天安揣知其詐請自鞠之果得其情遂斬和以徇壬辰從伐金師還討

劇盜梁滿蘇傑等悉平之甲午宣權真定等路萬戶賜金符元史史樞傳丙午入覲賜黃金裘馬乙卯卒子樞元史周志

天澤字潤甫身長八尺吐轡如洪鐘元史類編十一善騎射勇力絕人黃道周廣名將傳十一從其兄天倪帥真定乙酉春天倪遣天澤護母北歸甫

行而天倪為武仙所害府僚王縉王守道追天澤於燕曰變起倉猝部曲散走多在近郊公能迴轡南行不招自至矣天澤毅然曰

兄弟之讐不返兵雖死何敢避况未必死耶即傾貲裝易甲仗南



還行次滿城得士馬甚眾遣天澤攝行軍事遣監軍李伯祐詣國

王博囉原作李魯言狀且乞濟師天澤時為帳前軍總領博囉承制命

紹兄職命寔訥岱原作笑乃得率蒙古軍三千人援之合勢攻仙生擒

仙將葛鐵槍仙奔雙門遂復真定宋大名總管彭義斌陰與仙合

欲取真定天澤同寔訥岱扼諸贊皇仙不得進義斌勢蹙焚山自

守天澤遣銳卒摧鋒而入自以鐵騎繼其後擒義斌斬之黃道周廣名將

既而仙遣諜者潛結死士匿城中為內應夜斬關入據城天澤

踰城東出至藁城求援董俊授以勁卒夜赴真定會寔訥岱兵

亦至捕叛者三百餘人仙挾數騎退保西山抱犢砦寔訥岱忿民

之反覆驅萬人至城下將殺之元史類編天澤曰彼皆吾民我力不及

一巨委去為賊所脅殺之何罪力爭得釋乃繕城壁立樓櫓為不

可犯之計招集流散存恤困窮以抱犢諸砦為仙巢穴不即剪覆

終遺後患元清周志急攻下之仙乃遁去繼又取蟻尖馬武等砦而相

衛亦降元史列傳己丑太宗即位議立三萬戶分統漢兵天澤適入覲

命為真定河間大名東平濟南五路萬戶庚寅金封武仙為恆山

公屯兵於衛天澤合諸軍圍之金將完顏哈達以眾十萬來援戰

不利諸將皆北天澤獨以千人繞出其後敗一都尉軍與大軍合

攻之仙又遁遂復衛州元清周志壬辰春太宗由白坡渡河詔天澤以

兵由孟津會河南元史列傳癸巳春金主令完顏拜姓原作白撒自黃陵岡

來襲新衛天澤率輕騎馳赴之比至圍已合天澤奮戈突至城下

呼守者曰汝等勉力援兵且至復躍出其眾皆披靡遂與大軍夾

攻之拜姓等敗走蒲城天澤尾其後拜姓等兵尚八萬俘斬殆盡

金主以單舸東走歸德天澤追至歸德黃道周廣名將傳達嚕噶齊薩奇

森布哈欲薄城背水而營天澤曰此豈駐兵之地乎彼若來犯則



進退失據矣不聽會天澤以事之汴比還薩奇森布哈全軍皆沒  
元史大軍圍蔡天澤當其北面結棧潛渡汝水血戰累日金亡天  
澤始還真定時政煩賦重民貸羊羔利錢以輸官繼以歲饑積銀  
至一萬三千錠天澤傾家資率族屬官吏代償之又請以中戶為  
軍上下戶為民著為定籍尋移軍伐宋乙未從皇子庫春原作攻  
棗陽襄陽又從宗王昆布哈圍光州攻壽州乘勝而南所向輒克  
元史類編世祖時在藩邸極知漢地不治河南尤甚請以天澤為經略  
使至則興利除害政無不舉誅郡邑長貳之尤貪橫者二人境內  
大治元史列傳戊午秋憲宗取蜀駐合州軍中大疫方議班師元史類編宋  
將呂文德以艤艘千餘泝嘉陵江而上北軍迎戰不利天澤分軍  
為兩翼跨江駐射親率舟師順流縱擊三戰三捷奪戰艦百餘進  
至重慶而還永清周志中統元年世祖即位首召天澤問以治國安民

之道

元史列傳

天澤疏對大略請立省部以正紀綱設監司以督諸路

需恩澤以安反側除暴殘以任賢能頒祿秩以養廉節禁賄賂以

防奸慝帝皆嘉納

元史類編

六月撤江上軍以天澤為江淮經略使

輯覽九

帝問竇默曰

永清周志

朕欲求如唐魏徵者豈有其人乎默曰

深謀遠慮有宰相才則史天澤其人也

通鑑輯覽

帝以為然永清周志二年

夏五月以天澤為中書右丞相通鑑輯覽天澤既相事皆讓同官曰天

澤本武臣何克負荷但物移未安者老夫通譯其間為諸君條達

耳中堂

先定省規十條以正庶務李璫反

元史類編

命諸王哈必齊

哈必赤

總諸道兵擊璫復命天澤往聞璫入濟南笑曰豕突入苙無

能為也至濟南謂哈必齊曰璫多譎而兵精不宜力角當以歲月

斃之乃深溝高壘遏其侵軼凡四月城中食盡軍潰出降生擒璫

斬於軍門

元史列傳

初天澤將行帝臨軒授詔俾諸將皆聽節度天澤



至軍中未嘗以詔示人及還帝慰勞之悉歸功諸將當憲宗時嘗

奏言臣始攝兄職今臣兄有二子分掌兵民臣復任經略使一家

處三要職臣竊不安乞賜罷帝不許至是言者謂李璫之變由外

藩權太重天澤復奏兵民之權不可盡專一門乞罷子弟之在官

者行之請自臣家始於是史氏子姪即日解兵符者十七人元史類編

至元三年以天澤為樞密副使四年改中書左丞相黃道周廣六

年帝以宋未附元史列傳益兵圍襄陽遣天澤與宗王大臣往經畫之

天澤至築長圍起萬山包百丈山令南北不相通又築峴山虎頭

山為一字城連亘諸堡以立久駐必取之基通鑑輯覽七年以疾還燕

八年進開府儀同三司平章軍國重事仍敕兩省院臺惟與聞大

政不責常格永清周志十年春襄陽降元史列傳阿爾哈雅言荆襄自古用

武之地已為我有宋必可平趣召天澤同議天澤對曰此國大事

可命重臣一人如安圖巴延督都諸軍則四海渾同可計日而待

臣老猶足為副續資治通鑑十八年詔天澤與丞相巴延總大軍

自襄陽水陸並進元史列傳天澤至郢病篤詔還通鑑輯覽遣侍臣賜以葡

萄酒且諭之曰卿自朕祖宗以來躬擐甲胄跋履山川宣力多矣

又卿首事南伐異日功成皆卿力也勿以小疾阻行為憂可且北

歸善自調護還至真定帝又遣其子杠與尚醫馳視賜以藥餌天

澤因附奏曰元史列傳臣死不足惜但願天兵渡江慎勿殺掠語不及

它遂卒續資治通鑑帝震悼元史列傳諡忠武追封鎮陽王天澤平居

未嘗自矜其能及臨大事毅然以天下自任年四十始折節讀書

立論多出人意表拜相之日門庭悄然或勸以權自張天澤舉唐

韋澳告周墀之語曰願相公無權爵祿刑賞天子之柄何以權為

言者慙服續資治通鑑當金末名士流寓失所悉為治其生理而



賓禮之後多顯達破歸德釋李大節不殺而送至真定署為參謀  
衛為食邑命王昌齡治之舊人多不平而莫能間其知人之明用  
人之專如此是以出入將相五十年上不疑而下無怨人以比於

郭子儀曹彬云子格

元史列傳

楫字大濟天倪死後十四年

永清周志

作已亥今改

按元史

知中山府事尋

遷征南行軍萬戶翼經略甸地蘄黃善撫士卒所向有功壬寅天

澤引楫入見太宗

元史列傳

按元史作壬寅天澤引楫入見太

寅為乃馬真太后稱制之年時事全不合按史天澤傳讓職事在  
憲宗朝而憲宗四年歲在甲寅或是甲寅為壬耳憲宗本紀是歲  
擢史樞行征萬戶以真定相柔懷孟諸軍配之又以史權屯鄧州  
或用楫即在其時然姑存此說亦不敢遂決為是也又王惲作家  
傳亦載此事於太宗朝與權為唐鄧萬戶並載而樞為新軍萬戶  
則載於憲宗時與當時情形亦不盡合而王磐神道碑又云讓位  
在世祖時蓋元人奏曰臣兄天倪死事二子尚幼臣受詔攝兄職  
之文已不一律矣

今楫已漸長乞解還職

元史類編十七

太宗歎曰但聞爭官者多讓官者

少卿此舉殊可嘉尚朕自有官昇之即詔楫為真定路兵馬都總

管

元名臣事略七

會朝廷始徵包銀楫請以銀與物折仍減其元數詔從

之著為令各道以楮幣相貿易不得出境二三歲輒一易鈔其本

日耗商旅不通楮請立銀鈔相權法人以為便或請運鹽按籍計

口給民以食楫爭其不可曰鹽鐵從民貿易何可準差稅利苦抑

配之議遂寢

永清周志

元氏民有怨府僚於上官者質之無實將抵死

楫力為寬解達官曰是欲陷汝輩死地者反救之何耶楫曰誅之

固足懲後弗若宥之以愧其心况人命至重豈宜以妄言故加極

刑乃杖而遣之中統元年授真定路總管同判本道宣撫司事真

定表山帶河連屬三十餘城生殺進退咸倚專決楫謹身率先明

政化信賞罰任賢良汰貪墨恤癯獨民咸德之所舉州縣佐史有

文學者三十餘人後皆知名

元史列傳

四年以天倪前為武仙所殺以



仙第賜楫居之元世祖紀會天澤言罷兵柄楫即日解綬歸卒年五十

九永清周志

權字伯衡勇而有謀初以權萬戶從天澤南征歲壬子天澤以萬

戶改河南經略使乃以權代其任甲寅屯軍鄧州敗宋將高達於

樊城元史列傳世祖自將伐宋次鄂州聞憲宗崩北還乃命權總兵鎮

江北岸之武磯山元史類編十七中統元年降詔獎諭賜金虎符授真定

河間濱棣邢洛衛輝等州路併摩哩紇軍兼屯田州城民戶沿邊

鎮守諸軍總管萬戶其所屬千戶萬戶悉聽號令元史列傳至元六年

召赴闕問以征南之策對曰襄陽為江陵之藩蔽樊城乃襄陽外

郭若先破樊城則襄陽不攻自下然後駐兵嘉定耀武淮泗事必

有濟帝善其議元史類編七年宋兵侵邊權引兵趨荆子口大破之帝

賜白金五百兩權悉以分勞士卒宋將夏貴以船萬艘載壯士欲

奪江面權進攻破之帝賜以衣幣弓矢鞍勒既而轉糧於隨貴復

引兵扼我前路權戰破之賜白金七百兩制授河南等處宣撫使

未上賜金虎符充江漢大都督總制軍馬總管屯田萬戶元史列傳亦

因天澤請罷兵柄授權鎮國上將軍真定等路總管兼府尹徙東

平又徙河間卒永清周志

樞字子明年二十餘以勳臣子知中山府有治績初藉新軍天澤

元史列傳曰吾兄弟三人大兄之子俱顯仲之子未也幸先之使者歎

服元名臣事略七乃奏樞為征行萬戶配以真定彰德衛州懷孟新軍戊

唐鄧乙卯敗宋舟師於漢水之鴛鴦灘賜金虎符元史列傳戊午憲宗

伐宋入自蜀從天澤朝帝行在帝勞之曰卿久鎮東方茲復遠來

勤亦至矣樞對曰臣之祖父受國厚恩今陛下親御六師暴露萬

里之外臣敢不竭死力永清周志帝壯其言命為前鋒時宋劍州僑治



苦竹崖前阻絕澗恃險而不備帝使樞率健卒數百縋而下宋兵  
降翼日大宴帝顧皇后命飲樞酒且諭新附渠帥曰國家自開創  
以來未有皇后賜臣下酒者特以樞父子世篤忠貞故寵以殊禮  
有能盡瘁事國者禮亦如之己未從天澤擊敗宋將呂文德於嘉  
陵江追至重慶而還賜黃金白金及錦永清周志世祖卽位改賜金虎  
符中統二年從天澤扈駕北征三年李璫叛據濟南復從天澤往  
討之城西南有大澗亘山樞一軍獨當其險夾澗而城豎木柵  
於澗中淫雨暴漲木柵盡壞樞曰賊乘吾隙俟夜必出命作葦炬  
數百置城上逮三鼓賊果至飛炬擲之風怒火烈弓弩齊發賊眾  
大潰自相蹂躪死者不可勝計未幾璫就擒至元四年宋兵圍開  
達諸州以樞爲左壁總帥佩虎符凡河南山東懷孟平陽太原京  
兆延安等軍悉統之宋兵聞之解去元史列傳六年高麗人金通精據

珍島以叛討之歲餘不下七年以樞爲鳳州經略使樞至謂諸將  
曰賊勢方張未易力勝况炎暑海氣蒸鬱弓力弛粹不可用宜分  
軍爲三多張旗幟以疑之吾與諸軍潛師擣其巢穴破之必矣如  
其言賊果大創珍島悉平十二年復以萬戶從丞相巴延伐宋賜  
錦衣寶鞍弓矢甲馬仍給天澤帳下士十人以從宋亡署安吉州  
安撫使時新附之初民多依險阻自保樞以威信招懷之復業爲  
民者以千萬計永清周志十四年移疾還十九年起爲東京路總管辭  
不赴二十三年拜中奉大夫山東東西道宣慰使治濟南後又治  
益都二十四年卒年六十七元史列傳

格字晉明憲宗二年王子賜天澤衛城授格節度使憲宗崩格北  
留謙州五年而歸爲鄧州舊軍萬戶又代張宏範爲亳州萬戶從  
攻襄陽下之賜白金裘馬永清周志至元十一年訶珠襲青山磯遂渡



江格一軍先渡為宋將程鵬飛所敗通鑑輯覽九十四格被創尋復大戰

中流矢鵬飛身亦被創敗走樞密院奏格輕進當議罪帝念其功

永清周志俾從平章阿爾哈雅原作阿里海牙攻潭州砲激柵木傷肩矢貫其

手裏創先登拔之遂以軍民安撫留戍入覲加定遠大將軍賜以

天澤所服玉帶元史列傳從攻靜江眾以輶輜自蔽鑿城格所當砲礮

雨下車不得前乃伺隙率眾攀堞而上拔之永清周志徇廣西十三州

廣東三州皆下元史列傳靜江被兵久溪洞諸蠻皆降雲南格遣使招

諭來者五十州雲南爭之事聞詔聽格節度元史類編十一陞廣西宣撫

使改鎮國上將軍廣南西道宣慰使宋亡陳宜中張世傑奉益王

昞衛王昺按元史作廣王誤據福州立益王即端宗也傳檄嶺海欲復其

地詐言夏貴已復瀕江州郡諸戍將以江路既絕不可北歸皆託

計事還靜江格曰待貴踰嶺審不可北歸吾與諸君取塗雲南而

歸何可先懼虛聲輒棄戍哉永清周志行省議棄廣東之肇慶德慶封

州併兵戍梧州格曰棄地撤備示敵以怯不可宜增兵戍之元史列傳

劇賊蘇仲集潰卒據鎮龍山耕植於內官軍畏暑莫敢入橫象賓

貴四州皆被其害格築堡於其界守以土兵令官軍火其廬柵民

踐其禾稼仲窮蹙遂降元史類編宋兵破尋州斬李辰李福靜江扎抵

泉永皆城守羅飛圍永凡七月不下判官潘澤民間道告急格分

兵赴之殄其眾宋端宗崩衛王立即後少帝也少帝趣廣州避海

中崖山格遣說降不可進兵攻之世傑將兵數萬欲復取雷州戍

將劉仲海擊走之後悉眾來圍城中絕糧格漕欽廉高化諸州粟

給之世傑解圍去詔格戍雷州宋亡永清周志張宏範請復將亳州軍

乃還格鄧州舊軍拜參知政事行廣南西道宣慰使入覲拜資德

大夫湖廣行中書右丞移江西右丞尋復為湖廣右丞進平章政



事元史聚書萬卷鼎彝圖書一室號曰裕齋姚燧史公卒年五十

元史八列傳

史進道字道遠秉直弟也據史氏元太祖癸酉元兵長驅燕趙進

道與兄計之兄曰此天威也殆非人力所可當遂共白於母母曰

風聲如此其盛吾亦決以天道莫若順之可得保全汝曹宜識之

遂偕兄拜太師國王穆呼哩穆呼哩見進道人品不凡深加撫慰

令總兵事進道行陣和陸號令嚴明攻取有略進退有法克獲甚

眾穆呼哩稱之甲戌三月還師圍守中都八月復進兵圍守北京

乙亥三月城降進兵攻興州趙守玉望風送款以勳尋進道義

州節度使以興州舊隸北京乃復屬之命進道管領北京勾當復

命進道留守北京進道治北京十有餘年但推誠御眾不為鈞距

鉗戾譎詐之事其於治也輕徭薄賦憫弱抑強以清嚴為用仁慈

為體不要虛譽務施實德闔境之內家給人足咸樂其生常謂人

曰人生處世幼不能事父母長不能事兄長於義誠有闕矣且吾

有老兄別居鎮陽吾嘗思之每馳神南邁吾兄得毋引領北向乎

慨然為之變色其天資孝弟如此卒年六十有五段紹先史

史天祥父懷德秉直從弟承清周志按元史以懷德為秉直之

仲氏之孫是弟今考史氏慶源碑天祥為尚書會祖

從祖弟也初隨秉直迎降於涿穆呼哩命懷德就領其黑軍隸

帳下署天祥都鎮撫選降卒二百人使領之招徠丁壯得眾萬餘

從取霸州滄濱等城東下淄沂密三州所至皆先登從略高州拔

金源等十五城惟大甯固守不下元史類天祥獲金將完顏呼遜

穆呼哩欲殺之天祥曰殺一人無損於敵適驅天下之人為吾敵

也且其降時嘗許以不死今殺之無以取信於後不若從而用之

乃以為千戶復合眾攻其城懷德先登擒其二將為流矢所中歿



於軍乃以所統黑軍命天祥領之天祥憤痛其父之死攻之愈急

乙亥與大帥烏頁爾降其北京留守伊勒都呼同知烏庫哩進攻

北京傍近諸寨元史磨雲山王都統首詣軍門降天祥命入列崖

擒都統保喇原作不刺釋其縛說以利害保喇感泣願效死永清天祥

察其誠許與王都統往說降城子崖旺嘉努原作乃命三人各

將舊卒付空名告身使諭樓子崖等二十餘寨悉降得老幼數萬

勝兵八千西乾河達原作魯五指山楊昭努原作獨固守不下天

祥擊之大小百餘戰昭努死達魯敗走得戶二萬授西山總帥兵

興州節度使趙守玉反天祥與烏頁爾分道討平之達魯復聚眾

攻龍山以槊刺烏頁爾中胸隨墮馬天祥馳救得免復整陣出戰

大敗之斬首八千級達魯戰死進克中興府元史張致盜據錦州

從穆呼哩討平之得黑軍五百人元史丙子春觀太祖於魚兒樂

賜金符授提控元帥拔蓋金蘇復等州獲金完顏努耶律神都馬

遷鎮國上將軍利州節度使黎許部降民都總管監軍兵馬元帥

丁丑夏盜祁和尚據武平討平之縛金將巢元帥又滅重兒盜眾

萬人城於興州之車河己卯權兵馬都元帥蒙古漢軍黑軍並聽

節制下河東平陽河中守嵐絳石隰吉廓等八十餘城還師真定

穆呼哩怒其久不下欲攻城天祥請曰攻之恐戮及無辜不如先

往諭之苟其不從攻之未晚遽往見武仙諭以禍福仙悟出降元史

列烏頁爾請留天祥守之穆呼哩曰天下未定智勇士可離左右

乎乃以天倪鎮真定而使天祥引兵南屯邢西遙水山下元史仙

兄貴以萬人壁於山上負固不下天祥攜完顏呼遜及黑軍百人

由鳥道拔援而上盡掩捕之仙驚曰公若有羽翼者不然何其能

也遂下邢磁相三州從戰黃龍岡破單膝充三州穆呼哩圍東平



久不下怒烏頁爾不盡力將手斬之天祥請代攻穆呼哩喜付皮甲一又與己鐵鎧並被之鏖戰不已穆呼哩使人止之曰爾力竭矣宜少休復以金鞍名馬與之辛巳從取綏德鄜坊等五十餘城壬午穆呼哩攻青龍金勝諸堡花帽軍堅守不下既破欲屠之天祥力諫而止獲壯士五千人癸未春還軍河中穆呼哩上其功賜金虎符授蒙古漢軍兵馬都元帥總十二萬戶鎮河中元史列傳按此事在太祖癸未攻太祖初置蒙古左右手及中軍萬戶以木華黎傳爾未納牙爲之漢軍則有劉伯林粘合重山二萬戶此十二萬戶未詳何時增置冬徇西夏破賀蘭山還遇賊射傷額出血目爲之昏甲申歸北京授右副北京等七路兵馬都元帥太宗元年庚寅朝帝於盧朐河乞致仕不允辛卯太宗用兵河南強之從行轉漕河上給餉諸軍壬辰命天祥領汴京百工數千屯霸州之益津行元帥府事賜錦衣一襲初天祥夜中流矢鏃入頰骨不能出至是金瘡再

發鏃自口出睿宗時爲皇弟聞而憫之授海濱和眾利州等處總

管兼領霸州御衣局人匠都達魯花赤行北京七路兵馬都元帥

府事憲宗八年秋九月以疾卒年六十八永清周志天祥幼有大志長

身駢脅力絕人性不嗜酒喜稼穡好施予乙未括戶縱其奴千餘

口俾爲民晚雖喪明憂國愛民之心未嘗忘也元史列傳

薛塔喇海原作薛塔刺海燕人也剛勇有志歲甲戌太祖引兵至北口元史

列帥所部三百餘人歸之宛平王志帝命佩金符爲礮水手元帥屢有

功進金紫光祿大夫佩虎符爲礮水手軍民諸色人匠都元帥便

宜行事從征回回河西欽察輝和爾喀喇奈曼阿勒呼木呼察都

哩木薩蘭諸國俱以礮立功太宗三年睿宗引兵自洛陽渡河塔

喇海由隴右假道金商遂會師於鈞州三峯山敗金師四年破南

京及唐鄧鈞許諸州取鄆陵扶溝四月卒子達實拉原作奪失刺襲爲



都元帥南攻江淮有功歲庚戌卒弟結桑原作軍勝襲憲宗八年從世

祖攻釣魚山苦竹崖大林平青居山破重慶馬湖天水賜以白金

鞍馬等物中統三年李璫叛濟南又以礮破其城至元五年從圍

襄陽三月卒丞相阿珠欲以千戶劉添喜攝帥府事子四嘉努原作

四家奴方十六請從軍自効帝壯而許之元史八年襲父爵十年

冬襄樊未下四嘉努立礮攻之明年襄陽守呂文煥降繼從丞相

巴延南伐十月至郢州先登宛平志師既渡江四嘉努自鄭州下沿

海諸城堡至建康十二年授武節將軍六月與宋將夏貴戰於崧

溪口奪其船二百餘艘十一月取常州十二月取蘇州十年攻鎮

巢七月圍揚州守臣李庭芝棄城走追獲之九月進階懷遠將軍

將兵平浙東諸郡從征福建灤江與宋兵力戰破之獲戰艦千餘

艘十六年進階鎮國將軍鎮揚州二十三年改為萬戶元史列傳

楊格濟格原作傑只哥燕京寶坻人一統志世業農少有勇略太祖略地

燕趙率族屬來降從攻遼左及定西夏諸路有功元史類編三十七己丑

睿宗賜以金幣命從額斯倫攻信安額斯倫知其材略出諸將石

命裁決軍務信安城四面阻水元史列傳其帥張進久不降格濟格曰

彼恃巨浸我師進不得利退不得歸不若往說之進見其來怒曰

吾已斬二使汝不懼死耶格濟格從容言曰今齊魯燕趙地方數

千里郡邑聞風納款獨君恃此一城內無軍儲外無兵援亡可立

待為君計者不如請降可以保富貴而免死亡進默然曰姑待之

凡三往乃降辛卯大名守蘇椿叛討獲之眾議屠城格濟格曰怒

一人而族萬家非招徠之道也乃止由是滑濬等州聞風納款王

辰師次徐州元史列傳阻河不得濟格濟格偵知有賊兵操舟伏草澤

中夜率勁卒憑河擊之奪其舟眾畢渡元史類編獲河南諸郡降人三



萬餘戶進攻徐州金將國用安拒戰格濟格率百餘騎突入陣中

迎擊於後大敗之擒一將而還元史時皇太弟駐兵觀戰喜曰此

眞飛將軍賜名拔都寶坻授金符命總管新附軍民元史太宗聞

之慰勞甚至寶坻特賜種田民戶租賦丁酉從額斯倫攻歸德格

濟格磨諸將縛草作筏渡濠抵城下梯城先登拔之由是進攻得

五州十縣四堡二寨元史宋兵至已登歸德城格濟格拒戰敗走

之率舟師追擊轉戰中流溺死元史類編

賈實喇原作燕之大興人木姓賈氏其父仕金爲庖人實喇體貌

魁碩有志於當世歲甲申因近臣入見莊聖太后遂從睿宗於和

林典司御膳以其鬚黃賜名實喇俾氏族與蒙古人同甚見親幸

又慮其漢人不習於風土令徙居濂州已復思之曰實喇在吾飲

食殊甘促召入供奉諸庖人皆隸焉世祖在潛邸知其厚重使從

迎皇后於鴻吉哩之地自是預謀帷幄動中機會內出銀三千兩

使賈珍膳乘傳上太官恣其出入不問又賜以牝馬及駒三十匹

并牧戶與之是時兵餘數以所賜分遺鄉里世祖卽位立尙食尙

藥二局賜金符提點局事卒追封聞喜郡侯諡敬懿元史英宗時

追封絳國公子酬尼賈宛平志

酬尼賈原作丑妮子按虞集宣方幼時世祖愛之嘗坐之御席

傍從征雲南躍馬入水斫戰船破其軍帝奇其勇敢而戒其輕銳

已未從伐宋還自鄴州卒追封臨汾郡公諡顯毅元史後進封絳

國公宛平志子爾齊原作虎林赤按碑作忽林赤智勇絕人額呼布格之叛出

其家名馬以助官軍從幸和琳中道值大風晝晦敵猝至擊走之

還佩其大父金符提點尙食尙藥二局歷尙膳使兼司農嘗入侍

帝問治天下何爲本曰重農爲本何爲先曰用賢爲先用賢則天



下治重農則百姓足帝深善之超拜宣徽使辭改僉院事仍領尚膳使卒子圖沁布哈原作禿襲世職為尚藥尚食局提點世祖以

故家子獨奇之謂他日可大用使在左右從征納延軍次杭愛敵猝至帝令急擊之諸近侍見其勢盛多畏避圖沁布哈即馳入其

陣疾戰破走之擒其首將以歸移軍輝罕元史大風晝晦敵兵鼓譟圖沁布哈奮擊身被十餘創猶力戰帝奇其勇元史類編杭愛

叛者請降眾議以為親犯王師宜誅之圖沁布哈獨曰杭愛本吾人或誘之以叛豈其本心哉且兵法殺降不祥宜赦之帝曰圖沁

布哈議是遷同僉宣徽院事每論政帝前言直而氣不懾帝亦知其直令察宿衛之事有才器者以名聞所論薦數十人用之皆稱

職時論歸之元史成帝即位諸侯王會於上京凡芻餼宴享之節賜予多寡之分曲當上意帝喜曰宣徽得此足矣會帝弗豫入侍

疾一食一飲必親嘗乃進元史類編帝悅賜珠袍超拜宣徽使元史

列傳辭曰先臣服勤於此三世矣位不過僉佐臣何敢有加於此帝嘉其退讓允其請元史類編九年北方克魯倫部大雪元史奏往賑之

全活者數萬宛平武宗至大初出金帛大賚北邊諸軍以圖沁布哈諳習事宜使即軍中分給元史類編諸部大悅拜宣徽使元史為同

官賈廷瑞所嫉廷瑞請以宣徽院為門下省尚書省奏廷瑞擅易官制帝怒欲殺之圖沁布哈力諫不可帝曰賈廷瑞毀卿不直一

錢卿尚不知耶對曰廷瑞所坐不當死不敢以臣私隙誤陛下失刑遂得免元史類編帝訪羣臣以治道圖沁布哈以為治國安民之實

在於生財節用帝嘉納焉轉光祿大夫仁宗即位加金紫光祿大夫元史延祐四年北方又被風雪為災請賑之如大德時且出其

家私馬二百匹以為助宛平時特克實原作王廷顯皆同官也帝



賜特克實海船舶圖沁布哈曰此軍國之所資上不宜賜下不宜受  
帝賜廷顯玉帶廷顯欲取大官羊錢萬緡充其價又執不可於是  
嫉者甚眾元史類編七年以疾去官英宗即位特克實竟譖殺之後特  
克實以大逆伏誅事乃白贈推忠宣力守諒功臣太傅開府儀同  
三司上柱國追封冀國公諡隱後封冀安王元史列傳

郭汝梅字和卿溇陰人高祖世珍仕遼景宗為太尉司徒數蒙寵  
賚嘗於私第賜地八千畝乃構大亭榜曰獨秀歲時拜掃為游息  
之所聖宗統和六年承天太后伐宋王諤郭公新瑩碑俘獲甚眾師次范

陽世珍上言降卒皆有父母妻子不無懷土之情驅而之北終不  
為用惟殿下至仁寬宥放歸鄉國畿輔唐志七十一太后嘉納縱活數萬

遼史拾遺二十金貞祐初汝梅年七歲溇城陷通州高志老幼皆被屠戮郭公新瑩碑父琪母劉禱於火神廟通州高志願保護此兒使郭嗣不絕郭公新瑩碑

及灤河力不能負欲棄之遇赤犢乘渡得免汝梅既顯繕祠以報

年十有八縣民公舉攝行縣事通州高志歲庚寅朝廷立十路徵收課  
稅所郭公新瑩碑耶律丞相知其才奏充燕京都稅司以幹濟稱通州高志

中統初汝梅以久貳徵收殊非本志俾其子翰承襲三年平章政  
事兼制國用使阿哈瑪奏本路員多不無侵擾疏其廉幹得力者

任使如故郭公新瑩碑起再任稅所官通州高志創建驛舍百餘楹不令擾  
及民家多起倉廩每歲應給行宮所須未嘗闕誤大小差徭先期

告足郭公新瑩碑懲兇暴捕盜賊禁倡優與齊民雜處歲不再易風俗  
臻善益戶萬二千餘進昭勇大將軍總管中都路兼尹大興數引

見奏對稱旨中統五年卒通州高志

李秉彝字仲常大都通州潞縣人秉彝幼而沈毅見人倨坐輒色  
變由是眾異焉穎悟好學七歲讀書日千言十歲能習古篆隸年



二十餘謁行省粘合公卽爲椽曹未幾遷都事說粘合曰金亡人材無所附麗天下初定宜拔其尤者爲朝廷用粘合用其說首聘王磐授子弟經於是士大夫相繼登粘合之門實自秉彝發之參議王文統投書粘合請立河南省曰距河以持南北之勢聚財以結上下之交可以成事秉彝明其邪說願勿聽旣而文統果敗遷員外郎己未世祖以潛藩伐宋從渡江將士入鄂州爭取金帛秉彝獨取書萬卷以還中原兵火後人家少藏書至是遠近學者借讀無虛日文風漸起中統壬戌遷中興等處行省郎中時渾都罕甫平民艱食秉彝奉旨賑恤玉門以東全活者無數至元甲子徙四川陝中苦司竹之政奏罷之遷太中大夫佩金符爲彰德宣課運使課最擢尙書戶部侍郎庚午秋中原蝗銜命往捕有不盡心聽以軍法從事秉彝訖事未嘗有所操切明年京師饑朝廷用秉

彝言發廩又明年魚兒泊饑亦被命濟其民出爲都提舉漕運使御河數千里不半載餉百萬石中臺察廉能奏授陝西按察副使巡行灌州故有李公堰當三江口遇水漂悍輒壞歲調夫修完民以爲病秉彝以爲築之堅可已思父老以壅遏漲勢則恐爲成都害秉彝令投石水中問曰水從石上過耶石下耶皆曰流石上耳督有司三月堰成自是大水至冒堰上行無所壅旱則瀦以溉田爲至今利丁丑除江州路總管屬邑有剽掠者有司以叛告官軍旣動被俘者衆秉彝邀諸津詰無辜千餘人悉縱遣之黃州叛九江戍卒僅五百北來商旅亦授兵登陴單弱甚呂師龍新降爲招討使擁精騎千百檄使捍禦不聽秉彝夜登庾樓遙望小舟順流下邏獲七人自黃來持叛書期師龍以五月十六日爲內應秉彝卽訪其計議陳文彬偕至師龍所諭以利害師龍與其麾下自誓



不知情秉彝曰審爾何不分兵守城師龍如言九江遂無警其兄  
師夔自江西奉黃金二百兩白金二千兩奴婢十人爲謝力卻不  
受義門陳氏苦縣吏貪酷戕吏卒秉彝曰非叛也密遣其姪黨夏  
德叟招撫之闔族千餘口皆得免遷湖州總管踰年又徙常德泚  
江泛濫立隄置以制湍浪民免墊溺官種柑橘五百株以代民貢  
歲歉黜同僚議不俟命開倉救饑者武陵之人立碑以頌遺愛癸  
未陞通議兩浙轉運使去民之不便者而課自辦轉正議除工部  
尚書居半載復爲兩浙轉運使兼杭州諸色課程及市舶前同知  
納速刺丁倚權臣勢奪秉彝職有旨理算欲因以誣秉彝卒不得  
毫髮私羣小讐服歸道鎮江寓鶴林坊病卒年六十五秉彝嘗名  
齋室曰閑邪或求爲吏以東坡頴濱二先生手書奏議三十冊爲  
獻秉彝曰賂可受乎平生不有玩好戒子孫曰凡物之罕得者我

獨有之必有奇禍云周馳閑  
邪公傳

朱國寶寶坻人畿輔唐志  
七十一修內使存器子也寶坻  
洪志存器嘗夜行盧

溝橋獲金一囊坐待其主至還之元史類  
編十九憲宗將攻宋募兵習水

戰國寶以職官子從軍元史  
列傳世祖攻鄂州國寶攝千戶率銳卒於

中流遇宋師凡十七戰諸軍始畢濟元史  
類編中統二年授千戶佩銀

符三年圍李壇於濟南佩金符鎮戍海東從征襄陽攝四翼鎮撫

列傳元史督造戰艦築萬山堡及拔沙洋隳新城皆有功初師次江上

國寶願當前鋒元史  
類編既而奪船二十艘以獻巴延壯之宋據上流

方舟數百結爲堡柵巴延指示曰復能奪取是乎國寶即奮往破

柵元史  
列傳既渡江下鄂漢進兵岳州與宋戰於桃花灘獲其將高世

傑元史  
類編進昭信校尉管軍總管既降湖右加宣武將軍統蒙古諸

軍鎮常德府知安撫司事時宋諸郡邑多堅守不下國寶傳檄招



諭踰月悉平惟辰沅靖鎮遠未下宋將李信李發結武岡洞蠻分

據阨塞國寶擊敗之元史列傳其眾退保飛山之新城思播蠻來援國

寶復戰破之元史類編擒張星沈舉等三百餘人進攻新城獲信發等

獻俘江陵行省奏功賜金虎符至元十四年會諸道兵攻廣西靜

江拔之元史列傳授管軍萬戶鎮梧州元史類編十五年加懷遠大將軍初

宋臨安之破也張世傑挾二王由閩蹈海眾復滋蔓時南恩新州

何華張翼舉兵興復軍勢甚盛元史列傳國寶擊殺之降其民三萬餘

戶遷北海南道宣慰使元史類編蜚賊連結鬱林廉州諸洞恣行標掠

國寶悉平之任龍光等率所部五千戶降移瓊州元史列傳立官程更

弊政訓兵息民俱有條制民畏服之畿輔唐志七十一南甯謝有奎負固

不服國寶開示信義有奎感悟以其屬來歸於是黎民降者三千

戶苗軍降者三十所破臨高蠻寇招降居亥番毫銅鼓博吐桐油

等十九洞遣兵略大黎密塘橫山焚其巢生致大鍾小鍾諸部長

十有八人元史類編加鎮國上將軍海北海南宣慰使都元帥供給古

城軍餉事集而民不擾二十三年遷廣南西道宣慰使二十四年

入覲帝慰勞之二十五年進輔國上將軍都元帥參知政事行尚

書省事以軍事至贛州得疾卒年五十九元史列傳

石天麟字天瑞順州人年十四入見太宗因留宿衛天麟好學不

倦於諸國書語無不習賜名孟古岱元史列傳憲宗六年以斷事官奉

使北邊海都拘留久之世祖至元中邊將劫王子北安王諾木罕

以往寓天麟所天麟稍與其用事臣相親狎因語以宗親恩義及

臣子順逆之理海都聞之悔遂遣與王同歸天麟拘二十八年始

得還世祖大悅拜中書左丞元史類編十二天麟辭曰臣奉使無狀陛下

幸赦弗誅何可復叨榮寵况臣才識淺薄年力衰憊豈能任政恐



徙貽廟堂羞不敢奉詔帝嘉其誠衰慰良久元史初安圖與北安

王為海都所拘十年始得還有譖其嘗受海都官爵者帝怒通鑑

五十九天麟奏曰海都實宗親偶有違言非仇敵比安圖不拒絕之

所以釋其疑心導其臣順也帝怒方解江南道觀偶藏宋主遺像

有僧與道士交惡發其事將置極刑帝以問天麟對曰遼國主后

銅像在西京者今尚有之未聞有禁令也事遂寢天麟年七十餘

帝以所御金龍頭杖賜之曰卿年老出入官掖杖此可也時權臣

用事凶焰薰炙人莫敢言天麟獨言其奸無所顧忌人服其忠直

成宗即位加榮祿大夫司徒大宴玉德殿召天麟與宴賜以御樂

命左右勸之酒頗醉命御輦送還家武宗即位進平章政事至大

二年秋八月卒年九十二追封冀國公諡忠宣元史

張榮實保定人父進守信安城有功金封北平公保定壬辰歲率

所部屬民降太宗命為征行萬戶甲午征河南與金將國用安戰

徐州死焉榮實始以質子入宿衛繼授金符充征行水軍千戶丁

酉改雄州保定新城長官庚子復命統領水軍甲辰從大將軍察

罕軍至淮上遇宋將呂文德與戰俘五十餘人賞銀椀戰馬從攻

江陵略襄陽宋以舟師橫截漢水兵不得渡榮實戰却之獲人百

餘戰船數十艘察罕以聞賜錦袍及銀十五斤破宋軍於大湖賞

銀百兩己未從世祖南征駐陽羅渡宋軍橫截江水帝以榮實習

於水命居前列遂取輕舟率麾下水校鏖戰北岸獲宋大船二十

俘二百溺死不可勝計斬宋將呂文信元史中統元年以榮實從

南征多立功命為水軍萬戶兼領霸州民戶諸水軍將吏元史三

年李壇叛榮實從史天澤討平之賞金盃及銀二百五十兩馬一

匹命鎮膠西至元五年從丞相阿珠攻襄陽敗夏貴擒張順又攻



樊城俘其二將賞銀及弓矢鞍勒十一年增領新軍從丞相巴延南征榮實以所部先進鄂漢皆降論功授昭毅大將軍從阿爾哈雅攻岳州保定降宋將高世傑破沙洋新市降江陵以功加昭武大將軍偕元帥宋托合原作都台征江西隆興擒宋將密佑撫州降十三年授同知江西道宣慰使司事未旬日升鎮國上將軍福建道宣慰使進兵廣東破降韶州十四年改江東宣慰使行省參知政事帝以廣東餘黨未附命與右丞達春撫定之十五年入覲帝賜慰勞授湖北道宣慰使諸路水軍萬戶是年以疾卒年六十一子顏玉珪元史列傳玉保定人襲父職為懷遠大將軍諸路水軍萬戶至元十六年討吉安叛賊有功入朝賜金織文衣弓矢佩刀加輔國上將軍都元帥兼水軍萬戶鎮黃州繼奉旨與元帥唐古特改立蘄黃等路都

元帥府仍管領本道鎮守軍馬二十年廣東盜起遏絕占城糧運二十一年玉率兵討平之從參知政事頁特密實入朝賜金織文衣鞍勒弓刀會元帥罷命玉充保定水軍上萬戶二十二年鄱陽湖賊起詔徙水軍萬戶府於南康元史列傳會皇子鎮南王脫歡復征交趾二十四年九月王至思明州時玉與湖廣參政樊楫亦引兵同至萬劫江交兵險阻拒守元史類編二十累戰有功二十五年元史列傳三月將士多被疫不能進續資治通鑑一百八十八師還安南以兵迎戰元史列傳且戰且行日數十合賊據險發毒矢將士裹瘡以戰續資治通鑑一百八十八被傷過半為賊邀遮白藤江潮下舟膠賊大至力戰被創投水中為賊鈎執毒殺之元史類編杜瑛字文玉霸州信安人時昇子一統志長七尺美髭髯氣宇端肅元史類編三十三金季河朔擾亂瑛避地河南居緱氏山中讀書講學博



覽無所不窺永清周志金亡間關轉徙教授汾晉間元詩百家小傳聲聞漸著

登門受業者恆以百數相衛俗尚文雅由瑛始也中書鈺祜祿珪

原作粘開府於相以書幣延瑛待以賓師之禮永清周志瑛赴其聘後

遂家焉元史列傳是時草昧之初賦役刑罰除授官吏州郡皆得專之

瑛言兵荒之餘生民窮困宜緩刑薄賦修學養士鈺祜祿珪然之

憲宗九年世祖奉命南伐所至郡邑訪求人材永清周志至相召見問

計瑛從容對曰元史列傳王者不嗜殺人然後能一天下今宋閭弱奸

臣擅國習俗驕靡將卒恇怯所恃長江險耳誠選將任能禁暴戢

亂據有上游戈船東下一舉可定也蘇天爵文獻杜氏行狀帝悅曰儒者中

乃有此人乎欲留大用命從行以疾弗果元史列傳江南平詔徵之辭

不就左丞張文謙宣撫河北奏為懷孟彰德大名等路提舉學校

官又辭元詩百家小傳遺執政書其略曰先王之道不明異端邪說害之

也橫流奔放天理不絕如線今天子神聖俊乂輻輳言納計用先

王之禮樂教化興明修復維其時矣若夫簿書期會文法末節漢

唐猶不屑也執事者因陋就簡此焉是務良可惜哉夫言始者未必

善終今不能溯流求源明法正俗育材興化以拯數百千年之禍

僕恐後日之弊將有不可勝言者矣人或勉之仕則曰後世去古

雖遠而先王之所設施本末先後尤可考見故為政者莫先於復

古苟因習舊弊以求合乎先王之意不亦難乎吾又不能隨時俯

仰以赴機會將焉用仕元史列傳於是杜門謝客以修學著書為事所

著多明經術之意有春秋地理源委十卷語孟旁通八卷皇極引

用八卷皇極疑事四卷極學十卷永清周志律呂新厯禮樂雜志三十

卷元史列傳緱山集十卷元詩百家小傳其於律則究其始研其義長短清濁

周徑積實各以類分取經史之說以實之而折衷其是非其於厯



則謂造厯者皆從十一月甲子朔夜半冬至為厯元獨邵子以為天開於子取日甲月子星甲辰子為元會運世之數無朔無閏餘率以三百六十為歲而天地之盈虛百物之消長不能出乎其中矣論閉物開物則曰開於己閉於戊五天之中也六地之中也戊己月之中星也又分卦配之紀年金之大定庚寅交小過之初六國朝之甲寅三月二十有三日寅時交小過之九四多先儒所未發初鈕祜祿珪憐其貧與田千畝辭不受術者言其所居下有藏金家人欲發視輒止之後來居者果得黃金百斤其不苟取如此元史至元十一年卒遺命其子曰我死棺第置杜甫詩集一編題列傳其誌石云處士杜維山墓元詩百於是足矣永清周志天厯間贈資德大夫翰林學士上護軍追封魏郡公諡文獻元詩百家小傳張子良字漢臣涿州范陽人涿州吳志金末四方兵起所在募兵自保

子良率千餘人入燕薊間耕稼已絕元史遂聚州人阻水治舟筏取蒲魚自給食從者日眾子良部勒之就食東平宿壽間涿州吳志夏全劫其民出雞口李敏據州子良率麾下造敏敏欲害之走歸宿因以宿帥之眾奪全所劫老幼數萬以還全怒連徐邳之軍來攻子良與宿帥斫其營全失其軍符走死揚州時金受重圍於汴聲援盡絕有國用安者元史先名安用紅襖賊楊安李全餘黨也金史國用安傳圖以漣水之眾入援道阻游兵不能進子良與一偏將晝伏夜行得入汴達用安意金君臣以為自天降也曲賜勞來凡所欲皆如用安請因以徐宿授子良明年子良進米五百石於汴授榮祿大夫總管陝西東路兵馬仍治宿州當是時令已不行於陝而用安亦卒不得志徐宿之間民無食者出城拾糶穉以食子良嚴兵護之以防鈔掠猝遇敵子良被重傷乃率眾就食泗州泗守閱



兵將圖之子良與麾下十數人即軍中生縛其守民不欲北歸者  
欲走傍郡子良資以舟楫無敢掠其財物元史列傳歲戊戌以泗州西

城二十五縣軍民十萬八千餘口來歸太宗命為東路都總帥賜

金符累官大名路總管兼府尹卒涿州志年七十八贈昭勇大將軍

僉樞密院事上輕車都尉追封清河郡侯諡翼敏元史列傳自兵興以

來子良轉徙南北依之以全活者不可勝計子亨懋涿州志

懋字之美未弱冠已有父風侍子良官京東故懋領其眾中統元

年宣授泗州軍總把佩金符至元七年擢濟南諸路新軍千戶九

年從破襄樊有功十一年丞相巴延南征以懋勇鷲將弩前行凡

所遇山川道路險隘通梁筏平塹穿安營設伏出納奇計巴延信

用之擢為省都鎮撫水陸並進其任甚重元史列傳既滅宋涿州志北還

駐瓜洲巴延命懋往諭淮西夏貴副以兩介將騎士直趨合肥元史

列傳貴出迎懋示以逆順禍福辭旨雄厲貴受命涿州志上地圖降書

馳還報巴延大喜復令行徇鎮東安豐壽春懷遠淮安濠等州郡

皆下復使之徧諭列城軍民使知德意十三年懋馳驛至上都巴

延上其功宣授懋明威將軍泗州安撫司達魯噶齊元史列傳十四年

改安撫司為總管府置宣慰使以統之拜同知淮西道宣慰司事

十六年改授懷遠大將軍吉州路總管懋惡衣糲食率之以儉慎

刑平政處之以公新府治設義倉雖能吏不過也涿州志凡有所懲

治朝至夕報豪強竦然郡萬戶蘇良恃勢為暴為之翼者有十虎

之目懋盡誅之奪良虎符而黜之民大悅羣盜有率眾將白晝劫

城者懋聞之率從騎擣其穴縛其酋長以歸民之流亡與遠郡之

來歸者數千家相率為生祠以祀之十七年二月卒年六十三贈

昭勇大將軍龍興路總管上輕車都尉追封清河郡侯諡宣敏子



二人文煥以父蔭任承務郎江州路瑞昌縣尹文炳三汝河巡檢  
文煥子珪初爲高安縣尹有異政由是擢爲江西檢校拜南臺御  
史繼爲淮西江西二道廉訪僉事用能世其家云元史列傳

張巴圖原作昌平人至元辛未太祖南征巴圖率眾來附願爲前

驅遂留備宿衛從近臣呼圖克原作漢都虎西征回紇河西諸蕃道隴

蜀入洛屢戰流矢中頰不少卻帝聞而壯之賜名巴圖自是呼圖

克亦專任之金亡以呼圖克爲礮手諸色軍民人匠都元帥守真

定呼圖克卒無子以巴圖代之及呼圖克兄子沙克善原作瞻闕少長

巴圖請於朝歸政而終老焉統子孟古岱原作忙古台從憲宗攻蜀

釣魚苦竹山二壘冒犯矢石屢挫而不沮遂以勇敢聞中統元年

賜銀符預議礮手軍府事尋易金符爲行軍千戶從征襄樊有功

卒子世澤襲世澤從丞相巴延南征大小十餘戰皆有功又從平廣

西明年收瓊萬諸州拜宣武將軍行軍總管未幾遷副萬戶加明

威將軍從鎮南王托歡伐交趾既還及再舉將校舊嘗往者許留

恤之有托歡者當行適病不能起世澤曰吾祖父以武勇稱吾蒙

其餘澤荷國厚恩當輸忠王室增光前人豈可苟爲自安計耶力

請代之凱還人服其義云元史列傳

李德輝字仲實通州潞縣人一統志方五歲父且卒指德輝謂宋夫

人曰吾爲吏治獄不任悍鷙刻削人蒙吾力脫畧齒平民者眾天

或報施善人是兒其大我門者元名臣事略十三及卒德輝號慟如成人

適歲凶家儲粟纔五升其母春蓬稗炊藜藿而食之既就外傳嗜

讀書束於貧無以自資乃輟業年十六監酒豐州祿食充足甘旨

有餘則市筆札錄書夜誦不休已乃厭糟麴歎曰志士顧安此耶

仕不足以匡君福民隱不足以悅親善身天地之間人壽幾何惡



可無聞同腐草木也元史列傳乃謝絕所與遊少年求先生長者講學

以卒其業時世祖在潛藩用劉秉忠薦使侍裕宗讀癸丑憲宗封

宗親割京兆隸世祖潛藩擇廷臣能理財賦者俾調軍食立從宜

府以德輝為使時田哥宿兵利州扼四川衿喉以規進取元史列傳

史作汪世顯攷世顯以癸卯歲卒在癸丑之前十年姚燧撰李忠宣公行狀云時汪忠烈公宿兵利州忠烈乃田哥之諡非世顯也

今據數萬之師仰哺德輝乃募民入粟綿竹散錢幣給鹽券使歸

京兆受直陸挽興元水漕嘉陵二年而錢粟充棟於軍中蹙蜀之

本實張於斯元史列傳中統元年為燕京宣撫使燕多劇賊造偽

鈔結死黨殺人元史列傳悉捕誅之雖中書開府在燕令行禁止多不

上自由是忤時相意以誣去位元史列傳三年起為山西宣慰使

權勢之家籍民為奴者咸按而免之復業近千人至元元年罷宣

慰司授太原路總管元史列傳德輝愈益勤勵崇學校表孝節逐姦賊

裁婚葬敦耕桑立社倉一權度嚴鼓柝凡與民漸摩仁義者無弛

不張嘉禾瑞麥六出其境五年徵為右三部尚書人有訟財而失

其兄子者德輝曰何疑焉叔殺之也深究其獄所親信及權貴元史

臣事略為請者甚眾德輝不應罪狀既明請者乃慚服七年錄囚

山西河東行至懷仁民有魏氏發得木偶持告其妻挾左道為厭

勝謀不利於己移數獄詞皆具德輝察其冤知有愛妾疑妾所為

將搆陷其妻也召妾鞠之不移時而服遂杖其夫而論妾以死元史

列傳觀者神之皇子安西王鎮關中元史類編奏以德輝為輔元史

遂改安西王相至則視瀕涇營牧故地可得數千頃起廬舍疏溝

澮假牛種田具與貧民二千家屯田其中歲得粟麥芻藁萬計十

二年詔以王相撫蜀重慶猶城守朝廷各置行樞密院於東西川

元史合兵萬人圍重慶肆於擄掠軍政不一通鑑輯覽德輝至成

列傳



都兩府爭遣使咨受兵食方略德輝戒之曰宋已亡矣重慶以彈丸之地不降何歸正以公輩利其剽殺民不得有子女懼而不來耳嚮日兵未嘗戰中使奉璽書來赦公輩既不能正言明告使懼而叛去非玩寇而何況復相訾紛紛朝夕敗矣豈能成功哉德輝為書與合州張珩曰君之為臣不親於宋之子孫合州為州不大

於宋之天下珩不答德輝還王邸未至秦

元史列傳按元史載招張珩與招王立為一時事蓋全取行狀誤以追叙為十五年事耳招珩在

十三年招立在十五年珩已於重慶被禽矣今改

宋制置副使

張珩復取瀘涪州及圍兵以不和而潰珩乃遣將四出兵屢敗

通鑑十四年以德輝領西川行樞密院副使諸軍既發仍令德輝留

成都給軍食是年復瀘州十五年再圍重慶踰月拔之

元史既而列傳

合州遣李興張邵十二人訶事成都皆獲之釋不殺復為書縱歸

使諭其將王立立以夙與東川有深怨懼誅乃使使間行至成都

請降於德輝德輝從兵纔數百人赴之東府害其來皆曰公昔為書招珩誠亦極矣竟無功而還今立珩牙校也習狙詐不信特以計致公來使與吾爭垂成之功延命晷刻耳未必誠降德輝曰昔合以重慶存故力可以同惡今已孤絕窮而來歸亦其勢然吾非攘人之功者誠懼公等憤其後服誣以嘗抗蹕先朝利其剽奪而快心於屠城也吾為國活此民豈計汝嫌怨為哉即單舸濟江薄城下呼立出降安集其民而罷置其吏合人自立而下家繪事之川蜀平復以王相還邸十七年置行中書省以德輝為西安行省左丞

元史列傳

西南夷羅施鬼國既降復叛詔雲南湖廣四川合兵三萬人討之兵且壓境德輝適被命在播亟遣止使兵勿進別遣人趨鬼國使降酋長熟公名曰是活合州李公耶其言明信可恃即身至播州泣且告曰我屬百萬人微公來死且不降今得所歸蔑



有二矣

元名臣事略十一

德輝以其言上聞乃改鬼國為順元路以其酋

為宣撫使其後有以受鬼國馬千數譖德輝於朝者

元史上曰是

人朕所素知雖一羊不妄受甯有是事及薨蠻夷聞訃哭之甚哀

其私親為位而祭者動輒千百人合州安撫使王立衰經率吏民

拜哭聲震山谷為發百人護喪興元播州安撫使何彥清率其民

立廟祀之德輝天性孝悌事母愉色婉容自幼至貴能養志順色

未嘗稍失初權臣阿哈瑪特與德輝偕侍潛邸及當國用事未始

一至其門彼常卑恭求好拒之愈力其所守類此

名臣事略十一

卒年六

十三

元史列傳

張思忠字正言永清人也先世業農支屬蕃息百年同居人稱為

義門元兵南下思忠以良家子隸都元帥史天倪戲下以武幹見

稱天倪鎮真定以功監領左軍充唐山令及天澤襲兒職授鎮撫

千戶從天澤略地河南歸德守禦堅不可拔思忠鼓勇先士卒登

戎鎧鮮異大帥速不哥從眾中識之及賞犒以功讓所善轉戰密

之西山諸民避兵匿洞窟中元兵縱火燻逼思忠為言於主帥禁

之及移鎮入鄧凡百草創招流散復田廬治渠堰整屯戍咸措置

有方性仁慈人稱謂佛張鎮撫卒年六十一子程

永清周志

程幼岐嶷嘗與羣兒嬉里門神氣鎮定指顧羣兒如大官府見者

奇之及嗣父職從天澤治軍江淮軍府有疑獄久不決命程鞠之

一訊而定人多其明察天澤奏降銀符授都督府鎮撫至元五年

兵攻襄樊為上流破竹之舉程首建白戍議曰清澮於漢宜極據

要害築堡戍使過宋人不得沂流以據要害

永清周志

遂築圍城以逼

襄陽

通鑑輯覽九十三

程分兵當衝宋人為之氣奪時餉道不繼以程充

提舉糧漕使清水行崗阜間水淺石出難於綱運程築堰平水勢



造江軸車兼用陸運復設防戍絕去涂梗舟車通便軍餉不乏時  
議急取樊城程率先銳進旣登中流矢戰不輟以勞授行都鎮撫  
其職掌大概上承大帥方略指授諸將軍有所關白必因之上達  
訓練調遣巡羅等事皆所領治當時諸軍大小四十餘壁每翼鎮  
撫一員號曰接手日聽將令於都鎮撫其重如此十年春襄州降  
明年秋詔丞相巴延等水陸並進鄂渚渡江師次郢永清周志軍於城  
西時張世傑將兵屯郢在漢北以石爲城新郢在漢南橫鐵鉅鎖  
戰艦密植椿木水中夾以砲弩其要津皆施杙設攻具元軍襲城  
世傑力戰通鑑輯覽九十四軍不克前程按視對江堡北有枯河可三里  
許連接一湖湖匯與漢通因喜曰吾事濟矣遂拖舟由港中盡達  
於湖順流而東無復阻礙巴延大悅時大帥從偏裨百餘騎行視  
郢險會天大霧悞抵壁下宋兵潛出圍之數匝眾將相顧失色程

奮槩突擊殺數十人遂得解去因筵策曰郢據漢爲池東南又有

沙陽等城傍爲犄角若乘銳先破之則郢孤矣巴延用其議卒得

破夏貴兵於陽邏堡遂清江道元兵直下武昌皆其謀也尋以功

授宣武將軍宋相賈似道罄國力永清周志以精銳七萬人盡屬孫虎

臣於池州下流之丁家洲夏貴以戰艦二千五百艘橫亘江中通鑑

輯覽九十四欲與元兵鏖戰巴延命程督諸軍前陣程出入行間指授

方略一再合而宋兵敗績遂入建康丞相阿朮卽分兵趨瓜步回

擣維揚擇勇而有謀者偕往以程爲首選巴延惜不遣請權充萬

戶命未下俄以疾卒年三十有九永清周志

梁曾字貢父燕人少好學日記書數千言中統四年薦辟中書左

三都令史三轉爲中書省掾元史類編二十六至元十年用累考及格授

雲南諸路行省都事佩銀符久之升員外郎轉同知廣南西道左



右兩江宣撫司事明年除知南陽府唐鄧二屬州為襄陽府所奪  
曾按圖經稽國制以聞得復舊屬南陽在宋末為邊鄙桑柘未成  
而歲賦絲民甚苦之曾請折輸布民始稱便十七年朝廷以安南  
世子陳日烜不就徵選曾使其國召見賜二珠金虎符貂裘一襲  
進兵部尚書與禮部尚書柴椿偕行明年日烜遣其叔遺愛奉表  
從曾入冬十月己亥降詔封遺愛為安南國王賜幣帛遣歸二十  
一年除曾湖南宣慰司副使居三年以疾去二十九年改淮西宣  
慰司副使復以親老辭召至京師入見內殿有旨令曾再使安南  
授吏部尚書賜三珠金虎符襲衣乘馬弓矢器幣以禮部郎中陳  
孚為副元史列傳瀕行改官淮安路總管三十年正月至安南其國有  
三門元史類編陳日燇欲迎詔自旁門曾大怒曰奉詔不由中門是辱  
君命也貽書責之往復者三卒從中行續資治通鑑又責日燇親

出迎詔且講新朝尚右禮宣布天子威德而諷其主入朝日燇大  
感服遣國相陶子奇等從曾詣闕請罪元史類編並上萬壽頌金冊表  
章方物八月還京師元史列傳曾進所與日燇辨論書帝大悅解衣賜  
之令坐地上右丞阿里意不然帝怒曰梁曾兩使外國以口舌息  
兵戈爾何敢爾時有親王至自和琳帝命酌酒先賜曾謂親王曰  
汝所辦者汝事梁曾所辦者吾與汝之事汝勿以為後也續資治通鑑  
十一復於便殿賜酒饌留宿禁中語安南事至二鼓方出明日陶  
子奇等見詔陳其方物命曾引所獻象會以袖引之象隨曾轉如  
素馴者復命引他象亦然帝以曾為福人問曰汝亦懼否對曰雖  
懼君命不敢違也帝稱善元史類編或讒曾受安南賂遺帝以問曾曾  
曰安南以黃金器幣奇物遺臣臣不受以屬陶子奇帝曰受之亦  
何不可續資治通鑑尋賜白金一錠金幣二元史列傳勅中書以所賜



三珠金虎符與之乘傳之淮安任元史類編到官興學校勵風俗河南  
行省事有疑者皆委會議之元史列傳成宗大德初調杭州路復流民  
五萬二千餘戶且禁莫夜鞫囚游街酷刑著為令元史類編四年丁內  
艱先是丁憂之制未行會上言請如禮七年除潭州路總管以未  
終制不赴明年遷兩浙都轉運鹽使又明年拜雲南行省參知政  
事尋還京辭以母喪未葬扶柩北歸至長蘆有旨賜鈔一百錠使  
營葬十年詔為中書參議嘗預燕賜濟遜一襲十一年轉正奉大  
夫出為河南行省參知政事尋遷湖廣行省參知政事四年以疾  
辭歸勅賜藥物存問備至皇慶元年仁宗以會前朝舊臣復起為  
集賢侍講學士國有大政必命會與諸老議之延祐元年奉詔代  
祀中岳等神還至汴梁以疾不復職寓居淮南杜門不通賓客惟  
日以書史自娛至治二年卒年八十一卒之前十日有大星隕於

所居流光燭地人皆異之

元史列傳

王利用字國賓通州潞縣人幼穎悟弱冠與魏初同學遂齊名諸  
名公文口稱譽之初事世祖於潛邸中書辟為掾辭不就中統初  
命監鑄百司印章歷太府內藏官出為山東經畧司詳議官遷北  
京鄂囉同知歷安肅汝蠡趙四州知州入拜監察御史薊州有禁  
地民不得射獵其中邏者誣州民冒禁籍其家利用糾之邏者訴  
於上利用辯愈力得以所没人悉歸之民元史列傳世祖卽位擢翰林  
侍制兼興文署奉旨程試上都隆興等路儒士升直學士與耶律  
鑄同修實錄元史類編二十二出為河東陝西燕南四川提刑按察使四  
川土豪有持官府長短者問得其實而當以罪民賴以安都元帥  
塔海抑巫山縣民數百口為奴民屢訴不決利用承檄覈問盡出  
為民大德二年改安西興元兩路總管其在興元減職田租額站



戶之役於他郡者悉除之民甚便焉有婦毒殺其夫問藥所從來  
吏教婦指為富商所貨獄上利用曰家富而貨毒藥豈人情哉訛  
之果寃元史列傳未幾致仕居漢中成宗初起為太子賓客疏上十七  
事曰謹畏天戒取法祖宗孝事母后敬奉至尊撫愛百姓敦本抑  
末清心聽政寡欲養身酒宜節飲財宜節用有功必賞有罪必罰  
杜絕讒言求納直諫官職量材而授工役相時而動俾近侍時赴  
經筵講讀經史帝及太子皆嘉納皇后聞之命錄別本以進元史類編  
利用以老病不能朝帝遣醫診視之利用謂弟利貞利亨曰吾受  
國厚恩愧不能報死生有命藥不能為也遂卒年七十七利用每  
自言平生讀書於恕字有得廉希憲當時名相簡重慎許可嘗語  
人曰方今文章政事兼備者王國賓其人也武宗即位以宮僚舊  
臣制贈榮祿大夫柱國中書平章政事封潞國公諡文貞元史列傳

張九思字子有燕宛平人父滋薊州節度使元史列傳世祖至元二年

元史類編十三九思入備宿衛元史列傳裕皇居東宮一見奇之以父蔭當補

外特留不遣江南平以宋庫藏金頒賜東宮置都總管府以主之

元史類編九思以工部尚書兼府事十九年世祖巡幸上都皇太子從

丞相阿哈瑪特留守妖僧高和尚千戶王著等謀殺之夜聚數百

人來儀衛稱太子入健德門直趨東宮元史列傳徵張易兵通鑑輯覽傳令

啟關甚遽九思適值宿宮中命主者勿得擅啟關賊知不可給循

垣趨南門外擊殺丞相阿哈瑪特左丞郝禎九思審其詐大呼曰

此賊也叱衛士急捕之元史列傳著就擒易并坐當易之見誅也刑官

論以從亂當傳首四方元史類編九思曰易應變不審則有之坐以與

謀則過矣乞免傳首從之通鑑輯覽九思討賊時右衛指揮使顏進在

行中流矢卒怨家誤為賊黨將籍其孥九思力辯之得不坐是年



冬立詹事院以九思爲丞

元史列傳

行臺治書侍御史王惲進承華事

略二十篇太子覽之至邢峙止齊太子食邪蒿顧侍臣曰一菜之

名遽能邪人耶九思曰正臣防微理固當然太子善其說令諸子

傳觀其書

續資治通鑑一百八十七

二十二年皇太子薨朝議欲罷詹事院九

思抗言曰皇孫宗社人心所屬詹事正所以輔成道德者也何罷

之眾以爲允

元史列傳

三十一年春正月世祖崩御史中丞崔彧得傳

國璽獻之辨其文曰受命於天既壽永昌此歷代傳國璽也太妃

出以徧示羣臣丞相以下次第上壽慶曰此乃天意屬於皇太孫

也乃遣九思齋授之

續資治通鑑一百八十七

成宗嗣位改詹事院爲徽政以

九思爲副使十一月進資德大夫中書左丞會修世祖裕宗實錄

命九思兼領史事大德二年拜榮祿大夫中書平章政事五年加

大司徒六年進階光祿大夫薨年六十一

元史列傳

盧摯字處道一字莘老號疎齋涿人

涿州吳志

至元五年進士博洽有

文思累遷少中大夫河南路總管真人吳全節代祀嶽瀆過洛陽

嘉其治行力薦之大德初授集賢學士大中大夫出持憲湖南遷

江東廉訪使復入爲翰林學士遷承旨卒元初中州文獻

元詩百家小傳

推能文辭有風致者曰姚盧蓋謂姚燧及摯也

涿州吳志

稱能詩者以

摯爲首有疎齋集亦善書

元史類編三十五

錢唐張雨謂疎齋集據官本

讀之一過生風凜然趙郡蘇天爵曰國家平定中原士踵金宋餘

習率皆麤豪衰茶涿郡盧公始以清新飄逸爲之倡臨川吳澄曰

涿郡盧學士所作古詩類晉人清言古文出入盤詰中字字土盆

瓦缶而倏有三代虎雌瑚璉之器見者莫不改視

元詩百家小傳

其文章

宗旨一篇人所傳誦

春明夢餘錄

與臨川之論相合云

元詩百家小傳

尚文字周卿世爲邠州深澤人後徙保定遂占籍焉文幼穎悟張



文謙宣撫河東參政王椅薦其才遂辟掌書記未幾西夏行中書省復辟之至元六年始立朝儀太保劉秉忠言於世祖詔文與諸儒採唐開元禮及近代禮儀之可行於今者斟酌損益凡文武儀仗服色差等皆文掌焉七年春二月朝儀成百官肄習帝臨觀之大悅遂爲定制冬十一月立侍儀司擢右直侍儀使轉司農都事十七年出守輝州時河朔大旱輝獨以禱得雨境內大稔懷孟民馬氏宋氏誣伏殺人積歲獄不能決提刑使者命文讞以論報文推迹究情得獄吏獄卒羅織狀兩獄皆釋十九年進戶部郎中奏罷懷衛竹稅提舉司民便之二十二年除御史臺都事行臺御史上封事言上春秋高宜禪位皇太子太子聞之懼中臺祕其章不發塔奇呼阿薩爾等知之請收內外百司吏案大索天下埋沒錢糧而實欲發其事乃拘封御史臺吏案文拘留祕章不與塔奇呼

聞于帝命宗正色徹肯取其章文曰事急矣卽白御史大夫曰是欲上危太子下陷大臣流毒天下之民其謀至奸也且塔奇呼乃阿哈瑪特餘黨賊罪狼籍宜先發以奪其謀大夫遂與丞相議卽入言狀帝怒曰汝等無罪耶丞相進曰臣等無所逃罪但此輩名載刑書此舉動搖人心宜選重臣爲之長庶靖紛擾帝怒稍解可其奏旣而塔奇呼受人金與其黨竟坐姦賊論死其機實自文發之升大司農丞轉少卿遷吏部侍郎改江南湖北道肅政廉訪使三十一年召爲刑部尙書元貞初拜中臺侍御史時行臺御史及浙西憲司劾江浙行省平章不法者十七事制遣文往詰之左驗明著猶力爭不服文以上聞平章乃言御史違制取會防鎮軍數成宗命省臺大臣雜議咸曰平章勲臣之後所犯者輕事宜宥御史取會軍數法當死文抗言平章罪狀明白不受簿責無人臣禮



其罪非輕御史糾事之官因兵卒爭愬責其帥如舊均役情無害法卽有罪亦輕廷辯數四與省臺入奏帝意始悟平章御史各杖遣之其守正不阿類如此元貞二年建言治平之世不宜數赦不急之役宜且停罷咸爲成宗所嘉納授河北河南肅政廉訪使大德元年河決蒲口臺檄令文按視防河之策文建言長河萬里西來其勢湍猛至孟津而下地平土疏移徙不常失禹故道爲中國患不知幾千百年矣自古治河處得其當則用力少而患遲事失其宜則用力多而患速此不易之定論也今陳留抵睢東西百有餘里南岸舊河口十一已塞者二自涸者六通川者三岸高於水計六七尺或四五尺北岸故堤其水比田高三四尺或高下等大槩南高於北約八九尺堤安得不壞水安得不北也蒲口今決有千餘步迅疾東行得河舊瀆行二百里至歸德橫堤之下復合正

流或強湮遏上決下潰功不可成揆今之計河北郡縣順水之性遠築長垣以禦泛濫歸德徐邳民避衝潰聽從安便被患之家宜於河南退灘地內給付頃畝以爲永業異時河決他所者亦如之信能行此亦一時救患之良策也蒲口不塞便朝廷從之會河朔郡縣及山東憲部爭言不塞則河北桑田盡爲魚鱉之區塞之便帝復從之明年蒲口復決塞河之役無歲無之是後水北入復河故道竟如文言三年調山東憲使歷行省參知政事行御史臺中丞七年召拜資善大夫中書左丞制西饑發廩不足募民入粟補官以賑之山東歲凶盜賊竊發出鈔八百五十餘萬貫以弭之選十道使者奏請巡行天下問民疾苦又奏斥罷南方白雲宗與民均事賦役西域賈人有奉珍寶進售者價六十萬錠省臣平章顧謂文曰此所謂雅庫特原作押忽大珠也六十萬酬之不爲過矣一坐



傳玩文問何所用之平章曰含之可不渴熨面可使目有光文曰  
一人含之千萬人不渴則誠寶也若一寶止濟一人則用已微矣  
吾之所謂寶者米粟是也一日不食則饑三日不食則疾七日則  
死有則百姓安無則天下亂以功用較之豈不愈於彼乎平章固  
請觀之文竟不爲動年六十九因疾告老而歸十年拜昭文館大  
學士中書左丞商議中書省事召不起武宗仁宗之世屢延致訪  
以國事賜燕及金帛有加進階自光祿大夫轉銀青榮祿大夫仍  
中書左丞丐還田里延祐六年拜太子詹事使三往乃起仁宗命  
盡言以教太子待以殊禮泰定三年以中書平章政事致仕明年  
卒于家年九十二

元史  
列傳

郝元良字景文霸州信安人也少俊偉慷慨能國語給事裕皇邸  
以才知名博通古今經事之學稽考先王宗廟朝廷疑識旁及百

家之書至元二十年擢揚州路治中二十二年遷同知淮南道宣  
慰司事又遷江淮等處財賦總管江淮吏牘有令察司不按劾元  
良受命陞辭懇請許察司按劾財賦吏牘然後臣敢行詔獎諭而  
從之未幾丁母憂扶柩歸葬斬衰哭泣居墓廬毀過常制近臣以  
聞朝廷遣使賜食品憫勞焉服除會兩淮鹽法壞馬祖常郝兩淮  
公墓誌銘之鹽自至元十四年勅立當時鹽課未有定額但從實恢辦自後  
累增至六十五萬七十五引客人買引自行赴場支鹽場官逼勒  
竈戶加其斛面以通鹽商壞亂鹽法元史食  
貨志吏因緣大賈爲奸田  
畝單弱操錢售不得食鹽益翔貴州縣上狀詔元良行戶部尙書  
乘傳往治既至督淮南轉運司漕輓廩益之在鹽官者輸倉氏主  
之閱其書之次以爲先後販者不得賄吏破其囊橐均利於眾大  
德八年正授工部尙書至大元年拜中書參知政事二年遷尙書



參知政事階榮光祿大夫固辭不允乃就職歲餘以疾力辭杜門  
家居後尙書省臣果有罪伏辜愈以能退自喜獨雍容灌園種樹  
無資則持器物鬻之屬延祐初元命中書卽家起爲大司農卿又  
以病免上以侍醫視藥存問元良雖病猶以國事憂而其言語未  
嘗及其私也卒年六十二

郝公墓誌銘

王伯勝霸州文安人兄伯順給事內廷爲世祖所親幸因以伯勝  
入見命使宿衛時伯勝年十一廣頰巨鼻狀貌屹然帝顧謂伯順  
曰此兒當勝卿可名伯勝

元史列傳

帝嘗沃盥水温冷適當問誰進者

內侍以伯勝對帝曰此兒他日必知爲政達人情矣

元史類編二十六

至元二十五年從征納延以功授朝列大夫拱衛直都指揮使

元史列傳

初拱衛直隸教坊市井無賴往往竄名衛卒伯勝盡募良家子易  
之

元史類編

大德五年八月上都天久雨夜聞城西北有聲如戰鼓伯

勝率衛卒出視之乃大水暴至伯勝立具畚鍤集土石墮蜀以塞

門分決壕隍以殺其勢至旦始定而民弗知丞相諤勒哲以聞帝

嘉之

續資治通鑑一百九十四

以待成宗疾忤安西王出爲大甯路總管伯順

亦出爲梁王傅武宗卽位召拜大都留守兼少府監先是大都土

城歲必衣葦以禦雨日久土益堅勞費益甚伯勝至悉奏罷之

元史

類仁宗立正百官品秩降授資德大夫尋復升榮祿大夫拜遼陽

等處行中書省平章政事

元史列傳

省治懿州州俗敝陋民不知學伯

勝卽增郡學弟子員擇名師以教育之

元史類編

使客至無所舍皆館

於民民苦之伯勝乃擇隙地爲館廡

元史列傳

度閒田百頃募民耕種

以給廩餼歲大旱齋戒以禱禱畢旣雨人謂之平章雨延祐二年

仍爲大都留守遼陽民具狀不得請相與涕泣而去

元史類編

三年特

授銀青榮祿大夫至治二年賜金虎符授武衛親軍都指揮使兼



大都屯田事仍大都留守奉詔監修文武樓榭咸甯殿建太廟泰  
定三年冬元史以勞卒於位類編賜翊忠宣力保惠功臣太保金

紫光祿大夫上柱國追封薊國公謚忠敏長子恪初名安圖累官

至兵部尚書南臺治書侍御史僉宣徽院事次瑪爾以宣武將軍

襲武衛親軍都指揮使元史

張伯用字春和文安人赴人之急如恐不及父病不差乃默禱於

天誓代其死夜夢神賜藥以痊梁仲友等狀其事以聞太醫院大

卿王伯順入奏世祖十一月乙亥並次子召見上問其齒對六十

有二問濟民今經幾載對祖考以來幾百年矣上以張氏以慈救

苦顧謂中書右丞相完澤曰以好人目之汝等皆若此天下民無

饑困矣賜之錢若干伯用以無功竟不受賜食殿中仍賜御衣一

領乙卯冬復賜坐於百僚之上大陳樂隊使觀之因問農桑事歷

對甚悉上嘉其樸質及出自送之三十年春駕幸上都六月敕中

書平章政事梁俺都剌就賜雲南所貢玉仙人於其家十月後賜

錢二千五百緡辭其半受之大德九年卒先期自云吾明日逝矣

因置酒徧嘗親舊為訣遺戒子孫曰祖宗積德久矣迨我蒙國寵

自慚過分若等孜孜為善不墜前功余瞑目地下以遠近負欠文

券五千餘緡悉焚之文安

楊志

王倚字輔臣父永福金末避地徙燕為宛平著姓富雄閭里倚為

人孝友樂易重然諾與人交不苟合讀書務躬行不專事章句世

祖選良家子入侍東宮時倚年弱冠在眾中儀觀獨偉太保劉秉

忠深器重之卽以充選倚服勤守恪遂見信任有詔皇太子裁決

天下事凡時政所急民瘼所係倚知無不言是時官職未備而湯

沐分邑地廣事繁當有統屬乃拜倚工部尚書行本位下隨路民



匠都總管至元二十一年詔立東宮官屬以倚爲家丞又置儲用  
司掌貨幣出納令倚兼之後以疾辭職仍給太子家丞祿以優養  
之倚上言不事事而苟竊祿食臣心誠所未安不許力辭再四方  
許之二十六年皇孫出鎮懷孟帝爲選老成練達舊臣護之乃以  
屬倚陛辭帝目之良久謂侍臣曰倚修潔人也左右皇孫得人矣  
及行營幕所在軍政肅然未幾召還二十八年授禮部尙書以疾  
辭明年卒年五十三贈正議大夫禮部尙書追封太原郡侯諡忠

肅元史  
列傳

郭貫字安道保定人才行見推由中書掾調濟南路經歷世祖  
至元二十七年拜監察御史承詔分江北沿淮草地劾淮西宣慰  
使昂吉爾原作兒父子專權久不遷調蠹政害民狀不報又言近見  
江淮無知諸人多有發掘父祖墳墓將地改售於人者止圖利己

莫恤祖宗往往聽信野師妄以風水誑惑曰某山強則某支富某  
水弱則某支貧或曰茲山無鼎鼐之形安得出一品之貴茲山無  
倉庫之象安得致千金之富於是有一墓而屢遷不已者有子孫  
不肖不能固守從而墮師巫之術但知多取錢鈔忍於拋掘者甚  
有豪富之家貪信風水不惜金錢誘之遷移轉買者更有圖殉葬  
之金銀破祖宗之棺槨并投骸骨於水火者當今世風澆薄爲人  
後者不務勤儉破浪財產及至貧乏不自咎責反謂先塋風水不  
利所致以致輕發祖先塋地高價貨賣不仁不孝情罪非輕若非  
明定嚴刑竊恐愚民沿襲視爲泛常嗣後移棄屍骸不爲祭祀者  
合同惡逆定罪買地人知情者減二等科斷元價沒官野師並行  
責逐庶令嚴而民不敢犯刑曹是其言著爲令元史類編  
二十三年三十年  
僉湖南肅政廉訪司事大德初遷湖北道元史  
列傳調雲南軍征八百



媳婦貫言今四省軍馬以數萬計征八百媳婦國深入煙瘴萬里  
不毛之地無益於國不聽續資治通鑑一百九十四五年遷江西道賑恤饑民

有惠政入為御史臺都事八年遷集賢待制進翰林直學士奉詔

與遼陽行省平章政事博斯呼原作別速合徹爾特穆爾往鎮高麗十

一年召為河東廉訪副使至大二年元史列傳仁宗幸五臺山貫進見

問廉訪使穆爾濟達原作滅里吉歹何以有善政左右曰皆副使郭貫之

教也元史類編因賜貫瑪瑙數珠金織文幣召拜治書侍御史帝親書

其官階以授有司皇慶元年改侍御史明年出為淮西廉訪使建

言宜置常平倉考校各路農事延祐二年召拜中書參知政事明

年升右丞加集賢大學士五年除太子詹事貫言皇太子受金寶

已三年宜行冊禮又輔導之官早宜選置從之六年加太子賓客

謁告還家至治元年復起為集賢大學士尋致仕泰定元年遷翰

林學士承旨不起至順二年以疾卒年八十二追封蔡國公謚文

憲貫博學精篆籀當世冊寶碑額多出其手元史列傳

鮮于樞字伯機漁陽郡人四庫全書提要一百二十二能詩文尤精書翰蘇州沈志

至元間以材選為浙東宣慰司經歷改江浙行省郡事每晨出則

載筆櫝與其長廷爭是非一語不合輒欲去漁獵山澤間而後快

軒騎所過父老環聚指目曰此我鮮于公也及日晏歸焚香弄翰

取數十百年古鼎彝器陳諸堦除按挾斷文廢欵若明日急有所

須而為之者元詩百名家小傳面帶河朔偉氣每酒酣驚放吟詩作字元史類編

三十奇態橫生趙孟頫極推重之書史會要見者以為世外奇崛不凡

人也公卿以詞翰屢薦入館閣不果用遷太常典簿晚年閉門謝

客營一室名曰困學之齋自號困學民又號直寄老人元詩百名家小傳嘗

於廢圃得怪松一株移置屋前呼為支離叟日夕與之相對所著



詩文名困學齋集元史類編虞集嘗云大德延祐間翰墨在漁陽巴西

兩地謂鮮于樞趙孟頫鄧文原也元史類編大德六年卒子去矜

孫端皆以能書名元史類編

梁德珪字伯温續資治通鑑云良鄉人一統志年十一元史類編給事

昭睿順聖皇后宮令習國語通奏對元史類編由中書左司郎中六遷

至參議尚書省事執政入奏事帝詢其本末不能對德珪從旁辯

析曉暢帝大悅拜參知政事是歲至元三十一年也在省久元史類編

凡錢穀出納銓選進退諸簿賜予或上命驟至不暇閱簡牘同列

莫知所對德珪從容數語即定元史類編間遇疑事則曰某事當如某

律某年嘗有此旨驗之皆然一統志京師地震世祖怪州郡報囚之

數過多德珪曰當國者急於徵索蔓收延繫以致此爾帝悟為赦

中外逋負民賴以蘇元史類傳大德元年為中書左丞二年為中書平

章政事續資治通鑑二百九十三務以安靜輔治求進者不得逞由是朋聚興

怨欲搆事中傷之元史類編初朱清張瑄以金帛賂貴近事敗御史杜

肯構等言旺札勒等與二人交通宜罪之通鑑輯覽與巴延巴特

瑪琳沁迭同罷明年復位元史類編杜肯構言巴延等樹黨受賂謫戍

遠方道路相慶方今數月遽聞召復相位又與原鞫者列坐朝堂

天下之人目巴延梁德珪巴特瑪琳沁為三凶三凶不誅無以謝

天下乞將羣凶或斥或誅明正其罪前後章數十上皆不報通鑑輯覽

德珪以位居執政不受凌轢慷慨引咎遂安置湖廣帝疾愈問知

之召使復位既至帝問卿安在德珪涕泣不能語賜酒饌使往拜

其母因以氣疾乞骸骨歸大德八年九月卒於家年四十有六元史

列傳郝彬字景文霸州信安人一統志年十六充太子宿衛擢揚州路治



中宋末鄞縣賊顧閏聚眾海島時出攻剽宋羈縻以官內附後益橫侵揚州境彬討擒之泰興人有被殺二年而盜不獲者吏捕平人獄已具彬疑其誣讞之果得真盜御史薦彬同知淮西宣慰司事覈戶版理屯田諸廢修舉江淮財賦總管府掌東宮田賦其官屬皆從詹事院奏授不隸中書往往為姦利誅求無厭彬為總管入見請受憲司糾察以革私弊並請罷所隸六提舉司以蘇民累帝從之遂罷其四元代經費按元史稱國家經費此承用當時狀志失改正也鹽利居十之八而兩淮鹽獨當天下之半元史列傳法久寢壞以彬行戶部尙書赴淮經理彬度舟楫所通道里所均建六倉煮鹽於場運積之倉歲首聽羣商於轉運司探倉籌定其所乃買券又定河南江南市易之法著為令入為戶部尙書拜中書參知政事元史類編二十六同列務生事要功殺無罪之人彬積誠意開引橫不可制遂稱疾堅臥

一榻至數月尙書省臣皆得罪彬不與焉唐志七十一俄免歸元史類編

家居七年足跡未嘗一出門外仁宗思之以為大司農卿未幾謝病延祐七年三月卒元史列傳

曹鑑字克明宛平志號以齋宛平人陶宗儀輟耕錄七穎悟過人元史列傳弱冠

南遊具通五經大義大德中用學士郝彬薦為淮海書院山長南臺中丞廉恆辟為掾史除興文署伴送安南使者歸國途中問難

倡和應答如響使者歎服以為中國有人元史類編三十五至治二年授

江浙行省左右司員外郎明年奉旨括釋氏白雲宗田稽檢有方不數月而事集纖毫無擾泰定口年元史列傳七按泰遷湖廣行

省左右司員外郎鑑遇事不避權貴湖北廉訪司舉鑑宜居風紀

不報宛平志天歷元年調江浙財賦府副總管屬淮浙大水民以蓄

告鑑損其賦什六七勢家因而詭免者鑑覈實諭令首輸元統二



年升同僉太常禮儀院鑑習典故達今古凡禮樂度數名物罔不周知因集議明宗皇后祔廟事援禮據經辯析詳明君子多之至元元年升禮部尚書卒年六十五追封譙郡侯諡文穆鑑天性純孝親族貧乏者周卹恐後厯官二十餘年僦屋以居歿之日家無餘費元史列傳蓄書數千卷皆手自較定為詩賦尚騷雅作文法西京每篇成學者爭相傳誦有文集若干卷嘗自浙調湖廣員外有故掾顧淵伯元史類編按輟耕錄作主簿顧淵白致書問訊且以辰砂一包見寄未及啓封漫爾置篋笥中後有憲官過訪因論製藥為苦無好辰砂鑑曰我一故人嘗以此為惠當奉送及取視乃有砂金三兩雜其內公驚歎曰淵伯以我為何如人也時淵伯已歿呼其子歸之其廉慎如此陶宗儀輟耕錄七

吳鼎字鼎臣燕人初入東宮為宿衛尋授織染雜造局副總管後

積官至禮部尚書宣徽副使大德十一年山東饑命鼎往賑朝議發米四萬石不給則以鈔折之鼎曰民得鈔將何從易米同使者曰議已定恐不可更鼎曰人命豈不重於米耶言於朝易米以行元史類編二十六至大元年改正奉大夫保定路總管時皇太后欲幸五臺言者請開保定西五迴嶺以取捷徑遣使即鼎使視地形計工費鼎言荒山斗入人跡久絕非乘輿所宜往還報太后喜為寢其役元史列傳授同知中政院事兩浙財賦隸中政者鉅萬計前徵者率多取贏鼎治之一無私海漕萬戶朱清張瑄多貸與民錢元史類編後兩家誅沒而券之已償者亦入於官官唯驗券徵理民不能堪鼎力為辯白始獲免四年改京畿漕運使皇慶二年特旨復知宣徽院事四月進資政大夫崇祥院使延祐三年卒年五十有五增榮祿大夫平章政事柱國追封薊國公諡孝敏元史列傳



劉德温字純甫大興人起家中書省宣使大德十一年以年勞授

內司照磨監建興聖宮調掌儀署令改內宰司丞奉中旨徵河南

民逋糧德温輒平其價令輸鈔以償民甚稱便轉延福司丞奉旨

代祀嶽瀆元史類編二十七比還遷同知大都路都總管府事輦轂之下

供億浩繁德温措置有法民用不擾元史列傳累遷同知上都留守司

事宛平王志省檄和糴糧民以價不時得遞相觀望德温下令曰糧入

價出吏有敢為姦者罪加等於是糧不踰期而集元史類編轉大司農

丞耕藉之儀取具一時德温欲考訂典禮集為成書未畢元史列傳俄

授永平路總管永平當天厯兵革之餘野無居民德温為政一年

而戶口增倉廩實遂興學校以育人材庶事畢舉歲大旱禱而雨

歲以不歉元史類編灤滌二水為害有司歲發民築堤德温曰流亡始

集而又役之是重困民也遂罷其役而水亦不復至元史列傳有豪民

武斷鄉里前吏莫敢治德温按得其罪論如法書其過於門永平

古孤竹國也元史類編前立廟祀伯夷叔齊而祀禮未備德温請命有

司春秋具牢禮致祭從之遂著為令賜廟額曰聖清士論韙之宛平

志至順間卒年六十九贈正議大夫禮部尚書上輕車都尉彭城

郡侯謚清惠元史列傳

趙師魯字希顏霸州文安人父趾秘書少監師魯為人風采端莊

在太學力學如寒士延祐初為興文署丞遷將作院照磨辟為御

史臺掾後補中書省掾於朝廷典章故實律令文法無不練習臨

事明敏果斷執政奇之元史列傳及典銓選人服其公畿輔唐志七十一工部

主事遷中書省檢校官咸著能名泰定中拜監察御史元史列傳以大

禮未舉言天子親祀郊廟所以通精誠迎福釐生烝民阜萬物百

王不易之禮也宜講求故事對越以格純嘏帝曰朕遵世祖舊制



其令大臣攝之

通鑑輯覽九十七

元夕令出禁中命有司張燈山為樂師

魯上言燕安怠惰肇荒淫之基奇巧珍玩發奢侈之端觀燈事雖

微而縱耳目之欲則上累日月之明疏聞遽命罷之賜酒一上尊

且命傳旨以嘉忠直

元史列傳

是時宰相倒刺沙密專命令不使中外

預知師魯又言古之人君將有言也必先慮之於心咨之於眾決

之於故老大臣然後斷然行之渙若汗不可反未有獨出柄臣之

意不咨眾謀者也不報有朝士年未及致仕其子請預廢其官執

政欲從之地師魯駁其非是遂止

元史類編

遷樞密院都事改本院經

歷致和初升奉政大夫參議樞密院事天歷中遷樞密判官改兵

部侍郎丁父憂特旨趣為同僉樞密院事固辭不就服除復為樞

密判官

元史列傳

持節治四川軍宣上威德法士卒懷其恩信

元史類編未

幾遷刑部侍郎樞密院判官久之出為河間路轉運鹽使除害興

利法度修飭商人便之歲課遂大增

元史列傳

暇日率僚吏新孔子廟

命往江右製雅樂聘工師春秋釋奠士論稱之以疾篤棄官歸京

師

元史類編

至元三年九月卒年五十有三贈嘉議大夫禮部尚書天

水郡侯諡文清

元史列傳

宋本字誠夫大都人自成童好聚經史日夜句探字索必通貫乃

已嘗從父禎官江陵父清慎自持饘粥恆不給

元史類編二十二

本材氣

強毅不隨世俯仰

元史列傳

就王奎文講明性命義理之學造詣日

深

元史類編

善為古文其文峻潔刻厲多微辭每歎近世文體骫

骹為不足尚務為高古以勝之始以詩歌擅名及聞貢舉詔下復

習經義策問

元史列傳

年四十始還燕至治元年廷策天下士本居

第一授翰林修撰泰定元年春改監察御史首言南坡之變逆首

雖誅其黨僅竄嶺南乞正天罰盜竊仁宗金主本言在法民間失



盜捕違期不獲猶治罪太常失典守及在京應捕官皆當罷又言  
中書宰輔日趨禁中固寵苟安兼旬不至中堂壅滯機務乞戒飭  
臣僚自非入宿衛日必詣所署治事又言太尉司空之職濫假僧  
人及會福殊祥二院並辱名爵請罷之皆不報元史類編踰月調國子  
監丞夏烈風地震有旨集百官雜議弭災之道時宿衛士自北方  
來者羣相剽劫殺人桓州道中既逮捕舒瑪爾節奏釋之蒙古干  
戶使京師宿邸中適民朱甲妻女車過邸門悅之并從者奪以入  
朱泣訴於中書舒瑪爾節庇不問本適與議本復抗言特克實餘  
黨未誅仁廟神主盜未得桓州盜未治朱甲寃未伸刑政失度民  
憤天怨災異之見職此之由辭氣激奮眾皆聳聽冬移兵部員外  
郎二年轉中書左司都事會議招撫溪洞民故將李牢山之子嘗  
從諸王帥兵征鬱林州徭民道納妾留不進兵敗歸樞密副使王

布琳濟達言李平猺有功當遷官本言李棄軍娶妾逗撓軍期宜

亟寘諸法况可官邪王色沮乃不敢言舒瑪爾節死左相丞都爾

蘇當國得君元史列傳以私意欲因赦而酬累朝賈胡獻寶之直且復

英廟至今奪官者一日自禁中來僚佐出詔藁以星孛地震赦天

下本讀竟曰今天警災異而畏獻物未酬直者憤怨此細故形諸

王言必貽笑天下司憲褫有罪者官世祖成憲也今擢用之是廢

成憲而反汗前詔也後復有邪佞賊穢者將治之邪置不問邪宣

詔畢遂稱疾不出元史類編四年遷禮部郎中天歷元年冬陞吏部侍

郎二年改禮部至順元年累進奎章閣學士院供奉學士二年擢

禮部尚書元百家詩小傳三年冬甯宗崩順帝未至皇太后在興聖宮正

旦議循故事行朝賀禮本言宜上表興聖宮廢大明殿朝賀眾是

而從之元統六年兼進奎章閣學士院承制學士二年轉集賢直



學士兼國子監祭酒經筵官卒年五十四元史本以扶植斯文自

任知貢舉取進士滿百人充讀卷官增第一甲為三人元史類編父官

南中賣宅以去本未弱冠即聚徒以養親歷仕通顯猶僦屋以居

及卒非賻贈幾不能給棺斂執紼者近二千人皆縉紳大夫門生

故吏及國子諸生時人榮之木所著有至治集四十卷行世元史列傳

制贈翰林直學士范陽郡侯謚正獻弟元史詩百家小傳

裴字顯夫登泰定元年進士第元史列傳除祕書監校書郎安南使者

朝貢歸選充館伴使改翰林國史院編修遷翰林修撰至元初擢

監察御史出僉山南廉訪司事改陝西行臺都事月餘召拜翰林

待制遷國子司業與修宋遼金三史拜翰林直學士尋兼經筵講

官裴自少敏悟出語驚人延祐中挾其所作詩歌從兄入京師詣

清河元明善濟南張養浩東平蔡文淵王士熙方以文章顯於朝

爭慰薦之至治辛酉本登進士第一後三年而裴亦擢第出於曹

允用虞集李木魯翀之門士論榮之所著有燕石集若干卷歐陽

元謂其詩務去陳言雖大隄之謠出塞之曲時或馳騁乎江文通

劉越石之間而燕人凌雲不羈之氣慷慨赴節之音一轉而為清

新秀偉之作蘇伯修亦謂其詩清新飄逸間出奇古若盧仝李賀

之流益喜其詞以模擬之元史詩百家小傳裴為監察御史時於朝廷政事

多所建明其文學與本齊名人稱之曰二宋云元史列傳卒年五十三

贈國子監祭酒范陽郡侯謚文清元史詩百家小傳

賈璧字國器號樂善永清人治家善封殖力課耕作至治時大疫

居民日有死亡璧乃施藥救人多全活者已而兵警剽掠邨間人

情洶洶皆思匿避璧以足疾不能動履惟闔門待斃而已未幾一

人下馬入門謂璧曰君長者幸無恐我與君雖無舊好感君盛德



故來慰君語畢植箭於門遂去終事無一犯者蓋其人犯當重法有讎家欲擠之死其人逃去後聚眾萬餘藉報昔讎連及無辜皆受其毒事敗壁憐之爲收卹其子女壁與其人素無交壁行素醇厚故兇暴之徒聞風而企重之以是免於亂世壁於至正丁未卒年七十八子用

永清周志

用號秀實幼瑰異隨父業饑鉅鹿處置籌畫俱有經緯父卒毀瘠逾禮孝事老母母卒哀毀感行路人里中一時爲之罷社方居母憂忽夜夢神人語曰臘月十有七日難將作矣驚覺泣告家人以爲將死會元末寇盜竊發剽掠近邨居人相率避匿用以居廬不肯去及期寇至執用詰曰若何爲守此不去用告以故且言願以身殉母喪死不敢避盜感其孝相戒不得入室事平竟無恙人以爲純孝徵焉用性醇謹雖業估待人以誠人亦莫有欺者巡鹽御

史察其公正多就商之用所建白往往見於施行人以為便平居鮮疾言遽色卽臧獲有過必善導之以是人樂爲用或盡其力卒之日奴隸如哭私親以謂是仁人也用居家能儉約好周施建義塾立義塚創設義院收恤貧無養者又置義田以備非常之需鄉黨俱稱其惠

永清周志

李廷字瑞卿其先粵人移家京師廷早孤母績以教子樵以養柴好禮聞之曰母貞而子孝不與何待以其子妻之年二十起家京尹曹歷左司吏部府正掾太子詹事完澤數言之東宮得召見用爲南昌尹復入掾詹事及中書以勞調泉府司知事進經歷遂爲司丞行泉府罷受詔覈江南賦賦平以能同知河南府事諸王及使客不絕於道修傳邸備供饋以紓民憂祠二程張邵司馬以教民學遷陝西行省員外郎出良民爲奴婢者三百餘人朝廷以爲



忠進甘肅行省郎中復召爲戶部郎中賦法均出賦不竄濫益以爲賢賜三品秩以爲江州總管天久不雨施德化理冤滯去士民所疾苦而便利之乃雨發廩勸分活民於飢者三萬餘家命醫載藥起民於疾者三百五十餘人乃修社稷興學校暇則率府屬詣校官集耆德宿學之士親執經講問下邑皆化之改兩淮屯鹽總管田之沒於民者爲頃餘二十戶之入於他籍者千二百五十有三逃於他郡者九十有六皆復之糧之重於民者爲石六千四百有六十皆除之歲省公帑十七八而上供無不備上數遣使賜酒勞問始給各官公田政成召爲兵部尙書遷刑部尙書拜淮東宣慰司引年謝歸越五年卒揭傒斯李忠靖公墓誌銘贈通奉大夫江西等處行中書省參知政事護軍追封潞陽郡公諡忠靖通州高志張誠字彥清良鄉人元大德間嘗見遺篋於道舉以待遺者久之

有張琮者行哭而至曰兄瑾非罪逮繫營贖亡此將並命焉誠以篋歸之後誠以六十無嗣後生一子聰慧過人年二十登第官尙

書侍御史西臺中丞翰林學士良鄉楊志

劉器之良鄉人畿輔唐志八十五世同居聚族百餘復置義學延名師以

訓鄉里英宗幸涿州臨其家詢以睦族之道器之對曰在義而已苟資財有偏厚衣食有所私匿皆爭端也誠能以義處之斗米尺布公其出納則宗族自睦英宗善其對賜金五十兩旌其門復其

家良鄉楊志

梁有字九思平章梁文節公之孫世居幽州之南城不求聞達教授生徒百餘人奉母至孝天歷間奉勅河南北錄金石刻於濟川錄漢刻九通於泗水之中共錄金石刻三萬餘通上進其副類爲二百卷日文海英瀾又修續列仙傳二十卷金臺集



宗杞大都人年十九父內宰卒擗踊號泣絕而復甦水漿不入口者三日哀氣傷心遂成疾伏臥牀榻猶哭不止淚盡繼之以血既葬疾轉甚杞有繼母無他兄弟度不能自起囑其妻楊氏曰汝善守志以事吾母遂卒楊氏遺腹生一男人以為孝感天不絕其嗣云一統志劉居敬亦大都人年十歲繼母郝氏病居敬憂之懇天以求代狀聞並褒表之元史列傳

阿都齊大都固安州人天性篤孝元史列傳幼孤養母母嘗有疾醫治不痊乃礪其所佩小刀拜天泣曰慈母生我劬勞今當捐身以報遂割左脇取肉一片作羹進母元史類編母曰此何肉也其甘如是數日而病愈元史列傳

曾德漁陽人一統志宗聖曾子裔也元史類編母早亡父仲祥再娶左氏仲祥遊襄陽築其俗土因攜左氏元史列傳同往居焉亂兵陷襄陽遂

失左氏所在元史類編德遍求之五年乃得於廣海間一統志奉迎以歸

孝養甚至有司以聞詔旌復其家元史列傳

劉秉直字清臣大都武清人至正八年為衛輝路總管多異政賊劫汲縣民張聚鈔并殺之日久不獲秉直具詞致禱城隍祠而使

人伺於死所忽有邨民戰佈仆地具言賊姓名及所在命尉襲之果得賊於汴遂正其罪元史類編秋七月蟲螟生民患之秉直禱於八蜡祠蟲皆自死歲大饑人相食死者過半秉直出俸米倡富民分粟餒者食之病者與藥死者與棺以葬天不雨禾且稿秉直詣城北大行之蒼峪神祠具詞祈祝有青蛇蜿蜒而出觀者異之辭神而還行及數里雷雨大至秩滿以親老去官侍養元史列傳

何失字得之昌平人元詩百家小傳負才氣能詩文纖輔唐志與尚書高彥敬太常鮮于樞同學家善織紗穀日出賣紗騎驢歌吟道中指



意良遠

元詩百  
家小傳

至正間名公交薦以親老不就

幾輔  
唐志

揭奚斯雅重

其人贈以句云心事巢由上文章陶阮間虞集見其所作歎曰當

序而傳之使後之作者亦知世有斯人

元史類編  
三十六

東平王繼學曰

余識京師耆老多矣所敬者惟張子正及何得之得之最能為詩

充然有得如宋陸務觀可傳也年八十而終京兆杜伯原稍憶其

所口授者叙而傳之虞伯生集為記其後

元詩百  
家小傳

華陽吳祖椿校



